

Liahona



**Aoao e uiga ia te la
ma Faalogo i Ana
Afioga, it. 12, 14, 20**

**E Tolu Tala Faatusipaia e Aumaia
ia te Au le Faamoemoe, i. 44**

Matou Te Sailia la Mea Uma, i. 52

**E Mafai ona Avea Oe o se
Faifeautalai i le Taimi Nei,
it. 58, 68**



*Ua Aoaoina e Eunike Lana Tama o Timoteo, i Tusitusiga Paia,
saunia e Sandy Freckleton Gagon*

*Na viia e le Aposetolo o Paulo ia Timoteo mo
le "faatuatua faamaoni ua ia te oe, sa muai i ai
ia Loi o le tina o lou tina, atoa ma Eunike lou
tina" (2 Timoteo 1:5). Sa avea Timoteo ma sē sa*

*"galue faatasi ma i matou i le tala lelei ia Keriso"
(1 Tesalonia 3:2) ma se auauna faamaoni ia
Paulo, o lē na ta'uua Timoteo o "lo'u lava atalii i
le faatuatua" (1 Timoteo 1:2).*



Liahona, Ianuari 2011

SAVALI

- 4** **Savali a le Au Peresitene Sili: O Loo Manaomia e le Alii la Faifeautalai**

Saunia e Peresitene Thomas S. Monson

- 7** **Savali a Faiaoga Asiasi: O Le Talafaasolopito ma le Talatuu o le Aualofa**

TALA FAAALIA

- 14** **O Le Faaola—o le Faiaoga Sili**

Saunia e Elder Jay E. Jensen
O le faaaogaina e le Alii o tusitusiga paia e aoao atu ai ma faamalolosia isi ua faia ai se faataitaiga mo i tatou uma lava.

I LE FAAVAA

Iesu, Maria, ma Maretia, saunia e Anton Dorph, faaaloaloga a Hope Gallery.

- 20** **O Le Vaaiga i Tua Atu o Talafaasolopito o le Feagaiga Tuai**

Saunia e Thomas A. Wayment

- 26** **E Taua i lo Tatou Faatuatuaga**

Saunia e Elder Dallin H. Oaks

- 34** **O Le a Se Mea Fou o i le Polokalama o le Alualu i Luma o le Tagata Lava Ia?**

Saunia e Elaine S. Dalton

Na faamalamalama mai e le peresitene aoao o Tamaitai Tala-vou nisi o suiga i le polokalama o le Alualu i Luma o le Tagata Lava Ia.

- 37** **O Le Perisitua Arona—E Sili Atu Nai Lo Le Mea Na E Mafaufauna**

Saunia e David L. Beck

O le a fesoasoani ia te oe le tamai tusi fou o le Tiute i le Atua e te aoao ai, faatino ai, ma faasoa atu le talalelei.



MATAGALUEGA

- 8** **O Mea Faatauvaa ma Faavalea**

- 11** **O o Tatou Aiga, O o Tatou Auaiga: O Le Mana Toefuatai o le Tatalo**

Saunia e Marcos A. Walker

- 12** **O Le Mea Ua Tatou Talitonu I Ai: E Aoao ma Molimau Mai Tusitusiga Paia e uiga ia Iesu Keriso**

- 40** **O Leo o le Au Paia o Aso e Gata Ai**


- 74** **Tala Fou o le Ekalesia**

- 79** **Manatu mo Afiafi Faaleaiga**

- 80** **Seia Tatou Toe Feiloai: E Le Tuulafoaiina Lava**

Saunia e Adam C. Olson

AUTALAVOU MATUTUA



44

- 44 Faataitaiga Anamua, Folafolaga o Aso Nei**
Taofia le igoa
O le mafuaaga e taua ai ia te a'u i lenei vaitaimi ia nei tala ua fia afe tausaga le matua.
- 47 Talalelei i Lo'u Olaga: Mai le Talitonu i le Iloa**
Saunia e Chiao-yi Lin



53

AUTALAVOU

48 Tuusao i le Mataupu**50 Mai le Misiona: I Le Faatasi Ai o Agelu**
Saunia e Samuel Gould**52 Matou te Talitonu!**

Saunia e le Au Peresitene Aoao o Tamaitai Talavou
E tatau ona tatou talitonu i tulaga faatonuina ma tulaga faatauaina ma sailia nei mea ina ia maua le mana o le Agaga Paia.

53 Avea ma se Alii Faamaoni o le Perisitua

Saunia e le Au Peresitene Aoao o Alii Talavou
Matou te iloa e mafai ona e faia mea sili ao avea oe ma se alii faamaoni e umia le perisitua.

54 O Lea Mataupu ma Lea Mataupu: Mataupu Faavae o le Faatuatua 1:13**55 E Tatau Ona E Aveina le Vasega Seminare**
Saunia e Lisa Pace
*O le fautuaga a la'u uo na suia ai lo'u olaga.***56 O Lo Tatou Avanoa****57 Pepa Lautele o I Ai se Savali: E Lelei le Taua****58 Ou Te Faamoemoe Latou te Valaauina Au i se Misiona?**
Saunia e Loran Cook

TAMAITI



68

60 O Le Polika laga e Aupito Sili

Saunia e Karen A. Kimball
Na sese le pepa mo le vaega a Polika Iaga. O le a se mea e mafai ona fai e Kathy?

62 Molimau Faapitoa: E Faapefea ona Ou Fausia se Faavae Faaleagaga?
Saunia e Elder Neil L. Andersen**63 O La Tatou Itulau****64 Taimi o Fetufaaiga: O Tusitusiga Paia o Afioga ia a le Atua**
Saunia e JoAnn Child ma Cristina Franco**66 Tala ia lesu: O lesu a o avea ma se Tamaitiiti**
Saunia e Diane L. Mangum**68 O Fea Isapela?**
Saunia e Susan Denney
*Na misi Isapela i lona lava papatisoga ina ua oo i le taimi e pue ai le ata!***70 Mo Tamaiti Laiti**

O Le Lomiga Faamaonia Faa-Samoa a le Eklesia a Iesu Keriso o le Au Paia o Aso e Gata Ai

Susuga a le Au Peresitene Sili: Thomas S. Monson, Henry B. Eyring, Dieter F. Uchtdorf

O Le Korama a Apostolo e Toasefululuua:

Boyd K. Packer, L. Tom Perry, Russell M. Nelson, Dallin H. Oaks, M. Russell Ballard, Richard G. Scott, Robert D. Hales, Jeffrey R. Holland, David A. Bednar, Quentin L. Cook, D. Todd Christofferson, Neil L. Andersen

Faatonu: Paul B. Pieper

Fautua: Stanley G. Ellis, Christoffel Golden Jr., Yoshihiko Kikuchi

Pule Faatonusili: David L. Frischknecht

Faatonusili e Fuafuaina ma Faatonutonu:

Vincent A. Vaughn

Faatonu o Karafi: Allan R. Loyborg

Pule Faatonutonu: R. Val Johnson

Pule Faatonutonu Lagolago: Jenifer L. Greenwood, Adam C. Olson

Faatonutonu Fesoasoani: Ryan Carr

Faatonu Fesoasoani: Susan Barrett

Aufaigaluega Faatonutonu: David A. Edwards, Matthew D. Flitton, LaRene Porter Gaunt, Carrie Kasten, Larry Hiller, Jennifer Maddy, Melissa Merrill, Michael R. Morris, Sally J. Odekirk, Joshua J. Perkey, Chad E. Phares, Jan Pinborough, Richard M. Romney, Don L. Searle, Janet Thomas, Paul VanDenBerghe, Julie Wardell

Failautusi Sinia: Laurel Teuscher

Pule Faatonusili o Faatufugaga: J. Scott Knudsen

Faatonusili Tusiata: Scott Van Kampen

Pule i le Gaosiga: Jane Ann Peters

Aufaigaluega e Mamanuina ma Gaosiga: Cali R. Arroyo, Collette Nebeker Aune, Howard G. Brown, Julie Burdett, Thomas S. Child, Reginald J. Christensen, Kim Fenstermaker, Kathleen Howard, Eric P. Johnsen, Denise Kirby, Scott M. Mooy, Ginny J. Nilson

Tailolomi: Jeff L. Martin

Faatonusili Lolumiga: Craig K. Sedgwick

Faatonusili o le Tufatufugaga: Evan Larsen

Faatonu & Faaliliutusi O Le Liahona: Ailiati Talataina

O le loioloia: Suvania Toleafoa

Mo O le okaina o mekasini, ia faafesootai le Faletusi Tutotonu i Pesega. Telefoni 64127. Totogi o le Mekasini: \$0.55 (Samoa) i le kopu. Totogi mo le Tausaga Atua \$6.60 (Samoa).

Auina atu tusitusiga ma faafesili i le Liahona,

Rm. 2420, 50 E. North Temple, Salt Lake City, UT 84150-0024, USA; po o le i-meli: liahona@ldschurch.org.

O Le Liahona (o lona uiga i le Tusi a Mamona o le "tapasa" po o se "faatonuala") e lomia i le faa-Alepania, Aminia (Sasae), Pisilama, Palekeria, Kemupotia, Sepuanu, Saina, Kalaotia, Siekisolvakia, Tenimaka, Take, Igilisi, Eritonia, Fiti, Finelmani, Farani, Siamani, Eleni, Hanikeri, Initu, Iselani, Intonesia, Italia, Iapani, Kiripati, Korea, Lativia, Litunia, Malakasa, Masela, Monokolia, Nouei, Polani, Potukale, Romania, Rusia, Samoa, Sinihala, Silovenia, Sipaniolo, Suetena, Tagaloka, Tahiti, Tai, Tamilo, Teluku, Toga, Lukureini, ma Urutu, ma Viatename. (E eseese lava gagana.)

© 2011 Puetafa e le Intellectual Reserve, Inc. Ua taofia aia tatau uma. Lomia i le lunate Setete o Amerika.

E mafai ona kopu tala ma ata o le Liahona mo le toe faaaogaiga i lotu po o le aiga ae ia le faia ai na pisinisi. E le tatau ona kopu ni tala po o ni ata pa afai o faasa mai i le laina o loo ta'ua ai le e ona lea faatufugaga. Auina atu fesili e uiga i le puetafa i le Intellectual Property Office, 50 East North Temple Street, Salt Lake City, UT 84150, USA; i-meli: cor-intellectualproperty@ldschurch.org.

For Readers in the United States and Canada:

January 2011 Vol. 35 No. 1. O LE LIAHONA (USPS 311) Samoan (ISSN 1045-0947) is published monthly by The Church of Jesus Christ of Latter-day Saints, 50 East North Temple, Salt Lake City, UT 84150. USA subscription price is \$10.00 per year; Canada, \$12.00 plus applicable taxes. Periodicals Postage Paid at Salt Lake City, Utah. Sixty days' notice required for change of address. Include address label from a recent issue; old and new address must be included. Send USA and Canadian subscriptions to Salt Lake Distribution Center at address below. Subscription help line: 1-800-537-5971. Credit card orders (Visa, MasterCard, American Express) may be taken by phone. (Canada Post Information: Publication Agreement #40017431)

POSTMASTER: Send address changes to Salt Lake Distribution Center, Church Magazines, PO Box 26368, Salt Lake City, UT 84126-0368.

Faaopoopoga o loo maua i le Initoneti Liahona.lds.org




MO TAGATA MATUTUA

O le Faaola o se faiaoga sili (tagai i le itulau e 14).


Ina ia faaleleia ou tomai faafafiaoga, asiasi i le www.teaching.lds.org.

MO LE AUTALAVOU



Saili i le lomiga lenei po o a ni mea fou i polokalama **o le Alualu i Luma o le Tagata Lava la ma le Tiute i le Atua** (itulau e 34 ma le 37). Ona siaki lea o Uepi saite e fesootai ai o le www.PersonalProgress.lds.org ma le www.DutytoGod.lds.org.

MO TAMAITI



Tagai i le "Faia o Ni Uo i le Lalolagi" i le itulau e 72 ona **taalo lea i le vaega o le taologa i luga o le initoneti i le www.liahona.lds.org.**

O loo faaalia i le taimi nei ata a le fanau i le Falemataaga o Talafaasolopito a le Eklesia i le Aai o Sate Leki, ma o ata uma na auina mai o loo faaalia i luga o le initoneti i le www.liahona.lds.org.

I LAU GAGANA

E maua le Liahona ma isi punaoa a le Eklesia i le tele o gagana i le www.languages.lds.org.

AUTU I LENEI LOMIGA

E ta'u mai e numera le itulau muamua o le tusiga.

Agalelei, 57, 58, 70

Aiga, 26, 48

Aiga Atua, 26

Ala o Faasalalauga, 48

Alualu i Luma o le

Tagata Lava la, 34

Aoaoga, 14

Aualofa, 7

Auaunaga, 58, 62

Faaaliga, 26

Faaameainia, 8

Faamanuiaga o le

perisita, 42

Faamaoni, 60

Faatoaagaina, 40

Faatuatua, 44, 58

Faiaoga o aiga, 42

Feagaiga Fou, 20

Galuega faafaifeatalai,

4, 41, 50, 58, 68

Iesu Keriso, 14, 66, 80

Liuaina, 41, 56

Lototoa, 60

Mama, 54

Molimau, 49, 55, 56

Mutuale, 52

Perisita Arona, 37

Puipuiga faalelagi, 50

Seminare, 55

Talafaasolopito o aiga, 8

Tatalo, 48, 56, 62

Tiute i le Atua, 37

Tusi a Mamona, 47, 56

Tusitusiga paia, 12, 20,

44, 47, 62, 64

Usiusitai, 50

Valaauga o le

Eklesia, 43



Saunia e Peresitene
Thomas S. Monson



O LOO MANAOOMIA E LE ALII IA **FAIFEAUTALAI**

Ia Oketopa talu ai i le konafesi aoao, sa ou valaau atu ai mo nisi faifeautalai. O alii talavou agavaa uma lava, malolosi e tatau ona saunia e auauna atu i se misiona. O le galuega faafeautalai o se tiute faaleperisitu—o se matafaioi ua faamoemoe le Alii mai ia i tatou ua tele mea ua tuuina mai i ai. Alii talavou, ou te apoapoi atu ia te outou, ia saunia mo le galuega faafeautalai. Ia tausisia lo outou mama ma le atoatoa ma le agavaa, e avea ma sui o le Alii. Tausisia le ola maloloina ma le malosi. Suesue i tusitusiga paia. Afai e i ai, ia o i le Seminare ma le Inisitituti. Faamasani i le tusitalima a faifeautalai, o le *Tala'i La'u Talalelei*.

Tuafafine, e ui e le tutusa a outou tiutetauave faaleperisita ma alii talavou e auauna atu faafeautalai faamisiona, e i ai foi la outou sao taua o ni faifeautalai, ma e matou te taliana la outou auaunaga.

Ia te outou uso ma tuafafine matuua o le Ekalesia, ou te faamanatu atu ia te outou o loo manaomia lava e le Alii le anoanoai o outou e avea ma ni faifeautalai faamisiona. Ia te outou na e le'i aulia le taimi o le olaga e mafai

ai ona avea ma ulugalii faamisiona, ou te fautuaina outou e tapena nei loa mo le aso e mafai ai, pe a mafai e o oulua tulaga o i ai, ona oulua o ma lau soa. E i ai ni nai taimi i o outou olaga, o le a outou olioli ai i le lagona matagofie ma le faamalieina e maua mai le auauna atu faatasi mo se taimi atoa, i le galuega a le Matai.

Ia, atonu o nisi o outou e matamulii pe mafaufau foi ia te outou lava tou te le agavaa e talia ai le valaau e auauna atu. Ia manatua, o le galuega lenei a le Alii, ma pe a tatou i ai i le feau a le Alii, ua tatou agavaa foi mo le fesoasoani a le Alii.” O le a faamlosia e le Alii le papatua e tuu i ai le avega.

O isi, e ui ina agavaa e auauna atu faamisiona, atonu e manatu e i ai mea e sili atu ona taua e faamuamua. Ou te manatuaina le folafolaga a le Alii: “O e faasili ia te au, ou te faasili ia te i latou” (1 Samuelu 2:30). E leai se tasi o i tatou o le a faasili ona faamamaluina lo tatou Tama Faalelagi ma lo tatou Faaola nai lo le auauna atu o se faifeautalai tuuto, ma le agaalofa.

O se faataitaiga o lena auaunaga

o le aafiaga faafeautalai lea sa faia e Juliusz ma Dorothy Fussek, o e na valaauiina e faamisiona i Polani. Sa fanau Uso Fussek i Polani. E tautala o ia i le gagana. E alofa o ia i tagata. O Tuafafine Fussek na fanau i Ege-lani ma e laititi si ona iloa ia Polani ae augapiu se iloa i ona tagata. O lo la'ua faalagolago i le Alii, na la malaga atu ai i lenei tofiga. Sa leai nisi o le galuega, ma sa matua tele naua le galuega. E lei faavaeina se misiona i lena taimi i Polani. O le tofiga na tuuina atu i le au Fussek o le saunia lea o le ala ina ia mafai ai ona faavae se misiona.

Pe na faavaivai ai ea Elder ma Sister Fussek ona o le tele naua o le galuega na atofa atu ia i la'ua? E leai lava. Sa la iloaina o lo la valaauga e mai le Atua. Sa la tatalo mo Lana fesoasoani faalelagi, ma sa la tuuto atu i la'ua lava ma o la'ua loto atoa i le galuega.

Na i ai le taimi na matou malaga atu ai ma Elder Russell M. Nelson o le Korama a Aposetolo e Toasefululu; Elder Hans B. Ringger, a o avea ma Fitugafulu; faatasi ma Elder Fussek,



e feiloai ma le minisita o mataupu tau tapuaiga, o Adam Wopatka, o le malo o Polani. Sa matou faalogo atu o ia faapea, "E talia lelei la outou ekalesia iinei. E mafai ona fausia ni o outou fale; e mafai ona auina mai a outou faifeatalai. O le tagata lea," a o faasino lona aao ia Juliusz Fussek, "e matua lelei lona tautuaina o la outou eklesia. E mafai ona outou faafetai atu i ai mo lana faataitaiga ma lana galuega."

Faapei foi o le au Fusseks, ina tatou faia ia o mea e tatau ona tatou faia i le galuega a le Alii. Ona mafai ai lea ona tatou faaleoina faatai ma Juliusz ma Dorothy Fussek le Salamo:

"O lo'u Fesoasoani e mai ia Ieova ia, o le na faia le lagi atoa ma le lalolagi.

"... E le tuuina mai e ia ia mapeva lou vae.

"Faauta, o le leoleo ia Israel, e le tulemoe ia, e le moe lava" (Salamo 121:2-4). ■

AOAO ATU MAI LENEI SAVALI

O loo ta'u mai i le Aoao Atu, *E Leai Se Isi Valaauga e Sili Ai* e faapea: "Faasoa atu se mea na e oo i ai e uiga i le ola ai i se mataupu o le talalelei na faamanuiaina ai lou olaga. la valaaulia i latou o loo e aoaoina ina ia fetufaai faapupuu atu ni mea na latou oo i ai" ([1999], 167). Faitau le savali lenei ona fesili lea i tagata o le aiga, po o ai lea na sauhoa mai Peresitene Monson e tatau ona auauna atu i se misiona. Faasoa ni aafiaga patino na e mauaina, pe na mauaina foi e isi i le avea ai ma faifeatalai faamisiona. Pe faasoa atu foi au fuafuaga e avea o se faifeatalai i le lumanai. Fai i tagata o le aiga e faasoa mai a latou fuafuaga ma aafiaga lelei.

AUTALAVOU



Uila Vilivae i le Lumanai

Saunia e Peter Evans ma Richard M. Romney

Etoatele alii talavou e saunia mea tautupe e auauna atu ai i se misiona. I Aferika, o se vaega o lena sauniuniga o le sueina lea ia lava se tupe mo se tusifolau. Sa maua e Seterika Siamupine le mea sa ia manaomia i se faiga fatufatua'i: e ala i le faatauina atu o fa'i mai tua o se uila vilivae.

E nofo Seterika i Luputa, i le Ripapelika Temokarasi o Congo. O ia o se tasi o alii talavou e 45 mai le itumalo o Luputa, o loo faigaluega i le teuina o se tupe mo se tusifolau e alu ai i se misiona. I Ripapelika Temokarasi i Kongo, o le tau o le tusifolau e \$250, pe tusa o le lua vaetolu o le tau o le fausiaina o se fale.

Ae e lei faavaivai ai Seterika. Sa ia sueina le tupe o lana misiona e ala i le viliina o le uila vilivae i le 15–30 kilomita (9–19 maila) mai Luputa e oo atu i nuu laiti, lea sa ia faatauina mai ai fa'i, ona toe vili foi lea o le uila e ui atu i laufanua valevalenoa o Aferika, ua matuai mamafa lana uila i fualau aina suamalie e faatau atu i le taulaga. O vaiaso taitasi e 180 kilomita le mamao o le mea e alu ai (112 maila) i le auala oneone, ma sa na o le tasi le taimi na toulu ai sana uta na le'i paleni lelei.

O taumafaiga a Seterika, na ia maua ai pe tusa o le \$1.25 i le vaiaso, po o le \$65.00 i le tausaga. E fa tausaga na galue ai o ia e teu se tupe ia lava e faatau ai lona tusifolau, ae o lea ua ia iloa nei lona lumana'i o le a aofia ai ma se misiona faafeatalai aua ua saunia o ia i le tulaga tautupe e tali atu ai i le valaau e faamisiona.

TAMAITI

O Le a Ou Saunia A o Ou Laitiiti

Ina ia fesoasoani i tamaiti ia manatua le valaau mai o Peresitene Monson e sauniuni e auauna atu i se misiona, fai se kopi o le tusi faamaonia lenei, lolomi mai le LDS.org, pe fai foi se tusi faamaonia a oe lava ia mo au tamaiti e saini ai, ma teu e fai ma se faamanatu, pe tuu i luga o o latou puipui po o totonu o a latou api o talaaga.



O LE A OU SAUNIA

Ua valaauna au e Peresitene Thomas S. Monson e sauniuni e auauna atu i se misiona. O le a ou:

- Tausia a'u lava ia mama ma atoatoa ma agavaa e avea ma sui o le Alii.
- Faatumauina lo'u ola maloloina ma le malosi.
- Tatalo ma suesue i tusitusiga paia.

O le a ou sauni e auauna
atu i se misiona.

(saini)



O Le Talafaasolopito ma le Talatuu o le Aualofa

Na toe faamanatu mai e Eliza R. Snow le aoaoga a le Perofeta o Iosefa Samita faapea “e ui o le igoa [Aualofa] atonu e faaona po nei, ae o le faalapotopotoga e tupuga mai anamua.”¹

Na asia e le Tama Faalelagi ma Lona Alo o, Iesu Keriso, ia Iosefa Samita ma, na ala mai ia te ia, le toefuataiga mai o le atoaga o le talalelei i le lalolagi. Na avea le Aualofa ma se vaega o lena toefuataiga. E lei atoatoa ona faatulagaina le Ekalesia vagana ai ina ua faatulagaina tamaitai.²

O masina o loo loma nei, o le a aumai ai ia i tatou e Savali taitasi a Faiaoga Asiasi le avanoa e aoao atili ai e uiga i le talafaasolopito o le Aualofa ma lana pitolaau i le talalelei toefuataiga. Mo le tele o mafuaaga, o le malamalamā i lo tatou talafaasolopito e le gata ina taua ae e *tatau ai*.

Muamua, o se malamalamāaga e uiga i lo tatou talafaasolopito o le a musuia ai i tatou e avea ma tamaitai o le Atua e tatau ona avea ai i tatou. E ala i le mulimuli i faataitaiga a tamaitai amiontonu o le Au Paia o Aso e Gata Ai, e mafai ai ona tatou aoao mai mea ua tuanai le auala e fetaia'i ai ma le lumanai.³

Lona lua, e aoao mai e lo tatou talafaasolopito o matapu faavae lava e tasi na i ai i le Ekalesia anamua, o a tatou matapu faavae autu foi na i le taimi nei. O lenei malamalamāaga ma o tatou faamoemoega—ina ia faateleina le faatuatua ma le amiontonu patino, faamalolosia auauga ma aiga, ma fesoasoani ia i latou e manaomia le fesoasoani—o le a faia ai se sootaga i le va o le taimi ua tuanai ma lo tatou vaitaimi.

Lona tolu, a tatou faatauaina lo tatou talafaasolopito, o le a mafai atili ai ona tatou faasoa atu lo tatou talatuu faaleagaga. Na saunoa mai Peresitene Henry B. Eyring, Fesoasoani Muamua i le Au Peresitene Sili: “E te pasi faasolo atua le talatuu pe a e fesoasoani i isi ia maua le meaalofa o le alofa moni. . . . O le talafaasolopito o le Aualofa o loo tusia i upu ma fuainumera, ae o lona talatuu e pasi faasolo atu mai le loto i le loto.”⁴

O le mea mulimuli, o le malamalamā i lo tatou talafaasolopito e fesoasoani lea e avea ai i tatou ma se vaega ola o le lumanai o le Aualofa. Na faamalamalamā mai e Peresitene Spencer W. Kimball (1895–1985) faapea, “Matou te iloa o tamaitai o e o i ai se agaga fiafia loloto mo mea ua tuanai o le a popole e uiga i le fatufatui o se lumanai amiontonu.”⁵

Julie B. Beck, peresitene aoao o le Aualofa.

Suesue i mea nei, ma pe a talafeagai ai, ia talanoaina faatasi ma uso e te asia. Faaaoga fesili e fesoasoani ai ia te oe e faamalosia ai ou uso ma avea ai le Aualofa ma se vaega ola o lou lava olaga.

Faatuatua • Aiga • Toomaga

O Le a se Mea e Mafai ona Ou Faia?

1. O le a se mea e mafai ona ou faia e fesoasoani ai i uso ou te asia ina ia maua le meaalofa o le alofa moni?

2. O le a se mea e mafai ona ou amataina i lenei masina e fesoasoani ai ina ia fausia se lumai-nai amiontonu mo au lava ia? mo lo'u aiga? mo isi?

Mo nisi faamatлага, alu i le www.religionsociety_lds.org.

Mai Tusitusiga Paia

Eseta 9:28–29;
Roma 16:1–2;
Alema 37:8;
Moronae 7:45–47

Mai lo Tatou Talafaasolopito

“O le Aualofa o le faalapotopotoga lea a le Alii mo tamaitai.”⁶ I lona malosiaga o se perofeta, na faatulaga ai e Iosefa Samita le Aualofa i le aso 17 o Mati, 1842. Na i ai i lena uluai fonotaga se vaega toalaiti, eseese o tamaitai tuuto, e tutusa lava ma tuafafine o le Aualofa i le taimi nei. “O e aupito laiti o ni tamaitai talavou se toatolu, ma le aupito i matua, o se tina e i le vaitausaga o le limasefulu. E toasefulutasi tamaitai ua faaipoipo, toalua ua malliu a la tane, toaono e lei faaipoipo, ma le toatasi e le mailoa le tulaga sa i ai. E eseese o latou tulaga tau aoaoga ma tulaga faaletagata, e faapena foi o latou tulaga faaletamaoaiga. O lo latou eseesega o le a faalauaiteleina i le tele o taimi a o faaauau pea ona faatupula'ia tagata auai o le faalapotopotoga, peitai sa tasi i latou ma o le a faaauau pea lava ona tasi.”⁷

FAAMATALAGA

- Eliza R. Snow, “Female Relief Society,” *Deseret News*, Apr. 22, 1868, 81.
- Tagai i le *Aoaoga a Peresitene o le Ekalesia: Iosefa Samita* [2007], 480.
- Tagai L. Tom Perry, “O Le Ala o le Taimi ua Tuanai e Fetaiai ai ma le Lumanai,” *Liahona*, Nov. 2009, 73–76.
- Henry B. Eyring, “O Le Talatuu Mausali o le Aualofa,” *Liahona*, Nov. 2009, 124–25.
- Spencer W. Kimball, “Privileges and Responsibilities of Sisters,” *Ensign*, Nov. 1978, 104.
- Spencer W. Kimball, “Relief Society—Its Promise and Potential,” *Ensign*, Mat. 1976, 4.
- Jill Mulvay Derr, Janath Russell Cannon, ma Maureen Ursenbach Beecher, *Women of Covenant* (1992), 28.



O Mea Faatauvaa ma Faavalea

"O mea faatauvaa ma mea faavalea ua faataunuina ai mea tetele" (Alema 37:6).



AUALA E FESOASOANI IA LAGONA AI E TAGATA FOU O LE EKALESIA LE TALILELEIA O I LATOU

- Faailoa atu oe lava i tagata fou o le ekalesia i le uarota po o le paranesi ma ia e faia ma se isi mea, o lou nofo ai lea faatasi ma i latou i taimi o vasega ma sauniga faamanatuga.
- Taumafai e manatua o latou igoa.
- E mafai e taitai perisitua ma sui auai o au peresitene o le Aoga Sa ma le Aualofa ona valaaulia tagata fou e faailoa atu i latou lava a o le'i amataina le lesona.
- Ofo atu e fesoasoani i tagata faatoa masii mai ma amata faamasani i le eria.
- Valaaulia i latou i gaoioiga a le uarota po o le paranesi.
- Ia avea o se uo! la faaauau pea ona faamasani ma tagata fou o le ekalesia i vaiaso ma masina e sosoo ai.

Punouai i le Galuega o Talafaasolopito o Aiga

Atonu ua na oe lava le tagata o Ale Ekalesia i lou aiga ma e fou i galuega o talafaasolopito o aiga. Pe masalo foi na i ai nisi o lou aiga na faia le tele o galuega o talafaasolopito o aiga ma le malumalu mo ou tuaa. Po o le a lava lou tulaga, o loo tele lava auala e mafai ai ona fai sou sao i lenei galuega taua.

Afai e te le mautinoa le mea e amata ai, amata i le mea e sili ai lou iloa: o oe lava ia. O le mea moni lava, o le talafaasolopito o aiga e le na o tagata e pele ia te oe ua maliliu. E faatatau foi i le pu'eina mai o lou lava talafaasolopito a o e ola ai. O nisi nei o auala e mafai ona e amata ai:

- Saili se tamai pusa teuoloa ma tuu i totonu au faamaumauga taua: o lou pepa fanau, tipiloma, failogia, api o talaaga, ata—soo se mea e faatatau i lou olaga.
- Afai e te faaaogaina se masini e mafai ona faia ai ni kopi o ata, mafaufau e toe kopi ia ata tuai ina ia maua ai ni kopi o ata ttau ia e mafai ona faaaoga i le komepiuta.
- Teu se api o talaaga o mafaufuga musuia, lagona, ma mea na tutupu i lou olaga.

Faatalanoa tagata o lou aiga ina ia faamaumau talaaga o o latou olaga. Amata i le tagata o lou aiga e aupito i matua o loo soifua. Fai ni fesili faape-nei: Na faapefea ona maua lou igoa? O a ni aga masani a lou aiga a o e laitiit ma le gasologa o le olaga? O a ni mea e mafai ona e ta'u maia ia te a'u e uiga i ni taleni faapitoa po o ni uiga o lou aiga? O le tuufatasia o talafaasolopito a isi o le a avea ma oa taua o le aiga mo augatupulaga a sau.

- Lesitala mo se faitotoa i le www.New.FamilySearch.org ma ta i totonu faamatatalaga tau gafa na e aoina mai e uiga ia te oe lava ia ma tagata o le aiga. O le a fesoasoani ia te oe aaoaga i luga o le initoneti i lea laasaga ma lea laasaga.

Afai e i ai ni au fesili e uiga i galuega o talafaasolopito o aiga, o le a mafai ona fesoasoani le faufautua o talafaasolopito o aiga a lau uarota po o le paranesi.



OA I LE LAGI

Pe a tatou sailia o tatou lava gafa, ua amata ona tatou fafia i le tele o isi mea nai lo na o igoa po o le aofaiga o igoa ua ave i le malumalu. O lo tatou fafia i ai, o le a liliu atu ai o tatou loto i o tatou tama—tatou te saili ina ia maua i latou ma iloa i latou ma auauna atu ia i latou. O le faia o lea mea tatou te teu ai oa i le lagi."

Peresitene Boyd K. Packer, Peresitene o le Korama a Apostolo e Toasefululua, "O Lau Talafaasolopito Faaleaiga: O Le Amataina," *Liahona*, Aok. 2003, 17].



TALAFAA SOLOPITO O LE EKALESIA I LE LALOLAGI




Hanikeri

Eui ina sa taunu le uluai faifeatalai o le Au Paia o Aso e Gata Ai i Hanikeri i le tausaga 1855, ae na laitiiti sona faamanuiaina ma na toe alu ese ina ua mavae pe a ma le tolu masina. O le uluai tagata Hanikeri na liliu mai i le Ekalesia o, Mischa Markow, lea na papatisoina i Konesitatinopa i le tausaga 1887. Na sosoo ai ma lona auauna atu i se misiona i Europa, ae na mulimuli ane tuliese mai Belgrade ma sosoo ai ma Hanikeri o le atunu ona o lana talaiga.

Mo le tele o tausaga na faatapuainaina ai e tulaga faapolokiki a Hanikeri le galuega faafaifeatalai iina. O le tulaga lauiloa o le Ekalesia i le vaitaimi o le vaitausaga o le 1980, na mafua ai ona sailiili i ai le toatele o tagata Hanikeri, ma i le faaiuga o le 1986, na malilie ai le au mau tofi o le malo o Hanikeri e faataga ona ulufale atu faifeatalai i le atunu.

Mai i lena taimi, na matua faamanuiaina taumafaiga faafaifeatalai. Na lolomiina le Tusi a Mamona i le faaHanikeri i le 1991, ma na fausia le uluai siteki i le 2006.

O le Maota o le Palemene a Hanikeri, na faamaeaina i le tausaga 1904, o loo i luga o auvai o le Vaitafe o Danube i Budapest.



O LE EKALESIA I HANIKERI

Tagata auai	4,594
Misiona	1
Siteki	1
Itu	2
Uarota ma Paranesi	21



TAULIMAINA O FAIGATA

Ole ola ai i le talalelei na fesoasoani lea ia te au ma lo'u aiga e manumalo ai mai faaososoga. Ou te iloa o le anapogi, totogi o le sefuluai, ma le tatalo i aso uma, faatasi ai ma le faamoemoe i le Togiola a lesu Keriso, e mafai ai ona tatou manumalo mai faaososoga.

Ae le faapea ai la o le a saoloto ai o tatou olaga mai faigata. Na ou iloa foi o le tele o faafitaui e feagai ma i tatou, o le tele foi lea o lo tatou agavaa mo faamanuia ma tatou aoao mai ai i o tatou aafiaga. Ou te fia manao e mafaufau i le tulaga o le faigata e pei o le savili o loo feulaina se maua. O le malosi o le savili, o le a mafai ai foi e le maua ona lele maulugua.


Chhoeun Ravuth, Kemupotia



Howard W. Hunter




Gordon B. Hinckley



Thomas S. Monson



Iosefa Samita



Polika Iaga



Ezra Taft Benson



Spencer W. Kimball



Harold B. Lee




Iosefa Filitia Samita


O Peresitene o le Ekalesia

Ole a le lelei o lou iloa o Peresitene o le Ekalesia? Fai le suega lenei e iloa ai. O loo i lalo tali.


1. Ina ua mavae Iosefa Samita, o ai na sili ona puupuu le taimi na avea ai o se Aposetolo a o le'i avea ma Peresitene o le Ekalesia?
2. O ai na aupito umi le taimi na avea ai ma Pulega Aoao?
3. O ai na aupito umi le taimi o avea ma Peresitene o le Ekalesia?
4. O ai le Peresitene o le Ekalesia e toatasi lea na fanau i fafo atu o le lunaite Setete?
5. A o le'i oo ia Peresitene Thomas S. Monson, o ai le Peresitene o le Ekalesia e toatasi lea na avea ma epikopo?
6. O ai na faamisiona i le nofoaga lea ua ta'ua nei o Motu o Hawaii a e faatoa 15 ona tausaga?
7. O ai na avea ma Failautusi o le Ofisa o Faatoaga a le lunaite Setete a o avea foi ma se Aposetolo?
8. O ai le Peresitene o le Ekalesia lea na sili ona umi lona soifua?
9. O ai na gaui ponaivi o ona lima ma vae, lavea faafuasei lona vae i se to'i, ū e se maile feai, omia ona vae i laau na pauu, toeitiiti lava maliu i le 'ona o le toto, toeitiiti foi a malemo, toeitiiti lava a maliu i le aisa, ma na sao mai i le faatama'iga a se nofoaafi saoasaoa?



Ioane Teila



Uilifoti Utilaifi



Lorenzo Snow




Iosefa F. Samita



Tavita O. MaKei



Siaosi Alapati Samita



Heber J. Grant

- Tali:
 1. Polika Iaga, 12 tausaga
 2. Tavita O. MaKei, toetiti atoa le
 3. Polika Iaga, 30 tausaga
 4. Ioane Teila, na fanau i Milint-
 horpe, Egeland
 5. Howard W. Hunter
 6. Iosefa F. Samita
 7. Ezra Taft Benson
 8. Gordon B. Hinckley, 97 tausaga
 9. Uilifoti Utilaifi

OLE MANA TOEFUATAI OLE TATALO

Saunia e Marcos A. Walker

Ou te manatua pea o'u lagona i le taimi na ou vaai ai i loimata o le salamo o loo tafe mai lalo o mata o lo'u atalii e 10 tausaga le matua o, Arián.

Sa la taaalo ma lona uso matua o, Ioeu, e 12 tausaga, i le potumoe, ae faafuasei loa ona la feupua'i, ma na ou



oso atu ma toe faatulagaina le filemu. Masalo ona o o la tausaga, ua avea ai le femisaa'i ma se mea masani i le va o le au alii.

E le'i tali lelei mai ia te a'u ia Arián, o lē na matua iloa lelei le tetete ma le tagi ina ua uma le la misa ma lona uso. Sa ou faasa'oina faalua o ia (ma o lea na faasaga mai ai ia te a'u lona le fiafia), ma na matua atili ai ona le lelei. Sa le mafai ona taofiofa o ia, na mumu ona foliga, ma na tetete. Na amata ona sau lo'u ita, ae na ou iloa e tatau lava ona i ai se vaifofo e aunoa ma lo'u 'e'ē.

Na vave lava ona oo mai i lo'u mafaufau le mataupu faavae o le tatalo. Ioe, o le tali lena, ma na ou aveina o ia i totonus o lo'u potu, tapuni le faitotoa ma fai atu i ai, "Arián, sau ta tootutuli, ma o le a ou faia se tatalo i le Tama Faalelagi."

Na ma tootutuli i lalo a o faaaauau pea ona tagi o ia i le faalii. Sa ou tatalo ma le faamoemoe ina ia taumafai e fesoasoani i si o'u atalii. I le ogatotonu o le tatalo na ou iloa ai ua fai ifo lona masūsū. O loimata ia ua tafe mai i lalo o ona alafau o loimata o le salamo.

A o faaiu le ma tatalo, na ea a'e i luga mata o Arián ma fesili mai, "Tama, e mafai ona e faamagaloia au?" Sa ma feopoai, ma na le mafai foi ona taofiofa o'u loimata. Na



O LE MEAALOFA O LE TATALO

"O le tatalo o se meaalofa faalelagi a lo tatou Tama o i le Lagi mo tagata uma. Mafaufau i ai: o le Atua Sili-siliise, e silafia mea uma, e silasila i mea uma, o le peresona e ona le mana uma, e uunaia oe ma au, po o le a lava lo tatou faatauvaa, ia talanoa atu ia te la o lo tatou Tama. . . .

"E le afaina o tatou tulaga o loo i ai, pe tatou te lotomaulalo pe faa-sausili, matitiva pe mauoa, saoloto pe pologa, popoto pe valea, alo-fagia pe tuulafoaiina, e mafai lava ona tatou talanoa atu ia te la. Tatou te le tau faatulagaina se taimi. E mafai ona pupuu a tatou talosaga pe mafai foi ona alu ai le taimi atoa e manaomia. E mafai ona avea o se faailoa atu o le alofa ma le loto-faafetai po o se olega faanatinati foi mo se fesoasoani. Sa ia foafoa-ini atulaulau e le mafaitaulia ma faa'ainaina i lalolagi, ae e mafai e oe ma a'u ona talanoa patino atu ia te la, ma o le a tali mai foi o la e le aunoa."

Elder Richard G. Scott o le Korama a Apose-tolo e Toasefululu, "Faaaogaina o le Meaalofa Faalelagi o le Tatalo," *Liahona*, Me 2007, 8.

faatumulia lo'u agaga i le lagona o le filemu ma le alofa. E le'i toe fai maia se upu a Arián, ae na ou iloa ua ia maua le mana toefuatai o le tatalo ma na tuia lona loto e le Agaga Paia.

E le na o le mana o le tatalo lea na ia iloaina, ae na ia maua foi se molimau i lea mana. ■

E AOAO MA MOLIMAU MAI

TUSITUSIGA PAIA E UIGA IA IESU KERISO

Eaofia i tusitusiga paia ia fautuaga mai perofeta, tala musuia o le taulimaina e le Atua o tagata, ma faaaliga mai le Atua i Ana perofeta. Ua aoao mai e tusitusiga paia o i tatou o fanau a lo tatou Tama Faalelagi, e alofa ia i tatou. O se vaega o Lana fuafuaga mo lo tatou fiafia e faavavau, ua tatou o mai ai i le lalolagi. A o tatou i ai la iinei, ua avea ia tusitusiga paia o se laina faaola faaleagaga i lo tatou Tama Faalelagi ma Iesu Keriso.

O le mafuaaga autu lava o tusitusiga paia o le molimau mai lea ia Keriso, ma fesoasoani ia i tatou ia o mai ia te Ia ma maua le ola e faavavau (tagai Ioane 5:39). O lea ua fautuaina ai i tatou e perofeta o Aso e Gata Ai ia suesue i tusitusiga paia i aso uma, taitoatasi pe faatasi foi ma o tatou aiga. Na saunoa mai Peresitene Thomas S. Monson: “Ia auai i aso taitasi i le suesueina o tusitusiga paia. O vasega auiliili e faatatope ona fai, e le tutusa le aoga ma le faitauina i aso taitasi ma faaaoga tusitusiga paia i o tatou olaga. Ia faamasani i lesona e aoao mai i tusitusiga paia. . . . Suesue i ai e faapei o latou saunoa mai ia te oe, aua o upumoni na.”¹

E ala mai i upu o tusitusiga paia, ua mafai ai ona tatou iloa ma alolofa i lo tatou Tama Faalelagi ma le Faaola o Iesu Keriso. Ua mafai ona tatou fai-tauina a La’ua poloaiga ma, o se tau-nuuga, ua aoao ai ia iloa le eseesege i le va o le mea sa’o ma le mea sese. Ua tatou maua ai le malosi e tetee atu i faaososoga e fai le agasala. Ua faateleina lo tatou naunau ia usitai i tulafono a le Atua. Ua faamafanafanaina ma aoaoina i tatou e tusitusiga paia a o tatou i ai i le lalolagi, ma e latou te toe faasinoina ai i tatou i le ala e toe foi ai i lo tatou aiga faalelagi.

FAAMATALAGA

- Thomas S. Monson, “Ia Avea Ma Tagata Sili E Mafai Ona Avea Ai Oe,” *Liahona*, Me 2009, 68.

Mo nisi faamatalaga, tagai i le Mataupu Faavae o le Talalelei (2009), 47–53; *Faamaoni i le Faatuatua* (2004), 190–95.

Ua talia e Tagata o Le Ekalesia a Iesu Keriso o le Au Paia o Aso e Gata Ai tusi nei o ni tusitusiga paia:



“O tusi paia uma lava e mai le Agaga o le Atua ia, e aoga foi ia e aoao ai, e aoai ai, e faatonu ai, e faapoto ai foi i le amiontonu” (2 Timoteo 3:16).

Ole faamoemoega tutotonu o tusitusiga paia uma o le faatumuina lea o o tatou agaga i le faatuatua i le Atua le Tama ma Lona Alo, o Iesu Keriso. . . .

“. . . O le faatuatua e oo mai ma le molimau a le Agaga Paia i o tatou agaga, Agaga i le agaga, a o tatou faalogo pe faitau i le afioga a le Atua. Ma e matua le faatuatua pe a faaauau pea ona tatou fiafia i le afioga a le Atua. . . .

“. . . Suesue ma le faaeteete ma le faamoemoe i tusitusiga paia. Manatunatu loloto ma tatalo e uiga i ai. O tusitusiga paia o faaaliga ia, ma o le a latou aumaia faaaliga faaopoopo.”

Elder D. Todd Christofferson o le Korama a Apoestolo e Toasefululua, “O Le Faamanuiaga o Tusitusiga Paia,” *Liahona*, Me 2010, 34, 35.

1. O le Tusi Paia o se faa-putuga o faamaumauga paia o loo i ai faaaliga a le Atua i perofeta anamua i le Nuu Paia. O loo ta'u mai e lo tatou faatuataga lona valu e faapea, "Matou te talitonu o le Tusi Paia o le afioga a le Atua i mea uma ua tonu ona faaliliuina."



2. O le Tusi a Mamona: O le isi lea Molimau ia lesu Keriso e aofia ai faaaliga a le Atua i perofeta anamua i Amerika. Ua i ai [i lea tusi] le atoatoaga o le talalelei a lesu Keriso (tagai i le MFF 20:9).



3. O le Mataupu Faavae ma Feagaiga o se tusi o faaaliga e faatatau i le Toefuataiga o le talalelei a lesu Keriso, na tuuina atu i perofeta i nei ona po e amata mai ia Iosefa Samita.



4. O le Penina Tau Tele e aofia ai ni faaaliga faaopoopo mai le Atua ia Mose, Aperaamo, ma Iosefa Samita.



5. E faaaauau pea ona faaalia upu moni e le Atua i perofeta soifua e ala i musumusuga a le Agaga Paia. O nei upu moni ua faatatau i tusitusiga paia (tagai MFF 68:4). E oo mai muamua ia i tatou e ala mai i konafesi aoao, lea e faia i le faiiuga o le vaiaso muamua o Aperila ma Oketopa, pe a faafogofaga tagata o le ekalesia i le lalolagi atoa i saunoaga mai lo tatou perofeta ma isi taitai o le Ekalesia. ■

FAASOLOGA MAI LUGA AGAVALE: ATA NA TUSIA E DEREK ISRAELSEN © 2002; KERISO I KETESEMANE, SAUNIA E HARRY ANDERSON © IRI; O TAGATA SA NIFAE E TOATOLU, SAUNIA E GARY KAPP © 1999 IRI; O IESU KERISO O LOO FAAALI ATU I LE PEROFETA O IOSEFA SAMITA MA OLIVA KAOTUI, SAUNIA E WALTER RANE, FAAALOALOGA A LE FALEMATAAGA O TALAFASOLOPITO A LE EKALESIA; O LE ULUAI FAAALIGA, SAUNIA E DEL PARSON © 1987 IRI; ATA NA PUEINA E CRAIG DIMOND © IRI; ATA NA SAUNIA E CHRISTINA SMITH © IRI





Saunia e Elder Jay E. Jensen
O Le Au Peresitene o Fitugafulu

O LE Faaoła O LE FAIAOGA SILI

E tatau ona tatou fiafia i afioga a Keriso—o tusitusiga paia ia—ma, e pei ona Ia faia, na faaaogaina e aoao atu ai ma faamalolosia ai isi.

Tlalo o le taitaiga a Lona Tama, na foafaina ai e Iesu Keriso lalolagi e le mafaitaulia. O Ia o le Ieova silisili, o le Atua o le Feagaiga Tuai. Sa soifua mai o Ia i se tina faaletino o, Maria, ma le Atua le Tama Faavavau. O Ia o se tamalii aupito sili ona maoae na soifua i le lalolagi. Na Ia fetalai mai na Ia afio mai “e faia le finagalo o le na auina mai a'u, ma faaui lana galuega” (Ioane 4:34).

O Lana savali ma Lana galuega o ni folafolaga e aunoa ma se taufaasese o Ia o Iesu Keriso, o le Alo o le Atua, o le Mesia na folafolaina.

I Ana aaooga sa tele lava ina Ia sii maia mau mai le Feagaiga Tuai. Na te faaaogaina ia tusitusiga paia e saunia ai mo Lana talaiga, e tetee atu ai i le amioleaga ma faaososoga, e faamaluina ai ma faamautu ai le aoga o perofeta ua mavae atu, ma faamalolosia ai isi. Mai Ana faataitaiga atonu ua tatou aoao ai e faaaoga atili ia tusitusiga paia i o tatou tiutetauave o ni matua, taitai, ma faiaoga—na Ia faatulagaina se faataitaiga

atoatoa i mea uma lava, e aofia ai le avea ma se faiaoga sili.

Sauniuni mo Lana Galuega Talai

Ina ua afio mai le Alii i le lalolagi, na uftia Lona mafaufau i se ufifofoga e faagalo ai, e pei ona faia ia i tatou, ae o Ia foi, e pei o i tatou, na agai i luma mai le alofa tunoa i le alofa tunoa (tagai MFF 93:11–17). Na aoaoina o Ia e Lona Tama Faalelagi (tagai Ioane 8:28; 12:49) ma faiaoga i la le tino. E pei ona faailoa mai e Elder James E. Talmage (1862–1933) o le Korama a Aposetolo e Toasefululu: “O lo tatou malamalamaga i le olaga faa-Iutaia i lena matua na faamautinoa mai ai le faaiuga, na matua lelei lava

le aoaoina o le Tamaitiiti [o Iesu] i tulafono ma tusitusiga paia, aua o le tulafono lava lena [na i ai]. Na Ia mauaina le malamalamaga e ala i le suesue, ma sa maua le poto e ala i le tatalo, mafaufau, ma le taumafai.”¹

“O a'u nei le areto o le ola: o le sau ia te au, e le laina lava ia; o le faatuatua foi ia te au, e le toe fia inu lava ia.”





Mai le amataga o Lona olaga faatamaitiiti seja oo i le amataina o Lana talaiga i tagata lautele, pau lava le tala o loo tatou mauaina e uiga ia te Ia o le i ai lea i le malumalu i le 12 o Ona tausaga i se mataifaoi faafaaoga, ma faatinoina se tulaga uiga ese o le atamai ma le malamalama: "Ua mavae aso e tolu, ona la [Iosefa ma Maria] maua ai lea o ia i le malumalu o nofo i totonu o le au a'oa'o [po o faiaoga], o loo faalogologo ia te i latou, ma taufesili ia te i latou" (Luka 2:46). O loo faamanino mai e le Faaliliuga a Iosefa Samita lenei fuaiupu ma ta'u mai ai o faiaoga na faalogologo ia Iesu ma taufesili *atu ia te Ia*.

**"Ua mavae aso e tolu,
ona la maua ai lea o ia
i le malumalu,** o nofo i
totonu o le au a'oa'o [po
o faiaoga], o loo faalo-
gologo ia te i latou, ma
taufesili ia te i latou."

O Lona tuputupu ae i le malamalama a o le'i amataina Lana galuega tala'i na atagia ai Lana fautuaga na tuuina atu ia Ailama Samita i le 1829: "Aua le saili e tala'i atu la'u upu, a e mua'i saili ia maua la'u upu, ona matala ai lea o lou laulaufaiva; o lea, afai e te manao ai, o le a e maua lo'u Agaga ma la'u upu, ioe o le mana lea o le Atua i le faatalitonusina o tagata" (MFF 11:21).

E mafai foi ona tatou saili i tusitusiga paia mo faatonuga ma musumusuga a o amataina la tatou talaiga, pe o lena talaiga o se valaauga fou, o se tiutetauave fou (e pei o le avea ma se matua), pe ua na o se lesona foi i se afiafi faaleaiga.

Tetee Atu i le Amioleaga ma Faaosoosoga

I le amataga o Lana galuega talai, na faaosoosoina Iesu e le tiapolo. O le lua o faaosoosoga e tolu na amata i se faamatalaga tiga o le le mautonu: "Afai o oe o le Alo o le Atua" (Mataio 4:3, 6). Ina ia tetee atu ia Satani, na sii mai e le Faaola mau e tolu mai le Feagaiga Tuai, faapea, "Ua tusia . . ." (fuaiupu e 4, 7, 10).

Na aoaoina foi e le Faaola e na mulimuli ia te Ia e ala i fataitaiga faatusipaia i le auala e manumalo ai mai le amioleaga. O le aoaoina atu la o tagata ina ia tetee atu i le amioleaga po o le feagai ma taunuuga leaga, na sii mai ai e le Faiaoga Sili se tala mai le Feagaiga Tuai: "O le aso faamasino e feoloolo ai Sotoma

ma Komoro i lea lava aai [o i latou ia na tetee i Lana talalelei]” (Mataio 10:15).

Afai tatou te usitai i ai, e i ai se mana puipui masani o le afioga a le Atua: “O i latou uma o ē faalogo foi i le afioga a le Atua, ma taofi mau i ai, e le fano i latou e faavavau; e le mafai foi e tofotofoga ma u fanafana mu a lē ita mai ona manumalo ia te i latou” (1 Nifae 15:24).

O se tasi o mau ou te fiafia lava i ai e tetee atu ai ia Satani i lenei vaitaimi o le mau lenei: “O loo vaai o'u mata ia te outou. O loo o'u i totonu ia te outou” (MFF 38:7). E aveesea ai e faavavau le pepelo lea “e le iloa lava e se tasi.”

Faamamaluina o Perofeta ua Mavae Atu

Na failoa mai e le Faaola ia perofeta ana-mua ma sii mai mea na latou saunoa mai ai. I lenei tisipenisione, na Ia poloaiina Sidney Rigdon ina ia “valaau atu i perofeta paia e faa-maonia ana [Iosefa Samita] upu” (MFF 35:23).

Ina ia molimau atu ma le migao i upu a perofeta o le Feagaiga Tuai, na ta'ua e le Faaola ia Noa (tagai Mataio 24:37–38); Aperaamo (tagai Luka 16:22–31; Ioane 8:56–58); Aperaamo, Isaako, ma Iakopo (tagai Mataio 8:11); Mose (tagai Ioane 5:46); Tavita (tagai Luka 6:3); Elia (tagai Luka 4:25–26); ma Isaia (tagai Luka 4:16–21; Ioane 1:23). Na Ia faamamaluina ma lagolagoina Lana teuteuala o, Ioane le Papatiso (tagai Mataio 11:7–11).

I le Lauga i luga o le Mauga, na faia ai e le Faaola ni fesootaiga taua lava i perofeta o le Feagaiga Tuai ma a latou aoaoga e faatatau ia te Ia. O loo faaalia mai i lenei mea le fesootaiga vavalalata i fuaiupu mai le lauga Faaumuia (tagai Mataio 5:3–11) ma mai le Isaia 61:1–3.²

E mafai foi ona tatou faamamaluina perofeta ua mavae atu ma e o loo i ai nei i le faa-aoga o a latou aoaoga: o le upu ma le loto o le Alii (tagai MFF 68:4). Ao tatou sauni e aoao mai tusitusiga paia, e tatau ona tatou sailili ma le agaga tatalo mo mataupu faavae e mafai ona tatou faatatauina i mea o tatou aoao atu.

Faamalolosia o Isi

O se savali e tupito lona taua i le soifuaga o le Matai o le lauga lea i le “areto o le ola” (tagai Ioane 6). O loo faapupula mai ai Ana aoaoga ma le faaaogaina o tusitusiga paia ma le faatatauga ia i tatou.

O le aso ao le'i tuuina atu Lana savali lenei, na faatino ai e le Alii le vavega o le fa-fagaina o le 5,000, ma faaopoopoina atili ai e na mulimuli ia te Ia (tagai Ioane 6:5–14). Afai e le'i lava lenei vavega ma isi foi ina ia fesoasoani e faatalitonuina ai isi e uiga ia te Ia, na Ia matua folafola atu Ia lava i le lauga e uiga i le areto o le ola. O lenei lauga na aoao ai Ana Apostolo, aemaise lava Peteru, lea na faamalosia ai lana molimau (tagai i fuaiupu e 63–71).

Na faatatau le Faiaoga Sili i se mea na tupu i le Feagaiga Tuai ina ia faalaulioa atu ai le lauga o le areto o le ola:

“E le o Mose na avatu ia te outou lena areto mai le lagi; peitai o lo'u Tama, na te avatu ia te outou le areto moni mai le lagi.

“Aua o le areto mai le Atua, o le mea ua alu ifo mai le lagi, ma au mai ai le ola i le



O LE FAIAOGA SILI

“O le Faaola o le fai-aoga sili lea. O aoaoga a lesu Keriso e aofia ai se faamatalaga tusitusia i metotia faafaaoga e le maua e se isi. O lesu sa faamatalaina o se faitofa manino, o se tamalii tomai i le itu tau tamaoaiga, o se tamalii e toefatufatua’ia agafesootai, ma le tele o isi mea. Ae o le mea e sili atu nai lo nei mea, o le Faaola o se faiaoga. Afai e te fesili atu, ‘O le a se galuega a lesu?’ E na o le tasi lava le tali: Sa avea o la ma faiaoga. O la e tatau ona avea ma o tatou faataitaiga sili. O la o le faiaoga sili.”

Peresitene Boyd K. Packer,
Peresitene o le Korama a
Apostolo e Toasefululua,
Mine Errand from the Lord
(2008), 336.





lalolagi” (Ioane 6:32–33; tagai foi Esoto 16).

Ona fai mai lea o i latou, “Au mai ia te i matou lena areto” (Ioane 6:34).

O Lana tali atu na faaalia ai Lona faasinomaga paia ua faaeeina faaleagaga i le avea ai o se Alo o le Atua, o le Mesia ma le Faaola na folafolaina: “O a’u nei le areto o le ola: o lē sau ia te au, e le laina lava ia; o lē faatuatua foi ia te au, e le toe fia inu lava ia” (Ioane 6:35).

Ona faailoaina atu lea e le Faaola o le aoaoga faavae paia na tuufatasia ai le Togiola ma le faatusa o le falaoa ma le vai i le faamanatuga: “Afai tou te le aai i le tino o le Atalii o le tagata, a le inu

**“Ia e matua fiafia, o oe
le tama fafine a Siona:
... o loo afio mai ia te oe
iou Tupu: ... o loo tietie i
le asini.”**

foi i lona toto, ua le i totonu ia te outou le ola” (Ioane 6:53).

Ua tatou iloa na faamalosia Peteru e le lauga lenei, aua na ia molimau atu, “Ua matou talitonu, ma ua matou iloa o oe o le Keriso, o le Alo o le Atua soifua” (Ioane 6:69). O le lauga o le areto o le ola e taua ia i tatou, aua o le a tatou talitonu foi ma mautinoa ai o Iesu o le Keriso pe a tatou faitau, suesue, ma sii mai—e le o le toe faaupuina—mea paia ua tusia e faamalosia ai i tatou lava faapea ma isi.

Faataunuina o Mau: O Le Ulufale Manumalo

O le ulufale manumalo atu o le Alii i totonu o Ierusalema o se faamautinoaga lē matalatalaina i Lona silafia ma le faaaogaina o tusitusiga paia: “Ia manuia le o malu mai i le suafa o Ieova” (Salamo 118:26; tagai foi Mareko 11:9–10). Na tietie atu i totonu o Ierusalema i se asini, ma ua faataunu ai le valoaga “Ia e matua fiafia, o oe le tama fafine a Siona: . . . o loo afio mai ia te oe lou Tupu: . . . o loo tietie i le asini” (Sakaria 9:9; tagai foi Mataio 21:4–5).

Mai lava i le amataga o Lana galuega faaletino e oo i le Faatoaga i Ketesemane, i le satauro, ma le tuugamau avanoa, na faavaeina e Iesu Keriso—e ala i tusitusiga paia anamua ma Lana galuega talai, vavega, ma savali—o Ia o le Mesia na folafolaina.

I le Faatoaga i Ketesemane,



Faasoaina atu o le Areto o le Ola

**Saunia e Carlos Roberto Fusco,
e pei ona faamatalaina ia Maiby
Márcia Bastos Fusco**

Ose aso vevela i Foz do Iguaçu, Paraná, Pasila. Sa ou malaga mo le tele o itula ma sa ou le lava. I le avea ai ma se taitai i le Ofisa o Aoga a le Ekalesia, sa i ai ni mataupu e tatau ona ou talanoa atu ai i le epikopo, o lē sa tuu ma te feiloi i le falelotu. Ae peitai, e le'i avanoa o ia mo ni nai minute i le taimi na ou taunuui ai.

A o'u faatalitali, sa ulufale mai se tamaitai i le falelotu. Na sau o ia ia te au ma aioi mai ma le lotomualalo mo sina tupe e faatau ai se falaoa. Na ia faamatala mai ua la fia aai lava ma lona toalua, ma e ui i lona ma e fai mai, ae na fai mai o ia e leai lava se isi ana filifiliga. "Tau lava o sina falaoa," o lana faaopopo mai lea.

Na ootia a'u, ma sa ou aumaia sina tupe mai la'u taga. Na ia manatu ua telē tele. Sa ou fai atu ia te ia, "Faatau se falaoa, susu, ma se fasipovi."

Na faafetai o ia ma sa faapea mai, ua uma ona folafola atu i lona toalua se galuega mo le Aso Lua a sau. Sa manao o ia e toe totogi mai la'u tupe i le taimi lava e maua ai lona totogi.

Sa ou fai atu ia te ia e aua le popole. Ae sa ia manao lava.

Sa ou fai atu ia te ia, "Nai lo lou toe totogiina mai, e mafai ona e sau i le falelotu lenei i le taeao o le Aso Sa. A e taunuui mai iinei, ta'u i soo se tasi lava e te fia talanoa ma faifeautalai. Ua lelei?" Sa ia ioe mai.

Na alu ese atu le tamaitai. Sa foia le mataupu lea e tatau ona ma talanoa ai ma le epikopo ma faauau le malaga e pasi atu i Paraná, i le faiga o la'u galuega.

Na tele masina ua mavae atu, ma na toe i ai se isi avanoa ou te toe alu ai i lena lava falelotu i Foz do Iguaçu mo se konafesi. Na matagofie ma manaia pesepesega a le aufaipese. Ina ua maea le konafesi, sa faafeiloai a'u e se tasi o le aufaipese. Sa aapa mai lona lima, ma faafeiloai a'u i se ataata matagofie, ma fai mai ma le ootia, "Faafetai tele lava, tuagane. E le na o le falaoa na e aumaia ia te a'u ina ia faamalie ai lo ma fiaai ma lo'u toalua; ae na e aumaia foi ia te au le areto o le ola. Faafetai lava."

Sa ou matua lagona le olioli tele a o ou matauina atu le tamaitai lea na aioi mai ia te au mo sina tupe i nai masina ua mavae atu. Na ou iloaina o le talalelei a lesu Keriso—lea na la folafola mai la Lava o le Areto o le Ola—e suia ai le olaga o soo se tasi e taliaina.

na tatalo ai Iesu, "Lou Tama e, a e finagalo i ai, ia e ave ese lenei ipu ia te au; a e aua le faia lo'u loto, a o lou finagalo" (Luka 22:42). O lenei tautinoga o Lona usiusitai ma Lona faataunuuga o le taulaga togiola lē i'u na molimau mai ai o Ia o le Alo o le Atua, o le faiaoga aupito sili ua soifua mai.

O loo molimau ma aoao mai tusitusiga paia e uiga ia Iesu Keriso. Pe a faatofuina i tatou lava i le faitauina o tusitusiga paia, o le a tatou iloaina o Ia ma Lona siufogaga: "O nei upu e le mai tagata e lē ā le tagata foi, ae a a'u lava; o le mea lea, tou te molimau atu ai e a a'u upu ia ae lē ā le tagata" (MFF 18:34). Ua ou iloaina pe a ou faatofuina a'u lava i tusitusiga paia muamua i le fale faatasi ma lo'u toalua ma lo'u aiga, e matua lelei lava la'u auaunaga i le Eklesia.

Ou te fiafia i tusitusiga paia. Ou te molimau atu o afioga ia a le Atua. Ia tatou aoao mai ai, e pei ona faia e le Faaola, i totonu o o tatou aiga ma i o tatou valaauga, ina ia "aoga i ai le afioga a le Atua" ina ia i ai se "aoga tele" ia i latou o loo tatou aoaoina (Alema 31:5). ■

FAAMATALAGA

1. James E. Talmage, *Jesus the Christ*, lomiga lona 3 (1916), 112.
2. Tagai Thomas A. Wayment, "Jesus' Uses of the Psalms in Matthew," i le Frank F. Judd ma Gaye Strathearn, lom., *Sperry Symposium Classics: The New Testament*, (2006), 137–49.



O Le Vaaiga i Tua Atu o Talafaasolopito o le **Feagaiga Tuai**

Saunia e Thomas A. Wayment

Polo fesa Fesoasoani o Tusitusiga Paia
Anamua, Iunivesite a Polika laga


O voluma taitasi o tusi-
tusiga paia e i ai lona
lava talaaga uiga ese
ma e molimau i le talalelei o
le faaolataga i lana lava auala
faapitoa. O le Feagaiga Fou e i
ai lona tulaga faapitoa o le avea
ma voluma o tusitusiga paia lea
e teuina ai upu a tagata taitasi
o e na iloaina patino Iesu po o
e na mulimuli ia te Ia i se taimi
a'o le'i leva ona mavae atu Lona
Toetu—ma avea ai le Feagaiga
Fou ma se punaoa taua e fesoasoani
tatou te latalata atili atu ai
i le Faaola ma maua ai se vaaiga
o Lana galuega i le olaga nei. O
se malamalamaaga i le talafaasolopito
o le Feagaiga Fou, pe
na faapefea ona tuufaasolo mai
ia i tatou, ma po o ai na tusia o
le a mafai ai ona faateleina lo
tatou fiafia i lenei tusi ofoofogia
o tusitusiga paia ma tatou maua
ai se malosiaga sili faaleagaga a
o tatou feagai ai ma o tatou lava
luitau, e pei o e na mulimuli
anamua ia Iesu Keriso.

O Le A le Feagaiga Fou?

I tausaga e le'i leva atu talu le
maliu o Iesu, na le mafai ai ona
faatatau ia upu "Feagaiga Fou"

i se faaputuga o tusi e uiga i le
soifuaga ma le maliu o le Alii ae
na faatatau tonu lava i se mea
na Ia fetalai atu ai i Ona soo i
le po o le Talisuaga Mulimuli:
"O lo'u toto lenei, o le toto o le
feagaiga fou, ua faamaligiina
mo tagata e toatele e faamagalo
a'i agasala" (Mataio 26:28; faa-
opoopo le faamamafa). O upu
Eleni ua faaliliuina i le "feagaiga
fou" e faatatau tonu lava i se
feagaiga, o le feagaiga fou na
tuuina mai e le Faaola ia i tatou
e ala i le Togiola. O tusitusiga
ia na faamaumauina i le Tusi
Paia ma ua faatatauina lea i le
Feagaiga Fou e faamatala ai,
faamaumau, ma aoao ai e uiga
i le feagaiga fou i le va o le Alii
ma Lona nuu.

O faamaumauga na teuina
i le Feagaiga Fou e taulai atu
i vaaiga eseese o le galuega a
le Faaola. E amata le Feagaiga
Fou i Talalelei, o se faaupuga
e uiga i "tala e lelei," e faasino
i le soifuaga, galuega tala'i, ma
le matafaioi paia a Iesu Keriso.
O loo aofia foi i le Feagaiga
Fou se talafaasolopito o tau-
mafaiga a uluai faifeatalai a le
Ekalesia (o le tusi a Galuega);



*O le malamalama i faapogai o
lenei tusi ofoofogia o tusitusiga
paia e mafai ona musuia ai a
tatou suesuega.*



O Iesu Keriso ma Ana Apostolo i le Talisuaga Mulimuli.

o tusi mai taitai anamua, e pei o Peteru ma Paulo, lea na apoapoa'ia ai tagata Kerisiano anamua (lea na faaigoaina foi o ni Au Paia) ina ia tumau faamaoni i le faatuatua; o se molimau (Eperi); ma se apokalifa

(Faaaliga) lea e folafola mai ai le toe afio mai o le Alii i aso e gata ai. E tofu lava tusitala ma se vaiga ese-e ese e tuuina mai, ma e na taitasi ma tusia mo se aufaitau o loo mafau-fauina nai lo le taumafai e faatumu

ni avanoa e le'o mautinoa i le faamau-mauga o tala anamua. I le ogatotonu o le seneturi lona fa t.a., na tuufaatasia ai ia tusi e 27 lea na faamaumauina ai ia feagaiga fou a le Alii ma faatulagaina e pei ona i ai i le taimi nei.



O le Au Paia anamua o loo faalogo i se tasi o tusi a Paulo.

Pe Na Faapefea ona Tuufaasolo Mai la I Tatou le Feagaiga Fou?

Mai se vaega toatele o le au soo, na valaaui na mai ai e Iesu ni tamalii se toa 12 e avea ma Aposetolo. Na mulimuli na tamalii ia te Ia i le taimi atoa o Lana galuega talai, puapugatia faatasi ma Ia, ma na fiafia foi i aafiaga faamanuiaina ma le tumu i le Agaga. Ina ua mavae le maliu o Iesu, na amata faamaumauina e Aposetolo o latou aafiaga, faatasi ai ma isi o e na mulimuli faamaoni [ia te Ia]. E lua ni mea na tutupu atonu na faaosofia ai lo latou naunau e teuina a latou faamauga e uiga i le soifuaga o Iesu: muamua, o le faoa o Ierusalem ma

le malumalu e le vaegaau a Roma i le t.a. 70. Lona lua, ua leva ona amata ia 'au o le liliuese (tagai Galuega 20:29–30). O lea la, o le tele o tusitusiga i le Feagaiga Fou na faamaumauina ina ia fesoasoani i le tagata faamaoni ina ia iloa lo latou ala i mala ma fesouaiga o o latou aso.

I le toe tepa i tua i o latou aafiaga, ua mafai ai ona tatou iloa le ala na latou feagai ai ma taimi faigata ma pe na faapefea ona avea ia tala lelei o le talalelei ma se mana lē maluelue i le tauiviga e tetee atu ai i 'au o le liliuese.

I le agai atu i le faaiuga o le

seneturi muamua, o tusitusiga uma ua teumaluina nei i le Feagaiga Fou sa faamae'a ma tufatufaina faalauaitele i paranesi o le Eklesia. Na faia e le au Tusiupu ni kopi o anotusi i pepa na gaosia mai pa'ulaau ma mulimuli

O le tele o tusitusiga i le Feagaiga Fou na faamaumauina ina ia fesoasoani i tagata faamaoni ia iloa lo latou ala i mala ma fesouaiga o o latou aso.

ane i pepa na gaosia mai pa'umanu, ae sa na o ni nai kopi na maua. Na faaputuputu e tagata o le Ekalesia ni tusi na latou maua ma faitau ai ma suesue i afioga a le Alii ma Apostetolo.

O se tasi o tulaga mataina na taofia ai le tufatufaina o tusitusiga paia, o le sauaina lea o tagata Kerisiano e le taitai Roma o Diocletian i le t.a.

303. Na ia faatonuina le susunuina o tusitusiga paia faaKerisiano ma faamlosia tagata Kerisiano e osia taulaga i atua faapaupau. O le toatele o tagata faatuatua taitoatasina nanaina ia tusi paia i lena vaitaimi o sauaga. Mulinmuli ane, ina ua faatonuina e le uluai taitai [Roma] Kerisiano o Kosetatino ni kopi fou o tusitusiga paia ina ia faia, na mafai ai ona toe maua e ona tagata atamamai ni tusi ia na faaaogaina e paranesi a o le'i faia le tulafono a Diocletian. Ua mafai e la tatou lomiga faaona po nei o le Feagaiga Fou ona su'e o latou tuaa i kopi o le Tusi Paia lea na faia i le vaitaimi o Kosetatino ma toe tepe ai i tua ia i latou ia na ositaulagaina lo latou saogalemu ina ia faasaoina le feagaiga fou a le Alii.

E le'i leva lava ona faatonuina e Kosetatino le kopiina ma le toe tufatufaina atu o kopi o le Feagaiga Fou, ae faatulagaina loa i lo latou faagasologa o i ai nei ia tusi ia na tuuafatasia ai la tatou Tusi Paia o loo i ai nei. O loo mulimuli lenei faagasologa i se mamanu na setiina e le Feagaiga Fou. O le Feagaiga Fou o loo aofia ai le Tulafono (o Talalelei), o le talafaasolopito o le au Kerisiano (Galuega), ma Perofeta (Roma e oo i le Faaaliga). E faaii uma le Feagaiga Tuai ma le Feagaiga Fou i se folafolaga o le toe afio mai o le Alii (Malaki ma Faaaliga). O le tulaga o nei galuega faaperofeta o loo faamamafaina ai foi i le tepe taulai atu i se faamoemoega o le faaolataga ma le faaaliga o le lumanai.

O Ai na Tusia le Feagaiga Fou?

O tusitala taitasi o le Feagaiga Fou na tusia ma se vaaiga ese i le misiona faaola a Iesu Keriso. E Lua Talalelei na tusia e Apostetolo o: Mataio ma Ioane. Ua tuuina mai e nei molimau faaapostolo se molimau vaitino i le soifuaga o Iesu. Na tusia foi mulimuli



Na tusia e Paulo se tusi mai le falepuipui.

ane e e na mulimuli i le Alii e toalua ni Talalelei: o Mareko ma Luka, lea na molimau i mea na la lagonaina ma faalogoina. O nei alii uma e toalua sa avea ma soa a Paulo i se tasi o taimi (tagai Galuega 12:25; 2 Timoteo 4:11) ma atagia mai ai i se vaega le naunau o le fuainumera tuputupu ae o le Au Paia na nonofo i fafo atu o Iutaia ma o ē latou te lei iloaaina lava le Alii i Lona soifuaga atoa. Nai lo lena, o a latou tala na tuuina mai ai se molimau manino e uiga ia te Ia lea sa latou talitonu i ai.

E foliga mai o tusi a Paulo o muai tusitusiga ia o le Feagaiga Fou, e ui e le'i tusia uma i le taimi e tasi. O lana molimau na maua mai i se aafiafa a'o avea o se faifeautalai, mai le tele o faaaliga mamana (tagai Galuega 9:1–6; 2 Korinito 12:1–7), ma e ala mai i fesootaiga patino ma Peteru ma isi (tagai Kalatia 1:18–19). Na tele ana tusitusiga i le foiaina o feeseseeseaiga i totonu o paranesi, ae o isi o taimi na ia tusi atu ai i ana uo mamae (Timoteo ma Tito). I se tasi o ana tusi na ia aioi atu ai i se taitai o se pologa e na te taliaina le toe fo'i atu o se pologa na sola ese lea na feiloa'i i ai Paulo a o la i totonu o le falepuipui (Filemoni). O le tulaga masani lava, o le tusi a Eperu ua i ai le talitonuga na tusia e Paulo, e ui e le o i ai i le



O Peteru o loo tala'i atu ia Konelio ma lona auiga.



O Peteru ma Ioane loo tala'i atu ma faamalolo i ma'i.

folasaga masani lona faailoaina mai o ia o le tusitala. Ae ui i lea, o loo molimau mai le tusi i le auala tatou te o atu ai ma le lototele i le Alii e ala i le faatuatua. E aofia ai i le Feagaiga Fou e sosoo ma tusi a Paulo, o le Eperu o se talanoaga aloaia o le i ai o le faatuatua e feagai ai ma faigata.

O Tusi pupuu a Iakopo na vave foi ona tusia ma o loo i ai ni mau faasino i aoaoga a Iesu mai le Lauga i luga o le Mauga lea na tuufogfa mai ma e ese mai ai ma le Talalelei na tusia a Mataio (tagai Iakopo 1:13; 4:12; 5:12). O Iakopo, o le uso laitiiti o le Alii, atonu lava o le tusitala lea o lenei tusi. Na faamanuaina o ia i le iloina ma vaai i le Faaola na toetu (tagai 1 Korinito 15:7) ma na ia te ia se matafaioi taua i le tele o mea na tutupu i le talafaasolopito o le Ekalesia (tagai Galuega 15:13–29).

E aofia foi i le Feagaiga Fou ni tusi se lua a le Apostolo o Peteru ma le tolu a le Apostolo o Ioane. Na la uunaia tagata Kerisiano ina ia faamaoni; o Peteru lea na faapitoa lava lona popole e uiga i le faamaoni i taimi o fotofogfa.

O Iuta o se tasi lea o tusi pito fou na tusia i le Feagaiga Fou. E pei o

Iakopo, o lenei tusi masalo na tusia foi e se tasi o uso o le Alii ("Iuta" i le Mareko 6:3). Na tusi Iuta i se tau-mafaiga e taofia le faatupulaia o le liliuese.

Ma le mea mulimuli, e faaia le Feagaiga Fou i se faaaliga i le Apostolo o Ioane, lea na tusi faamau-mauina se faaaliga i le toe afio mai o le Alii e amatalia Lona nofotupu i le meleniuma. O loo faamatala auiliili manino ai i lena faaaliga le tauiviga i



TALA A LE MOLIMAU NA VAAITINO

Ou te fiafia i malaga faaaposetolo ma wavega ma tusi a Paulo i le Fegaiga Fou. Ae sili ai lava, lo'u fiafia i tala o molimau na vaaitino i afioga ma faataitaiga ma le Togiola a lo tatou Faaola o Iesu Keriso. Ou te fiafia i le faamoemoega ma le filemu lea e oo mai i le faitauina o le Tusi Paia."

Elder M. Russell Ballard o le Korama a Apostolo e Toasefululuu, "O Le Vavega o le Tusi Paia," Liahona, Me 2007, 81.

le va o le lelei ma le leaga. O le tele o mataupu o loo ta'ua ai mea na tutupu i le lumanai mo Ioane, e aofia ai mea na tutupu i aso e gata ai—o o tatou aso ia.

Mo Ai Na Tusia Ai le Feagaiga Fou?

Ona o le Feagaiga Fou ua talafeagai lava e avea o se feagaiga fou i le va o le Alii ma i latou o e faatuatua ia te Ia, ua faamoemoe ai nei tusi mo i latou uma o e saili ia iloa o Ia, pe o lenei tisipenisione po o le tisipenisione ua mavae atu. O le amataga lava, na tusia e tusitala o le Feagaiga Fou ia anotusi sa mafai ona faaaogina loa lava i paranesi o le Ekalesia i o latou aso, ma se malamalamaga na latou tusi faamaumauina ia mea aupito taua na tutupu i le talafaasolopito o tagata. Mo se faataitaiga, o Ioane, na vaai i ana tusitusiga o se molimau: "Aua ua tusia ia mea, ina ia talitonu ai outou, o Iesu o le Keriso lava Ia, o le Alo o le Atua; ina ia maua ai foi le ola i lona suafa e outou o e talitonu" (Ioane 20:31). O isi, e pei o Luka, na tusia ma le faamoemoega ina ia tusia se faamataga o le talafaasolopito:

TAMA ITI

O Fea o I Ai i Totonu o Tusitusiga Paia?

O loo lisi atu i lalo ni tala se valu mai tusitusiga paia. Su'e po o fea o tusitusiga paia e aumai ai tala taitasi. Afai e te le mautinoa, vaai le autu o le tala i le faasino upu, Taiala i Autu, po o le Taiala i Mau.

- Ua gau le aū fanafana a Nifae. (1)
- Ua fau e Noa le vaa. (2)
- Ua tuuina mai le Upu o le Poto. (3)
- Ua faasaoina e Eseta ona tagata. (4)
- Ua toe foi mai i le aiga le atalii faamaumau oa. (5)
- Ua faia e Taitaiau Moronae le tagavai o le saolotoga. (6)
- Ua aoao atu e lesu le Lauga i luga o le Mauga. (7)
- Ua faapaiaina le Malumalu i Katalani. (8)


Su'e la'ia o le numera i le paso lea e fetaui ma le numera i puipui. Vali le avanoa lena i le lanu o loo lisi atu i lalo mo lena tusitusiga paia.

Feagaiga Tuai = lanu moana

Feagaiga Fou = lanu mumu

Tusi a Mamona = lanu samasama

Mataupu Faavae ma Feagaiga = lanu enaena



"E toatele ua taumafai ona tusi faasolo le tala i mea ua mautinoa e i tatou,

"E faapei ona tuuina mai ia te i tatou e i latou na matamata ai, ma auauna ai i le upu talu le amataga;

"O le mea lea ua ou manatu ai, ona ua ou matua sue i mea uma lava talu le amataga, ou te tusi faasolo atu ia te oe" (Luka 1:1-3).

E eseese Kerisiano anamua, o nisi na o mai mai aiga sa Iuta, a o isi na tausia i ni aiga o Nuuese, a o isi foi e laitiiti lava se tulaga faalelotu na latou mauaina a o le'i papatisoina. Sa avea i latou, ma se mafuaaga, o se faata o vaega eseese o le Au Paia i lenei vaitaimi. O lea la, o a latou tauiviga ua faaalia mai ai ia i tatou ni lesona malolosi i le auala e manumalo ai i le amioleaga ma tumau ai i le faatuatua e ui i tofotofoga ma faaosoosoga. Na latou faaalia mai foi ia i tatou le auala na tauivi ai paranesi a o toalaiti lava ma le auala na i ai le saogalemu i upu a aposestolo ma perofeta.

O Se Molimau mo le Asō

Na faaalia mai e le Feagaiga Fou, i le vaitaimi o le le mautonu, ina ua le faalogo ma usitai nisi i le valaau a le talalelei, e i ai le saogalemu mo i latou o e "tumau pea i le mataupu a le au aposestolo, ma le mafuta faatasi, ma le tofitofiga o le areto, ma talataloga" (Galuega 2:42). O nisi faataitaiga o loo aoao mai ai i tatou i le auala na tofotofo ai e na amiontonu (tagai 1 Korinato 10:13) ma le faigofie i lenei vaitaimi o le savali o le fatu o le talalelei e pei ona i ai i le 2,000 tausaga ua mavae atu: "O lenei lava le amio Atua e lelei ma le faamaoni i luma o le Atua o le Tama lea, Ina ia tauasiasi atu i ē matua oti ma fafine ua oti a latou tane i o latou tiga, ia leoleo foi o ia ia te ia, ina nei pisia mai o ia i le lalolagi" (Iakopo 1:27). E pei o le Mataupu Faavae ma Feagaiga, lea na molimau mai ai le Perofeta o Iosefa Samita "o loo soifua o ia!" (MFF 76:22), o loo tuuina mai e le Feagaiga Fou se molimau talitutusa na avanoa le tuugamau i le taeao o le Eseta: "E le o iinei o ia; auua ua toe tu mai o ia" (Mataio 28:6). ■




Na sii mai lenei tusiga mai se saunoaga na tuuina atu i tamaiti aoga a le Aoga Faaloia a Harvard i le aso 26 o Fepuari, 2010.

Ua tatou iloa i le avea ai ma ni Au Paia o Aso e Gata Ai e le malamalama tele i latou e le auai i lo tatou faatuatuaga ia tatou aoaoga faavae ma tulaga faatauaina. Na faaalia lenei tulaga i se suesuega faavaomalo a Gary C. Lawrence na lomia i sana tusi lata mai nei, *How Americans View Mormonism. [O Se Vaaiga a Tagata Amerika i Tulaga FaaMamona]* O le tolu-vaefa o i latou na suesueina na faatusaina la tatou Ekalesia i tulaga faatunuina lelei maualuluga, ae pe a ma le afa na manatu o o tatou “talitonuga e le ni tulaga masani ai” ma e tatou te fai mea faalilolilo.”¹ Ina ua fesiligia e filifili ni faaupuga latou te manatu e faamatalaina ai le Au Paia o Aso e Gata Ai faalauaitele, o le 87 pasene na makaina le “malolosi tulaga faatauaina faaleaiga,” 78 pasene na makaina le “faamaoni”, ma le 45 pasene na makaina le “o ē mulimuli tauaso.”²

ETAUAILO TATOU FAATUATUAGA


**Saunia e Elder
Dallin H. Oaks**

O Le Korama a
Apostolo e Toasefululua



Ina ua fesiligia Lawrence e e na faatalanoaina, “I le mea e gata ai lou malamalama, o le a se mau autu faaMamona?” e na o le 14 pasene na mafai ona faamatalaina soo se mea e lata i le manatu o le toefuataiga po o le toe faatulagaina o le faatuatuaga Kerisiano muamua. E faapena foi, ina ua fesiligia e le isi suesuega faavaomalo le au fai tali po o le a se upu e tasi e sili ona faamatalaina ai o latou lagona e uiga i le lotu Mamona, e leai lava se tasi na fautuaina mai ni upu po o ni manatu o le faapogai po o le toefuataiga faaKerisiano.³

I le avea ai ma se Aposetolo ua valauina a'u e avea o se molimau i aoaoga faavae, galuega, ma le sui o Keriso i le lalolagi atoa. I lena tofiga ou te molimau atu ai i le moni o nei faavae o lo tatou faatuatuaga.



O lo'u le fiafia i nei tulaga na tuuitiitia i isi mea na maua e Lawrence i le mataupu o mea tau lotu, faapea o tagata Amerika e "matua lolotu lava" ae "matua tele lava le le malamalama." Mo se faataitaiga, o le 68 pasene na fai mai e le itiiti ifo ma le faafitu i le vaiaso latou te tatalo ai, ma le 44 pasene na fai mai e toeitiiti lava o vaiaso uma latou te auai atu ai i sauniga lotu. I le taimi lava e tasi, e na o le afa na mafai ona ta'u mai se igoa e tasi o Ekalesia e fa, e toatele e le'i mafai ona ta'u mai le igoa o le tusi muamua o le Tusi Paia, ma le 10 pasene na manatu o Joan of Arc o le fale-tua lea a Noa.⁴

E tele vaega e saofaga ai i le le manatu mamafa i le mataupu faalelotu, ae o se tasi o na mea o le tetee masani o aoaoga maualuluga po o le le fiafia i tulaga faalelotu. E ese mai ai i ni nai tuusaunoaga, a ua avea kolisi ma iunivesite ma nofoaga ua leai ai ni tulaga faatauaina ma ua sili ai le vaivai o uiga e faatatau i tulaga faalelotu. O tamaiti aoga ma isi tagata lolotu o e talitonu i le tulaga soifua moni o le Atua ma le tulafono moni o le ola mama ua lē faatauaina ma lē uuna'ia.

Ua foliga mai ua le mafai ona faamoe-moe atu i aoaoga maualuga i se tulaga atoatoa ina ia toe amata ai se matafaoi autu i le aaooina o tulaga faatauaina lelei. O le a tumau lena tulaga i totonu o aiga, ekalesia, ma kolisi ma iunivesite e faasino i le ekalesia. E tatau ona faamoemoe uma mo le manuia i lenei galuega taua. E mafai ona faafoliga ia aoga i le tulaga le mautonu i fesili e uiga i le sa'o ma le sese, ae e le mafai ona ola ai le lalolagi i sea tulaga o le le mautonu.

Ua ou filifilia ni vaega se tolu o upu-monni e tuuina atu o ni mataupu faavae o le faatuatuaga o le Au Paia o Aso e Gata Ai:

1. O le natura o le Atua, e aofia ai le matafaoi a sui e toatolu o le Aiga Atua ma le mea moni e faatatau i ai, e i ai le tulaga e matua atoatoa a'ia'i.
2. O le faamoemoega o le olaga.

3. O punavai tafatolu o le upumoni e uiga i le tagata ma le atulaulau: saienisi, o tusitusiga paia, ma faaaliga faifai pea—ma pe faapefea ona tatou iloaina.

1. O Le Natura o le Atua

O lo'u manatu autu muamua lava i lo tatou faatuatuaga o le, e moni le Atua ma e faapena foi ia upumoni e faava-vau ma tulaga faatauaina ia e le'i mafai ona faamaonia e metotia faasaienisi o i ai nei. O nei manatu e mautinoa lava le fesootai. Faapei o isi tagata talitonu, tatou te folafola atu le i ai o le fai tulafono sili, le Atua lo tatou Tama Faavavau, ma le i ai o le tulaga o le matuai atoatoa a'ia'i. Tatou te teena le manatu faapea o le amio mama e faalagolago i le talitonuga o tagata ma tulaga o i ai, lea ua avea ma talitonuga faavae lē aloaia o le tele o aganuu faaona po nei.

Mo i tatou, o le mea moni e uiga i le natura o le Atua ma la tatou faiā ma Ia o le ki lea i isi mea uma lava. O le tulaga taua lava, o lo tatou talitonuga i le natura o le Atua o le mea lea e ese ai i tatou mai le tele o talitonuga faavae aloaia o le tele o isi Kerisiano. E faapea le amataga o la tatou Mataupu Faavae o le Faatuatua: Matou te talitonu i le Atua, le Tama Faavavau, ma Lona Alo o Iesu Keriso, ma le Agaga Paia” (fuaiupu 1).

E i ai lo tatou talitonuga i le Aiga Atua e tutusa ai ma isi Kerisiano, ae e ese lona uiga ia i tatou nai lo le toatele. Tatou te tausisi o nei sui e toatolu o le Aiga Atua o ni tamalii ma'oti ma eseese e toatolu ma o le Atua le Tama e le o se agaga ae o se Tamalii faamamaluina e i ai se tino moni, e faapena foi Lona Alo toetu o, Iesu Keriso. E ui ina eseese faasinomaga, ae tasi lo Latou faamoemoega. Tatou te tausisi na faatatau Iesu i lenei faiā ina ua Ia tatalo i Lona Tama ina “ia tasi” Ona soo e pei ona tasi Iesu ma Lona Tama (Ioane 17:11)—e tuufatasi i le faamoemoega ae le o le tino.

O lo tatou talitonuga uiga ese “e i le Tama le tino o aano ma ivi e pei lava o le tagata; e faapea foi le Alo; a'o le

T Tatou te tausisi o nei sui e toatolu o le Aiga Atua o ni tamalii ma'oti ma eseese e toatolu ma o le Atua le Tama e le o se agaga ae o se Tamalii faamamaluina e i ai se tino moni, e faapena foi Lona Alo toetu o, Iesu Keriso. E ui ina eseese faasinomaga, ae tasi lo Latou faamoemoega.



Agaga Paia e leai sona tino o aano ma ivi, a'o le peresona o Agaga" (MFF 130:22) e taua lea ia i tatou. Peitai, e pei ona faaalia i le faatalanoaga a Gary Lawrence, e le'i lelei lo tatou faailoaina atu i isi o lenei talitonuga.⁵

O lo tatou talitonuga i le natura o le Atua e sau lea mai le mea lea ua tatou faaigoaina o le Uluai Faaaliga Vaaia, lea na amata ai le Toefuataiga o le atoaga o le talalelei a Iesu Keriso. O le sailia e Iosefa Samita, o se tamaitiiti e 14 tausaga e le'i lava se a'oga ina ia iloa po o fea o lotu e tatau ona ia auai, lea na tuuina atu i ai se faaaliga ma vaaia ai ni "Tagata se toalua" e le mafaamatalaina le "pupula ma le mamalu". Na tusi le Tasi o i Laua i le isi ma faapea mai, "O Lo'u Atalii Pele lenei. Faalogo ia te Ia!" (Iosefa Samita—Talafaasolopito 2:17). Na fetalai atu le Atua le Alo i le perofeta talavou ma faapea atu o "mataupu" uma a lotu i na vaitaimi "o ni mea inosia ia i ona luma" (Iosefa Samita—Talafaasolopito 2:19). O lenei folafolaga paia na ta'usalaina ai ia mataupu, ae le o le au sailiili faatuatua o e na talitonu i ai.

Na faaalia i le Uluai Faaaliga Vaaia a Iosefa Samita o le manatu faavae na i ai e uiga i le natura o le Atua ma le Aiga Atua e le sa'o ma e le mafai ona taitaiina atu o latou tagata ua talitonu i le taunuuga na finagalo ai le Atua mo i latou. O le gasolo mai mulimuli ane o tusitusiga paia faaona po nei na faaalia ai le taua o lenei upu moni autu ma aumai ai ia i tatou le Tusi a Mamona. O lenei tusitusiga paia fou o se molimau lona lua lea ia Iesu Keriso. Ua faamautu ai ia valoaga faatusipaia ma aoaoga e uiga i le natura ma le misiona a Keriso. Ua faalautele ai lo tatou malamalamaga i Lana talalelei ma Ana aoaoga i le taimi o Lana galuega i le lalolagi. Ua tuuina mai ai foi le tele o aoaoga ma faataitaiga o faaaliga lea ua tatou iloa ai le moni o nei mea.

E faamatalaina e nei aoaoga la tatou molimau ia Keriso. E le o faavaeina i tatou i le atamai faalelalolagi po o manatu o tagata—e tusa lava po o a tu ma aga po o lo latou faaaloalogia. O la tatou molimau ia Iesu Keriso e faavae i faaaliga a le Atua i Ana perofeta ma mo i tatou taitoatas.

O le a se mea e mafua ai ona faamautu la tatou molimau ia Iesu Keriso? Ua na o Iesu Keriso le Alo o le Atua le Tama Faavavau Na Fanaua. O Ia o Le Foafoa. E ala i Lana galuega e le mafaatusalia i le lalolagi nei, o Ia o lo tatou faiaoga. Ona o Lona Toetu, o i latou uma na ola i lenei lalolagi o le a toe faatuina mai le oti. O Ia o le Faaola, o

lana taulaga togiola na tatalaina ai le faitotoa mo i tatou ina ia faamagaloina a tatou lava agasala ma faamamaina i tatou ina ia toe foi atu i le afioaga o le Atua lo tatou Tama Faavavau. O le savali autu lenei a perofeta o augatupulaga uma. Na faailoa mai e Iosefa Samita lenei upu moni maoae i la tatou mataupu faavae o le faatuatuga lona tolu: "Matou te talitonu e faaolaina tagata uma lava, i le togiola a Keriso, pe a tausia poloaiga ma sauniga o le Talalelei."

I le avea ai ma tagata o Le Ekalesia a Iesu Keriso o le Au Paia o Aso e Gata Ai, tatou te molimau faatasi atu ma le perofeta o le Tusi a Mamona o le Tupu o Peniamina "e leai se tasi igoa e foaina mai, po o se tasi ala e oo mai ai le olataga i le fanauga a tagata, ua na o le suafa lava o Keriso, le Alii e Pule Aoao" (Mosaea 3:17).

Aisea ua na o Keriso ai le ala? Pe na faapefea ona Ia tatalaina ia noataga o le oti? Pe na mafai faapefea ona Ia tauaveina i Ona luga agasala a tagata uma? Pe mafai faapefea e ala i Lana Togiola ona faamamaina o tatou tulaga pisipisia ma agasala ma toetutu mai o tatou tino? O tulaga lilo ia ou te le'i malamalamama atoatoa i ai. Ia te au lava ia o le vasega o le Togiola a Iesu Keriso e le malamalamama ai, ae ua tuuina mai ia te au e le Agaga Paia se molimau i lona moni, ma e ou te fiafia ua mafai ona faaaogaina lo'u ola e folafola atu ai.

2. O Le Faamoemoega o le Olaga Faaletino

O lo'u manatu autu lona lua e faatatau i le faamoemoega o le olaga faitino. E afua mai i lo tatou malamalamaga i faamoemoega o le Atua le Tama Faavavau ma lo tatou taunuuga i le avea ai ma Ana fanau. E amata la tatou aoaoga faalelotu i le faamautinoaga sa tatou ola o ni agaga ae tatou te le'i o mai i lenei fogaeleele. Ua faamautu ai e i ai se faamoemoega o lenei olaga faitino. Ma ua aoao mai ai o lo tatou faanaunauga aupito sili o le avea lea e faapei o o tatou matua faalelagi, lea o le a tatou maua ai le mana e faaauau ai a tatou sootaga faaleaiga e oo i le faavavau. Na tuuina i tatou i le lalolagi ina ia maua se tino faaletino ma e—ala atu i le Togiola a Iesu Keriso ma le ususitai i tulafono ma sauniga o Lana talalelei—inia ia agavaa ai mo le tulaga faaselesitila mamalu ma sootaga ua ta'ua o le faaeaga po o le ola e faavavau.

Ua iloa lelei i tatou o se Ekalesia e totonugalemu le aiga, ae o le mea e le o malamalamama lelei o le tulaga e totonugalemu le aiga, e le na o le taulai atu i sootaga faaletino ae o se vaega foi e faatatau i mataupu taua faalelotu.

I lalo o le fuafuaga sili a Le Foafoa agaalofa, o le misiona a Lana Ekalesia o le fesoasoani lea ia i tatou ia ausia le faa-eaga i le malo selesitila, ma ua na o le faaipoipoga e faavau i le va o se tane ma se fafine e mafai ona faataunuina ai (tagai MFF 131:1-3).

E le'i i ai se faaluafesasi o lo'u tina faamaoni ua oti lana tane e uiga i le tulaga faavavau o le sootaga faaleaiga. E na te faamamaluina pea le tofi o lo matou tama faatua-tua ua maliu. E na te faailoaina pea o ia i totonu o lo matou aiga. E na te talanoa mai i le tulaga faavavau o la laua faaipoipoga faalemalumalu ma lo matou taunuuga ina ia faatasia o se aiga i le olaga a sau. E na te faamanatu soo mai ia i matou le mea e manao lo matou tama matou te faia matou te agavaa ai mo le folafolaga a le Faaola ina ia avea o se aiga e faavavau. E na te le ta'uina lava ia o se tina ua maliu lana tane, ma e le taitai lava oo mai i lo'u mafaufau o ia o se [tina ua maliu lana tane]. Ia te au lava ia, a o tuputupu a'e o se tamaitiiti, e le o ia o se tina ua maliu lana tane. Na i ai sona toalua, ma sa i ai so matou tama. Ua na o sina taimi sa alu ese atu ai o ia.

Ua matou mautinoa o le faaipoipoga e tatau ai mo le faataunuuga o le fuafuaga a le Atua e maua ai le tulaga faamaonia mo le fanau mai faaletino ma saunia tagata o le aiga mo le ola e faavavau. O le malamalamaga i le fuafuaga a le Atua e aumai ai i le Au Paia o Aso e Gata Ai se vaaiga uiga ese i le faaipoipoga ma le fanau. Matou te vaai atu i le fanauina mai ma le fafaileleina o fanau o se vaega o le fuafuaga a le Atua ma o se tiute paia mo i latou ua tuuina atu i ai le mana e faatinoina ai. Matou te talitonu o le oa taua i le lalolagi ma le lagi o a tatou fanau ia ma a tatou fanau i le lumanai. Ma e matou te talitonu e tatau ona tatou finafinai mo le ituaiga o aiga faaletino lea e maua mai ai le tulaga sili mo le atiina ae ma le fiafia o fanau—fanau uma lava.

O le mana e foafoa ai le ola faaletino o se mana faaeaina ua tuuina mai e le Atua i Ana fanau. O le faaaogaina o lenei mana foafoa na faatagaina i le uluai

2 O la tatou aoaoga faalelotu ua faa-mautu ai e i ai se faamoemoega o lenei olaga fajitino. Ma ua aoao mai ai o lo tatou faianaunauga aupito sili o le avea lea faapei o o tatou matua faalelagi, lea o le a tatou maua ai le mana e faaaauai ai pe'a la tatou sootaga faaleaiga e oo i le faavavau.



ATA NA SAUNIA E LAUREN FOCCHETTO

poloaga ina “ia fanafanau, ma ia uluola” (Kenese 1:28). O le isi poloaga taua na faasaina ona faaaoga sese: “Aua e te mulilua” (Esoto 20:14), ma le “ia faamamao outou ma le faitaaga” (1 Tesalonia 4:3). O le faamamafa o loo tatou tuuina i lenei tulafono o le ola mama o loo faamatalaina mai i lo tatou malamalamaga i le faamoemoega o o tatou mana foafoa i le faataunuina o le fuafuaga a le Atua.

O loo tele uunaiga faapolokiki, faaletulafono, ma faaagafesootai mo suiga e faaluafesasi ai itupa, ua le faamamafaina ai le taua o faaipoipoga pe ua suia ai lona faauijaga, po o le faavasegaga o le eseeseaga i le va o alii ma tamaitai lea e taua ina ia ausia ai le fuafuaga sili a le Atua o le fiafia. O la tatou vaaiga faavavau e faatulagaina ai i tatou e teteetatu i na ituiga o suiga.

O le mea mulimuli, o lo tatou malamalamaga i le faamoemoega o le olaga faaletino e aofia ai nisi o aoaoga faavae tulaga ese e uiga i le tulaga e sosoo ma le olaga faitino. E pei o isi Kerisiano, tatou te talitonu afai tatou te tuua lenei olaga, tatou te o i se lagi (parataiso) po o se seoli. Ae ia i tatou, o lenei vaevaega itu-lua o le au amiontonu ma le au amioleaga ua na o se mea e le tumau ao faatalitali ia agaga o e ua maliliu mo lo latou toetutu ma le Faamasinoga Mulimuli (tagai Alema 40:11–14). O taunuuga e sosoo ma le Faamasinoga Mulimuli e matua eseese lava, ma e tulai mai e avea o se faamaoniga o le tele naua o le alofa o le Atua mo Ana fanau—i latou uma lava.

O le alofa o le Atua e matua maoae lava lea e Na te manaomia ai Lana fanau ina ia usiusitai i Ana tulafono aua ua na o lena usiusitai e mafai ai ona latou alualu i luma agai i le taunuuga e faavavau lea e finagalo ai o Ia mo i latou. O lea la, o le a tofia i tatou uma lava i le taimi o le Faamasinoga Mulimuli i le malo o le mamalu e talafeagai ai ma lo tatou usiusitai i Lana tulafono. I lana tusi lona lua i tagata Korinito, na ta’ua ai e le Aposetolo o Paulo se faaaliga o se tagata “ua segia o ia i le lagi tua tolu” (2 Korinito 12:2). I le talanoaina la e uiga i le toetutu o e ua maliliu, na ia faamatalaina ai “tino” ma mamalu eseese, e pei o mamalu e faatatau lava i le la, masina, ma fetu. Na ia faatatau i uluai [tino] nei e lua o ni “tino selesitila, ma ni tino telesitila” (tagai 1 Korinito 15:40–42). Mo i tatou, o le ola e faavavau i le mamalu selesitila, o le tulaga pito i maualuga, e le o se faatasiga faaleagaga ma se atua-agaga e le malamalamaga i ai. Ae, o le ola faavavau o se olaga faaleaiga ma se Tama alofa o i le Lagi faatasi ai ma o tatou augatuaa ma a tatou fanau.

O le aoaoga faalelotu o le talalelei toefuataiina a Iesu Keriso e malamalamaga, e laugatasia ai le lalolagi, e alofa mutimutivale, ma e moni. A uma ia aafiaga e tatau ai o le olaga faitino, o le a iu lava ina toetutu atalii ma afafine uma o le Atua ma o atu i se malo o le mamalu e sili atu le matagofie e le mafai e se tagata soifua ona malamalamaga i ai. E na o ni nai tuusaunoaga lava, ae e oo lava i tagata e sili ona amioleaga o le a iu lava ina o atu i se malo o le mamalu—e ui lava ina e maualalo atu—ae matagofie lava. O nei mea uma o le a tutupu ona o le alofa maoae o le Atua mo Lana fanau, ma ua mafai nei mea uma ona o le Togiola ma le Toetu o Iesu Keriso, “o lē faamamaluina le Tama, ma faasaoina galuega uma a ona aao” (MFF 76:43).

3. Punaoa o le Upu Moni

E maoae le naunau o tagata o le Au Paia o Aso e Gata Ai i le tulimata’ia o le malamalamaga. Na sili ai le faaupuina e Polika Iaga (1801–77): “[O la tatou] ekalesia . . . e uunaia i [tatou] e saili ma le maelega le malamalamaga. E leai lava nisi tagata o loo soifua ua matuai sili lo latou naunau e vaai, faalogo, aao, ma malamalamaga i le upu moni.”⁶

E i ai se taimi na ia faamatalaina ai e faapea, tatou te uunaia o tatou tagata ina “ia faateleina [lo latou] malamalamaga . . . i soo se lālā o le [aoaogal], aua o le poto uma, ma faatufugaga uma ma faasaienisi o i le lalolagi e mai le Atua ia, ma ua fuafuaina mo le lelei o ona tagata.”⁷

Tatou te saili i le malamalamaga, a e tatou te faia i se auala faapitoa aua tatou te talitonu e lua vaega o le malamalamaga: faaletino ma le faaleagaga. Tatou te saili le malamalamaga i le tulaga faaletino i le suesueina faasaienisi a o le tulaga faaleagaga e ala i faaaliga. O faaaliga o le fesootaiga lea a le Atua i le tagata—i perofeta ma i tatou uma taitoatasi pe a tatou sailia.

O faaaliga e manino lava o se tasi lea o uiga tulaga ese o lo tatou faatuatuaga. Na faatonuina ma aoaoina le Perofeta o Iosefa Samita i le lilihiina mai pea o faaaliga i lona soifuaga atoa. O se aofaiga tele naua o ana faaaliga na lomia, e aofia ai le Tusi a Mamona ma le Mataupu Faavae ma Feagaiga, na tauaveina ai pea lona valaauga uiga ese o le Perofeta o lenei tisipenisione mulimuli o taimi. I lenei *faaaliga faaperofeta*—ia Iosefa Samita ma e na soloa’i mai e avea ma Peresitene o le Ekalesia—na faaali i ai e le Atua le upu moni ma poloaga i Ana taitai-perofeta mo le faamalamalamaina o Lona nuu ma mo le puleaina ma le taitaiga o Lana Ekalesia.

O le ituaiga faaaliga lea o loo faamatalaina i aoaoga o le Feagaiga Tuai e faapea “e le faia lava se mea e le Alii o Ieova, ae faaalia lona finagalo i ana auauna o perofeta” (Amosa 3:7). Na folafola mai e Iosefa Samita, “O Le Eklesia a Iesu Keriso o le Au Paia o Aso e Gata Ai sa faavaeina i luga o faaaliga tuusao mai, e pei lava ona i ai le Eklesia moni a le Atua.”⁸ Na ia fesili, “A aveese le Tusi a Mamona ma faaaliga, o fea la le tatou lotu?” Na ia tali mai, “Ua leai se mea.”⁹

Na aoao mai foi e Iosefa Samita ona e le’i gata faaaliga i Aposetolo anamua ae o loo faaauau pea i ona po nei, ua mafai e tagata taitoatasi ona maua sana *lava faaaliga patino* mo lona liua mai, malamalamaaga, ma le faia o faaiuga. “O se avanoa mo fanau a le Atua le o atu i le Atua ma maua ai faaaliga,” o lana saunoaga lea. “E le faailoga tagata le Atua; ua ia i tatou uma avanoa tutusa.”¹⁰

O loo faamatalaina e le Feagaiga Fou ia ituaiga faaaliga patino. Mo se faataitaiga, ina ua faamautinoa e Peteru lona talitonuga o Iesu o le Alo paia o le Atua, na tautino mai e le Faaola, “E le se tagata na ia faaali atu ai ia te oe, a o lo’u Tama o i le lagi” (Mataio 16:17).

O faaaliga patino e faaigoa i nisi o taimi o—“musumusuga”—e tele foliga e oo mai ai. O le tele lava o taimi o ni upu po o ni manatu e fesootai mai i le mafaufau i se malamalama faafusei po o se lagona lelei foi po o le lē lelei e uiga i ni auala o faatinoga na fuafuaina. E masani lava ona oo mai e tali ai se tatalo faatauanau. Na aoao mai Iesu, “Ia outou ole atu, ona foaiina mai ai lea ia te outou; ia outou saili, ona outou maua ai lea; ia outou tuitui atu, ona toina ai lea ia te outou” (Mataio 7:7). E oo mai faaaliga pe a tatou tausia poloaiga a le Atua ma agavaa ai mo le mafutaga ma le fesootaiga ma le Agaga Paia.

E tau mafaufau nisi pe faapefea ona talia e tagata o le Eklesia ni aoaoga a se perofeta i nei ona po e taitai ai o latou olaga patino, o se mea e le masani ai i le tele o aga masani faalelotu. O la

3 Tatou te saili le malamalama i le tulaga faaletino i le suesueina faasaienisi ma i le tulaga faaleagaga e ala i faaaliga. O faaaliga o le fesootaiga lea a le Atua i le tagata—i perofeta ma i tatou uma taitoatasi pe a tatou sailia.



tatou tali i le tuuaiga faapea, o le Au Paia o Aso e Gata Ai e mulimuli i o latou taitai ona o le “usiusitai tauaso” o le faaaliga patino lava lea. Tatou te faaaloalo i o tatou taitai ma talitonu i musumusuga i la latou taitaiga o le Ekalesia ma a latou aoaoga. Ae peitai ua tatou maua uma le avanoa ma ua fautuaina ina ia faamautinoa a latou aoaoga e ala i le sailia ma le agaga tatalo ma le mauaina o se faamautinoaga faafaaaliga tuusao mai le Atua.

E talitonu le toatele o Kerisiano ua tapunia e le Atua le lisi o tusitusiga paia—o le faaputuga faatutuaina o tusi e paia ua faaaogaina o ni tusitusiga paia—ina ua faatoa mavae le maliu o Keriso ma ua le o toe i ai ni faaaliga e faatusalia talu mai lena taimi. Na aoao ma faapupula mai e Iosefa Samita o loo matala pea le lisi faatusi paia.¹¹ O le mea moni lava, o le tulafono faatusitusiga paia e lua auala o loo matala ai, ma o le faaaauauina pea la o faaaliga e matua ttau lava i nei mea uma e lua.

Muamua, na aoao mai e Iosefa Samita o le a taitaiina e le Atua Lana fanau e ala i le tuuina mai o ni faaopoopoga fou i le lisi o tusitusiga paia. O le Tusi a Mamona o se faaopoopoga lena. E faapena foi i faaaliga o i le Mataupu Faavae ma Feagaiga ma le Penina Tau Tele.

E tatau mo i tatou ia faaaliga faifai pea ina ia iloa ai mea e finagalo le Alii tatou te malamalama ai ma faia i o tatou lava taimi ma tulaga.

Lona lua, o le faaaauau pea o faaaliga e tatala ai le lisi a o mauaina e le au faitau o tusitusiga paia, i lalo o le uunaiga a le Agaga Paia, ni faauigaga fou faatusi paia ma taitaiina ai mo o latou tulaga patino. Na tusia e le Apostolo o Paulo e faapea “o tusi paia uma lava e mai le agaga o le Atua ia” (2 Timoteo 3:16; tagai foi 2 Peteru 1:21) ma e faapea “e le o le loto o tagata na tuu mai ai le valoaga anamua, a o tagata paia o le Atua na tatalaina mai [ina ua osofia] mai e le Agaga Paia” (1 Korinito

2:11; tagai i vaefaaamatalaga c, mai le Faaliliuga a Iosefa Samita). O le uiga o lenei mea, ina ia malamalama i mau, tatou te manaomia se uunaiga faaletagata lava ia mai le Agaga o le Alii e faamalamalama ai o tatou mafaufau. O lea la, tatou te faamalosiau i o tatou tagata ina ia suesue

i tusitusiga paia ma saili ma le agaga tatalo ia musumusuga latou te iloa ai mo i latou lava ia uiga. O le malamalama faaiu e oo mai i se faaaliga patino e ala mai i le Agaga Paia.

Na aoao mai Iesu, “Tou te iloa ai i latou i o latou fua” (Mataio 7:20). Ia te au lava ia, i le anoanoai o isi tagata talitonu, ma le toatele o le au matau, e lelei ia fua—e lelei mo le au paia, lelei mo o latou aiga, lelei mo o latou nuu, e lelei foi mo lo latou atunu. O le faitau miliona tala o le tau o sapalai ma auaunaga o loo tuuina atu gugū ma le lelei e Le Ekalesia a Iesu Keriso o le Au Paia o Aso e Gata Ai ma ona tagata e tali atu ai i mala e pei o le mafuie i Haiti ia Ianuari 2010 o ni faamioniga ia o lena mea moni.

I le avea ai ma se Apostolo ua valaaauina a'u e avea o se molimau i le aoaoga faavae, galuega, ma le sui o Keriso i le lalolagi atoa. I lena tofiga ou te molimau atu ai i le moni o nei mataupu

faavae o lo tatou faatuatuaga. ■

Mo le saunoaga atoa i le faaPeretania, asiasi i le www.lds.org/fundamental-premises-of-our-faith.

FAAMATALAGA

1. Gary C. Lawrence, *How Americans View Mormonism* (2008), 32.
2. *How Americans View Mormonism*, 34.
3. Tagai *How Americans View Mormonism*, 42.
4. Tagai *How Americans View Mormonism*, 40.
5. Tagai *How Americans View Mormonism*, 49.
6. *Aoaoga a Peresitene o le Ekalesia: Polika Iaga* (1997), 195.
7. *Aoaoga: Polika Iaga*, 193, 195.
8. *Aoaoga a Peresitene o le Ekalesia: Iosefa Samita* (2007), 207.
9. *Aoaoga: Iosefa Samita*, 208.
10. *Aoaoga: Iosefa Samita*, 139.
11. Tagai *Aoaoga: Iosefa Samita*, 219–29, 282–83.



Saunia e
Elaine S. Dalton
O Le Peresitene Aoao o
Tamaitai Talavou

OLE A SE MEA FOU OILE POLOKALAMA OLE ALUALU I LUMA OLE TAGATA LAVA IA?

Ole taimi lenei e sauniuni ai mo le lumanai matagofie o loo faatalitali mai ia te oe. O le a fesoasoani ia te oe le polokalama o Le Alualu I Luma O Le Tagata Lava Ia e te saunia ai ma e malamalama ai i lou faasinomaga o se afafine o le Atua.

O Le Alualu I Luma O Le Tagata Lava Ia e le o se polokalama e ese mai i lou olaga. E mafai ona fesoasoani e te latalata atili ai i le Faaola, auauna atu i isi, aoao tomai faaletaitai, atiina ae fegalegale-aiga, ma saunia ai mo feagaiga i le malumalu. O Le Alualu I Luma O Le Tagata Lava Ia e mafai ona fesoasoani ia te oe e atiina ae ai tulaga masani amiontonu. Pe a e faia e le aunoa mea laiti, e avea ma se vaega o lou olaga ma suia ai oe. E moni lava “o mea faatauvaa ma mea faavalea” ua “faataunuina [ai] mea tetele” (Alema 37:6).

O le toe faafouga o le tamaitusi o Le Alualu I Luma O Le Tagata Lava Ia, o loo i ai le malumalu i le faavaa. O le malumalu, o le mafuaaga autu lea o mea uma tatou te faia i le polokalama a Tamaitai Talavou. Matou te faamoemoe a o e vaai atu i le faavaa, o le a e manatua ai o le auai i le faatinoina o le polokalama o le Alualu I Luma O Le Tagata Lava Ia o le a fesoasoani lea e te saunia ai e osia ma tausia feagaiga o le malumalu i se aso.

E lanu piniki le tamaitusi fou O Le Alualu I Luma O Le Tagata Lava Ia! O lenei lanu vaivai a tamaitai o se faamanatu ia te oe o se afafine o lo tatou Tama Faalelagi, o loo i ai ni uiga tulaga ese tau tamaitai, ni meaalofa, ma ni matafaioi.

I totonu o le tamaitusi fou, o nisi o mea e fai ma galuega faatino o tulaga faatauaina ua i ai ni suiga laiti ina ia sili atu le fetaui ma lenei vaitaimi ma sili ona taulai atu i feagaiga o le malumalu o le a e osia ma tausia i se aso. O nisi nei o tali i au fesili.

E faapefea ona ou amataina le polokalama o le Alualu I Luma O Le Tagata Lava Ia? E faigofie ona amata! Amata i so'o se tulaga faatauaina e te fiafia i ai. E te le tau faatinoina ia tulaga faatauaina i se faasologa faatulagaina. O le faia o mea faatonuina e fai o le a fesoasoani e te malamalama ai i tulaga faatauaina ma pe aisea e taua ai i lou olaga.

O ai e mafai ona auai? O le polokalama o le Alualu i Luma o le Tagata Lava Ia e faaautu tonu lava i tamaitai talavou o le Ekalesia,



A e ulufale atu i le faalapotopotoga o Tamaitai Talavou, o le a tauao atu ia te oe e ou taitai se asoa o le sulu. O lea asoa o se faatusa o lau tautinoga e te tu mo le upumoni ma le amiontonu i taimi uma i mea uma ma nofoaga uma. O le faatusa o le sulu o le a faamanatu atu foi ia te oe ina ia "tutula'i ma susulu atu, ina ia faia lo outou malamalama ma tagavai mo atunu" (MFF 115:5). La asoaina ma le faagaeetia lenei asoa ma ia manatua lau tautinoga.



ALOAIAINA O LE TULAGA FAATAMAITAI TALAVOU

Pe a e faamaeaina le polokalama o le Alualu I Luma O Le Tagata Lava la, o le a e faamauina i lau api o talaaga lau molimau ma faia se faatalanoaga ma le epikopo po o le peresitene o le paranesi. Ona e agavaa loa lea e maua lou faailoga o le Aloaiaina o le Tulaga Faatamaitai Talavou. Ua suia le asoa ina ia aofia ai faatusa o vaitausaga faapea ma le malumalu. O loo i ai foi ma se penina laitiiti i le ogatotonu o le rosa a le Maea Maite. O lenei penina o se faatusa ua mae'a lau polokalama o le Alualu I Luma O Le Tagata Lava la ma le tulaga faatauaina fou o le mama. O le penina o le a faamanatu atu ai ia te oe o se tamaitai talavou amio mama e taua ma "e silisili lona tau i penina" (Faataoto 31:10).



PI FAAMAMALUINA

A maea ona maua sau asoa, ua mafai loa ona e faaauau e maua se taui o le Pi Faamamaluina i le toe faitauina o le Tusi a Mamona ma le faia o isi auau-naga faaopoopo, e aofia ai le fesoasoani atu i se isi tamaitai talavou i lana polokalama o le Alualu I Luma O Le Tagata Lava la.



TAMAITUSI O LE ALUALU I LUMA O LE TAGATA LAVA IA

A maea loa ni au mea e fai ma se galuega faatino mo se tulaga faatauaina, o le a maua sau faailoga pipii lanu auro e tuu i le pito i tua o lau tusi o le Alualu I Luma o le Tagata Lava la. Tusi ai le aso lea na e faa-maeaina ai lena tulaga faatauaina. O le a avea lau tusi ma lau api o talaaga ma au faamaumauga totino o mea lelei uma o loo e faataunuina.



ae e mafai foi ona auai isi. Mo se faataitaiga, e mafai ona e filifili e valaaulia au uo e le o ni tagata o le Ekalesia tou te galulue faatasi i le polokalama o le Alualu I Luma O Le Tagata Lava Ia. E mafai foi ona auai o outou tina po o isi tamaitai.

O le a le vave e tatau ona ou faagasoiloina ai? Pe a e tatalaina le tusi o le Alualu I Luma O Le Tagata Lava Ia, o le a e maua ai nisi o mea ua leva ona e faia i le aoga po o le aiga. Faamalo ia te oe lava ia mo nei mea ma fuafua mamao ina ia mafai ai ona e faia ma se faamoemoega. E pule lava oe i le vave e te galue ai. Afai ua sefuluua ou tausaga ma e te faia se aafiaga se tasi i masina taitasi ma ni galuega faatino se lua i tausaga taitasi, e oo atu i le taimi e avea ai oe ma Lora, ua mae'a. Ona e maua lea o le avanoa e faufautua ai i isi tamaitai talavou o loo galulue ia latou polokalama o le Alualu I Luma o le Tagata Lava Ia. Pe a e faia le mea lenei, o le a e maua-inia le Pi Faamamaluina, lea e faatusa i se taumafaiga faoopoopo e auaua atu i isi.

E Mafai Ona Ou Faataunuuiina le Alualu I Luma o le Tagata Lava Ia i le Mutuale? E mafai ona e faia se vaega o lau Alualu I Luma o le Tagata Lava Ia i le Mutuale. E mafai ona avea se galuega faatino ma a outou gaoioiga o le Mutuale. E mafai foi ona e galue i lau Alualu I Luma o le Tagata Lava Ia i totonu o lau vasega a Tamaitai Talavou ao e aoaoina ia tulaga faatauaina ma suesue i tusitusiga Paia.

O a ni ituaiga avanoa faaletaitai ou te maua ai? Ao e tapena ia faataunuuiina se galuega faatino e 10 itula, e mafai ona e valaauliaina isi tamaitai talavou e fesoasoani ia te oe. O le faia o lenei mea o le a fesoasoani e te aoaoina ai tomai faaletaitai mo au matafaioi i le lumanaia i le avea ai ma se ava, tina, ma se tausiaiga. O le a fesoasoani foi e te aoao ai pe faapefea ona faatulaga, fesootai, ma faataunu se galuega faigata.

Aisea ua talosagaina ai a'u ina ia tausia sa'u api o talaaga? O lenei api o talaaga o le a avea ma se faamaumauga taua mo oe i le taimi na e i ai i le faalapotopotoga o Tamaitai Talavou ma tautinoga na e faia. O le tusitusi i lau api o talaaga o le a valaaulia ai le mafutaga a le Agaga Paia.

O faamanuiaga o le Alualu I Luma o le Tagata lava Ia e faaauau i tua atu o tausaga o Tamaitai Talavou. O le a faateleina lou faatuatua ma lau molimau i le Faaola ma Lana talalelei toefuataiina. O le a e saunia mo lau misiona ma matafaioi paia i luga o le fogaeleele. O le a e tofo i le suamalie o le auaua atu ma le olioli i galuega amiontonu. O le a e lagonaina le uunaiga a le Agaga Paia, lea o le a taitaina ma aoaoina oe. O le a e atiina ae se mamanu o le soifuaga lea o le a faamanuiaina ai lou olaga, i le taimi nei ma le faavavau atoa. O se mamanu o le alualu i luma ma le osia ma le tausia o feagaiga o le malumalu. Ia faamanuiaina outou ao outou amataina lenei mamanu o le alualu i luma. Matou te alolofa ia te outou! E alofa le Alii ia te outou! O outou o Ona afafine faapelepele. ■



LIPINE O MAU

A maea loa au mea e fai ma se galuega faatino mo se tulaga faatauaina, o le a e maua se lipine e faailogia ai au mau e sili ona e fiafia i ai e faatatau i tulaga faatauaina. O lipine o loo i lanu o tulaga faatauaina: paepae mo le faatuatua, auro mo le mama, ma isi. O le a tauaao atu e lou taitai lea lipine ia te oe i se sauniga a Tamaitai Talavou.



TUSI FAAMAONIA O LE SIITAGA

A e sii mai lea vaitausaga i le isi, o le a aloaiaina oe e lou epikopo po o le peresitene o le paranesi i se tusi faamaonia o le aloaiaina ma le faamaeaina. Ia teu i se nofoaga faapitoa e faamanatu atu ai ia te oe ia mea na e aoaoina ma faataunuuiina i ou tausaga i le Ofagapi, Mae Maite, ma le Lora.

Mo nisi faamatalaga e uiga i le polokalama o le Alualu I le Luma o le Tagata Lava Ia, faitau le folasaga o le tamai tusi pe asiasi i le www.PersonalProgress.lds.org.

Saunia e
David L. Beck
O Le Peresitene Aoao o
Alii Talavou



O Le Perisitua Arona — E Sili Atu Nai Lo Le Mea Na E Mafaufauina

O SE SAVALI E FAATATAU I LE POLOKALAMA O LE TIUTE I LE ATUA

Ole fa tausaga talu ai na ou auai atu ai i le sauniga o le maliu o lo'u uso o Gary. Na saafi se tasi o failauga i lo'u uso. Talu mai lava lena taimi ou te mafaufau pea lava i ai. Fai mai a ia, "O Gary o se alii o le perisitua. . . . Sa malamalamo ia i le perisitua, faamamaluina le perisitua, ma na ia taliaina atoatoa le perisitua ma ona mataupu faavae."

Ina ua maliu lo'u uso, sa avea o ia ma fataulaga sili i le Perisitua Mekisateko, ma sa ia olioli ai i le 50 tausaga o lana auaunaga faaleperisitua. O Gary o se toalua ma se tamā e alofa o lē sa avea ma faifeatalai faamamaluina, na faaipoipo i le malumalu, faalauteleina ona valaauga faaleperisitua, ma sa galue ma le filiga o se faiaoga o aiga.

O oe o sē o loo umia le Perisitua Arona. O lea faatoa amata lau auau-naga faaleperisitua. Atonu e le'i atoa se 50 ni aso o lou perisitua. Ae e mafai ona e agavaa mo lena lava saafiafiga e tasi e pei ona mauaina e Gary. O le mea moni lava, e tatau *ona eagavaa* mo lena saafiafiga. Ua valaauna oe e le Alii mo se galuega matagofie, ma o

loo ia faamoemoe mai ia te oe e avea o se alii o le perisitua.

O Le Tulaga Maoae o le Perisitua Arona

Se'i tau lava ina e mafaufau i le maoae tele o le Perisitua Arona lena e te tauaveina:

- Na auina mai e le Alii ia Ioane le Papatiso ua toetu e toefuatai mai le Perisitua Arona. Ina ua faaee atu e Ioane lenei perisitua ia Iosefa Samita ma Oliva Kautui, sa ia valaauna i laua o ona "uso a auauna" (MFF 13:1). Na faailoa mai e Peresitene Gordon B. Hinckley (1910–2008) "e le'i tuuina [e Ioane] o ia lava i luga a'e o Iosefa ma Oliva. Na ia faatutusa i la'ua ma ia ina ua ia faapea atu "o'u uso a auauna e." Na toe saunoa mai Peresitene Hinckley e faapea e mafai foi e se tiakono e 12-tausaga-le-matua ona avea ma uso a auauna a Ioane.¹





A o e tuputupu a'e i le malosi faale-agaga ma fesoasoani atu i isi ia o mai ia Keriso e ala i lau auaunaga faaleperisitua, o oe moni lava o se alii perisitua.

- O le Perisitua Arona e umia ki o asiasiga ma galuega a agelu (tagai i le MFF 13:1). A e ola amiontonu ma auauna atu ma le filiga, o le a mafai ona e maua asiasiga ma galuega a agelu e tatalaina ma faamalosia oe. O lou faatautaia o le faamanatuga, e mafai ai ona e fesoasoani i isi ia latou maua foi lea faamanuiaga.²
- O le Perisitua Arona “o loo i ai ki . . . o le tala lelei o le salamo, ma le papatisoga i le faatofuina mo le faamagaloina o agasala” (MFF 13:1). E tuufaatasi le salamo ma le papatisoga e fausia ai le faitotoa lea e ulu atu ai tagata e amata ai i le ala i le ola e faavavau (tagai i le 2 Nifae 31:17–18). O le galue i lalo o le taitaiga a ou taitai perisitua, o le a mafai ai ona e fesoasoani i isi tagata e tatalaina lea faitotoa.
- O le Perisitua Arona e aofia ai le pule e faatautaia ai le faamanatuga. Pe a e tapenaina, faamanuia, pe tufaina le faamanatuga, ua avea

oe ma sui ia Iesu Keriso (tagai i le 3 Nifae 18:1–12). E te fesoasoani i tagata o lou aiga ma au uo ia manatua o Ia, faafou a latou feagaiga, ma agavaa mo le mafutaga a le Agaga Paia.

O nei ituaigna avanoa e manaomia ai le faatinoga a alii perisitua—alii o e malolosi faaleagaga ma ē o loo faataunuina o latou tiute faaleperisitua.

Tusi Fou o le Tiute i le Atua

I lalo o le taitaiga a o tatou perfeta soifua, ua saunia ai se punaoa e fesoasoani ia te oe ina ia avea o se alii perisitua. E ui e fou le punaoa, ae e i ai se igoa ua masani ai: Tiute i le Atua.

Ua faagaeetia lava au e uiga i le tusi fou o le Tiute i le Atua. E mafai ona fesoasoani ia te oe e te usitai ai i le poloaiga a le Alii ina ia “aoao [lou] tiute” ma “galue i le tofi ua tofia ai [oe], i le maelega atoatoa” (MFF 107:99).

O le faaaogaina la o le tusi i le avea ai ma se tiakono, aoao, ma ositaulaga, o le a e auai ai i ni gaoioiga i ni vaega se lua: malosi faaleagaga ma tiute o le perisitua.

O Se Mamanu o le Avea Ai

O gaoioiga taitasi i totonu o le tusi o le Tiute i le Atua, o loo mulimuli i se mamanu o le a fesoasoani ia te oe e avea ai ma sē e umia le perisitua o loo finagalo le Alii: Muamua, e te *aoao* e uiga i se mataupu faavae o le talalelei po o se tiute faaleperisitua. Ona e *galue* lea i le mea na e aoaoina. Mulimuli, e te *faasoa atu* ou mafaufauga ma lagona e uiga i mea na e aoaoina ma o'o i ai. O nisi o nei

gaoioiga e patino i le tagata. O isi e mafai ona fetuunai mo lau korama atoa e faaaoga i lesona o le Aso Sa po o gaoioiga i le vайасо.

I le itulau e 39 i le faataitaiga mai le tusi, o loo faaalia ai le ala e faaaoga ai lea mamanu. O faamatalaga e mai i alii talavou ua i ai le poto masani tele i le tusi fou.

O Se Alii Perisitua

Pe a ou mafaufau i le faaupuga “alii perisitua,” e mautinoa lava lo'u mafaufau i lo'u uso o Gary. A e ou te mafaufau foi i isi. Ou te mafaufau ia Peresitene Thomas S. Monson, o lē, a o avea ma se tiakono, na ia lagona sa tu o ia i le eleele paia a o ia fesoasoani atu i se alii e le atoatoa le malosi, e taumafa i le faamanatuga.³ Ou te mafaufau ia Ioane le Papatiso, o se na umia ma le maoae le Perisitua Arona ma na ia saunia le ala mo le galuega a le Faaola i le olaga nei, e ala i le aoao atu, molimau atu, ma faataunuina le sauniga paia o le papatisoga. Ou te mafaufau foi ia te oe. A o e tuputupu a'e i le malosi faaleagaga ma fesoasoani atu i isi ia o mai ia Keriso e ala i lau auaunaga faaleperisitua, o oe moni lava o se alii perisitua. ■

Mo nisi faamatalaga e uiga i le Tiute i le Atua, faitau le folasaga i le tamaitusi pe asiiasi ane i le www.DutytoGod.lds.org.

FAAMATALAGA

1. Tagai Gordon B. Hinckley, “O Le Perisitua Arona—o se Mealofoa mai le Atua,” *Liahona*, Julai 1988, 47.
2. Tagai Dallin H. Oaks, “O Le Perisitua Arona ma le Faamanatuga,” *Liahona*, Ian. 1999, 44–45.
3. Tagai Thomas S. Monson, “Fai Lou Tiute—E Sili Lena,” *Liahona*, Nov. 2005, 56.

1. Aoao: O le vaega lenei o gaoioiga e taialaina a outou taumafaiga ina ia aoao e uiga i se mataupu faavae o le talalelei po o se tiute o le perisitua. E aofia ai faatonuga mo oe ina ia faia sa oe lava fuafuaga e faavae i luga o mea sa e aoaoina.

"E mafai ona e aoao i ai faaleagaga" e uiga i ou tiute faaleperisitua ae e te le'i faataunuunia.

O se tasi e umia le Perisitua Arona i le lunaite Setete

"Ou te fiafia i le manatu o le taumafai e mafaufau i ni mea e mafai ona fesoasoani moni ia te a'u lava ia."

O se tasi e umia le Perisitua Arona i Kuatemala

"Ou te fiafia i vaega o le suesueina o tusitusiga paia ma tatalo, ma sa ou faia ia mea ma o loo o'u faia pea lava. O lea ou te sauniuni e auauna atu i se misiona."

O se tasi e umia le Perisitua Arona i Filipaina



OLA AGAVAA
Aoao

"O le ua salamo i ana agasala e faamagaloina o ia, ma o au le Alii, ou te le toe manatua lava" (MFF 58:42).

1. Faitau le vaega ua faaautuina "Salamo" i le Mo Le Malosi o le Autalavou, ma tusi au tali i fesili nei i sau api po o se api o talaaga:
2. E faapefea ona fesoasoani le salamo le tuputupu ae ai faaleagaga?
3. O le a se sotoga o le salamo, le Togiola, ma le agavaa o le tagata lava ia?

La talanoaina au tali faatasi ma ou matua po o tagata o lau korama. La talanoaina pe faapefea ona fesoasoani le salamo ia te oe e te saunia ai e ulu atu i le malumalu ma auai i le faatinoina o sauniga paia.

- Filifili ia le itiiti ifo ma le tolu isi vaega mai le Mo Le Malosi o le Autalavou o le a fesoasoani ia te oe ia e ola agavaa. Suesue i tulaga faatonuina o loo i vaega nei, ma tusi mea o le a e faia e ola ai i nei tulaga faatonuina ma i se fesoasoani atu i isi ia faia lea lava tulaga e tasi.

2. Galue: I le vaega lenei o le gaoioiga, e te mulimuli i lau fuafuaga ma tusi ou mafaufauga ma lagona e uiga i ou aafiaga.

"I le avea ai ma ni alii talavou i le paranesi, na tonu ia i matou e faatu se sini e faatasiasi ai ma o e tamomoe. Sa matou matua fiafia lava e fuafuaina faatasi lenei mea, ma sa matou galulue ai o se vaega, ia matou malolosi atili faaletino."

O se tasi e umia le Perisitua Arona i Kuatemala

"O le tusi . . . e pei o se tusi o faamatlagaga patino po o se api o talaaga lea e mafai ona e . . . toe tomanatu ai ia te oe lava ia. O se alafua lelei e ui ai."

O se tasi e umia le Perisitua Arona i le lunaite Setete

"E faigata lava ia te a'u ona faatulaga taimi o a'u suesuega i tusitusiga paia. . . O a'u sini na i ai e faitau ia tusitusiga paia ma tatalo na fesoasoani lea ia te a'u ina ia maua se taimi ma taulai sa'o ai le vaai. Na tele se eseesege na faia mo a'u, ma sa ou lagonaina le Agaga a o o'u faatinoina."

O se tasi e umia le Perisitua Arona i Filipaina

3. Faasoatatu: A uma ona e mulimuli i lau fuafuaga, ona e maua lea o se avanoa e faasoatatu ai ou mafaufauga ma lagona i tagata o lou aiga, uso o le korama, ma isi.

"Pe a e faasoatatu, e te manao ina ia faaauau pea ona e talanoa atu i isi e uiga i ai aua o le [faasoatatu] na fesoasoani e te malamalama atili ai."

O se tasi e umia le Perisitua Arona i le lunaite Setete

"Na lelei aua sa mafai ona ou talanoa ma o'u matua."

O se tasi e umia le Perisitua Arona i Filipaina

"I le fonotaga a la matou korama sa matou fiafia e talatalanoa le tasi i le isi e uiga ia matou sini: i mea o loo matou faia taitoatasi ma le ala na fesoasoani ai nei mea ia i matou."

O se tasi e umia le Perisitua Arona i Kuatemala

Galue

Vaega mai le Mo Le Malosi o le Autalavou o le a ou suesue i ai:

O mea patino o le a ou faia e ola ai i nei tulaga faatonuina ma fesoasoani ai i isi ia faia lea lava tulaga e tasi.

Faasoatatu

▪ A uma ona e suesue ma faaoga nei tulaga faatonuina, ia faamatala atu i ou matua po o tagata o lau korama po o a mea ua e aoaoina, pe o faapefea ona unaia ai lou olaga, ma le ituiga tagata ua avea ai oe.



Mafaufau e suesue ma faaoga vaega o le "Laei ma Foliga Vaaia," "Faafiafiaga ma Auala o Faasalalaua," po o le "Gaganu" i le Mo Le Malosi o le Autalavou.

filling My
to God
Priesthood Holders



PE MAFAI ONA OU TUUA LE TINA O LO'U TINA MATUA?

Ina ua atoa lo'u 21 tausaga, sa ou manao e auauna atu faamisiona. Sa lagolagoina e le tina o lo'u tina matua o Margarita Sippo de Lallana la'u faaiuga e ui o lona uiga o le a tuua ai na o ia. Sa ia tausia a'u talu mai lo'u laitiiti, ma sa ou popole po o ai o le a vaaia o ia a o o'u talai.

Sa papatisoina i ma'ua i le 1978, ina ua 11 o'u tausaga ae 73 tausaga o le tina o lo'u tina matua. E le'i leva ae ua ma le toe o i sauniga lotu, peitai na o mai ni uso ma ni tuagane mai le Ekaleisia sa popole mai, e saili i ma'ua.

Sa amata ona ou toe toaga, ma sa tulimatai e le matou uarota lo'u faauuga. "O le a i ai se tatou tiakono!" o la latou tala fiafia lea. I taimi lena, sa leai ni Perisitua Arona o la matou uarota. Sa avea au ma peresitene o le

korama a tiakono aua e leai lava nisi tiakono. Sa ou mafaufau pe aisea ua latou tuuina mai ai ia te au sea vala-auga, peitai na iu ina ou malamalama o loo aoaoina a'u e taitai o le uarota i tiutetauave faaleperisitua. O se tau-nuuga la, sa ou taumafai ina ia ou faamaoni.

Peitai, sa tumau pea le le toaga o lo'u tina matua, ma sa na o ni nai taimi sa auai i sauniga lotu. Peitai sa ia lagolagoina la'u fa'aiuga e faamisiona aua na ia iloa i lona loto e moni le talalelei.

Ina ua tuuina i totonus a'u pepa o le misiona i le tausaga e 1990, o le toatele o faifeautalai mai Cordoba na valaauna e talai i Misiona a Atenitina Buenos Aires i Matu po o Saute. Na ou mautinoa o le a valaauna a'u i se tasi o ia misiona e lua ma le mamao

ese ai mai le tina matua o lo'u tina.

Mulimuli ane, ina ua valaau mai lo'u peresitene o le siteki, sa fai mai o ia e manaomia so'u tusifolau aua ou te alu i Kolumipia! E ui i le tumau pea o o'u popolega, sa uunaia a'u e le tina o lo'u tina matua ou te alu. Ina ua le o toe mamao ona ou alu lea, sa ia folafola mai o le a ia toe foi i le lotu i le Aso Sa e sosoo ai ma o le a alu i le malumalu a e ou te le'i foi mai. Na fai-gata ona talitonuina lenei mea peitai na fafaigofie ai ona ou tuua o ia.

A o ou i ai i la'u misiona, na ia faia lava e pei ona ia folafola mai. E ui sa i lona vaitausaga o le 80, ae na le gata ina auai o ia i ana sauniga lotu uma, ae sa taunuu foi i le taimi e tatau ai. Ma na saunia o ia ma alu atu i le Malumalu o Buenos Aires i Atenitina.

Ina ua mavae se malaga i le pasi e 12 itula i le po atoa e toe foi mai ai mai lena malaga muamua i le malumalu, na taunuu le tina o lo'u tina matua i le falelotu o la matou uarota i le taeao o le Aso Sa i le 8:30, ae toe-itiiti amata le sauniga Lotu. Na fai atu lo matou peresitene o le siteki o, Rúben Spitale ia te ia, "Ta o e momoli oe i le fale e fai sau malologa."

"Leai," o lana tali lea. "Ou te alu i le lotu." Ma na ia faia lava.

Ina ua ou toe fo'i mai mai la'u misiona, na faatolu ona ma o faatasi i le malumalu a o le'i maliu o ia i le tausaga e 2000. Ona o la'u misiona, na faamanuaina uma ai i ma'ua. Pe ana ou nofo i le fale, ou te mautinoa e le oo mai nei faamanuiga. ■

Hugo Fabián Lallana, Córdoba, Atenitina



Ina ua le o toe mamao ona ou alu lea i la'u misiona, sa folafola mai e le tina o lo'u tina matua o le a ia toe foi i le lotu i le Aso Sa e sosoo ai ma o le a alu i le malumalu a e ou te le'i foi mai.

TATOU TE FAALOGO I LE AGAGA

Se tasi o taeao na ma fuafua ai ma la'u soa faifeautalai e ma te o e tuitui faitotoa ma tufa tamai tusi i la matou eria ua tofia i ai maua i Filipaina i saute. A o ma pisi e tuitui ia faitotoa, sa aga'i mai se tamaloa ia i maua ma fesili mai po o le a le ma mea lea e fai. Na mafai ona ma iloaina sa inupia.

I lo ma manatu e le o matua fiafia tele o ia i la ma savali, na ma tuu atu ai ia te ia se tamaitusi e uiga i le faamoemoega o le olaga. Ona ma ta'uina atu lea ia te ia, afai e na te faitauina le tamaitusi ma aua le inupia i lena afiafi, o le a ma o mai i lona fale e faamalamalama le faamoemoega o le olaga. Na lue mai lona ulu ma fai mai o le a ia faatali mai mo maua. Na ma faatopetope atu i se ma aoaoga na faatulagaina.

E le i ai lava so maua faamoemoe e toe foi i lena afiafi e aoao o ia, ae o aso uma lava mulimuli ane pe a ma pasia lona fale, ou te lagona ai lava se uunaiga ma te afe. Ae peitai, e vave lava ona ou faagalagalo i lea lagona, ma tau faamaonia au faaiuga i lo'u fai ifo ia te au lava, ai ua onā tele ma le mafai ona faalogo mai.

Ina ua mavae ni nai aso, na matua malosi lava le uunaiga ma ua le mafai ai ona ou toe teenaina. Ina ua ma tu'itu'i atu i lona faitotoa, na faafeiloai i ma'u e se tamaitai na matua te'i ma fesili mai pe aisea na ma le toe foi atu ai muamua, e pei ona ma folafola atu. Fai mai a ia, na la faatalitali mai ma lona toalua i lena po mo ma'u, ma o se taimi muamua lea talu ona la faaipoipo, e le'i inu ai o ia.

Sa ma maasiasi ma tasoo atu le faatoese. Sa ma faatulagaina se taimi



E le i ai lava
so maua faa-
moemoe e toe
foi i lena afiafi
e aoao o ia, ae
o aso uma lava
mulimuli ane pe
a ma pasia lona
fale, ou te lagona
ai lava se
uunaiga ma te
afe.

e toe foi atu ai i lena po e aoaoina o ia ma lona toalua. E lei umi se taimi mulimuli ane sa salamo ai le Uso o Gumabay (ua suia le igoa) i ona vaivaiga uma faalelalolagi, ma sa papatisoina, ma avea ma se poutu o le malosiaga i le alalafaga.

I ni nai aso talu ona mavae atu lona papatisoga, na ou siitia ai i se isi eria ma le toe maua ai se fesootaiga ma le aiga. Pau lava le mea na mafai ona ou faia o le faamoemoe lea ma tatalo ina ia tumau lo latou malolosi i le Ekalesia.

Na ou iloa mulimuli ane o le tamai pitonuu lea sa nonofo ai le aiga o Gumabay sa fai ai se paranesi ona sosoo ai lea ma se uarota. Na valaaui Uso Gumabay e avea ma

epikopo o lena uarota. Na ou iloa foi ua toatele nisi o ona aiga ua auai i le Ekalesia.

Ina ua ou toe foi atu e asiasi i la'u eria tuai sa ou talai ai, na ou iloa ai e toatele tagata na liliu mai i le Ekalesia ona o le faataitaiga lelei a Epikopo Gumabay, o se na tuuina atu lona ola i aao o le Alii ma tuuina o Ia i le foeuli o lona aiga ma gaoioiga o aso taitasi.

Ou te matua faafetai lava ina ua ma faalogo i uunaiga a le Agaga ina ia asia le aiga o Gumabay. O lenei aafiaga, na ou malamalama ai i le uiga o le fetalaga a le Alii ina ua ia fetalai mai, "E le aoga le fomai i e malolo, na o e mama'i" (Mataio 9:12). ■

Michael Angelo M. Ramírez, Niu Sila

VALAAU I OU FAIAOGA O AIGA

Ile tele o tausaga ua tuanai atu, a o laiti lava le ma fanau e toafa, na talia ai e lo'u toalua se galuega i se isi setete ae ou nofo pea sei mae'a aoga mo le tausaga a le ma fanau matutua e toalua. E lei leva ona tofi mai ni faiaoga fou o aiga mo i matou, o e na maua le avanoa e asia faalua ai lo matou aiga ao le'i siitia ese atu lo'u toalua.

I se tasi o po ina ua maea ona faamomoe tamaiti, na ou faalogo ai o tagi le ma teineitiiti pepe i lona potu. Ina ua ou siiina o ia i luga, na ou iloa ai lona fiva tele. Na ou mafaufau e ave o ia i le falemai, ae i le siakiina faatopetope o la matou inisiua fou na faailoa mai ai e na o tagata e aumau i le setete o Idaho e aoga ai —o le setete lea o loo faigaluega ai nei lo'u toalua. A o matou uma o loo avea lava ma tagatanuu i le setete o Uosigitone.

Na tupu ae lo'u popole ina ua ou fuaina le fiva o la ma tama teine ua —105 tikeri Farenait (41 tikeri C). Na vave ona ou tootuli ifo i le tatalo ma aioi atu ma le malosi mo se fesoasoani. Na oo mai se tali ou te manatu e le ono oo lava i ai so'u mafaufau: "Valaaou ou faiaoga o aiga."

Ua faasolo ina tuai le taimi, ma ua ou iloa o nei alii e toalua, o Tuagane Halverson ma Bird, ua mautinoa lava ua malolo mo le po. Ae, na ou tago lava i le telefoni ma valaaou atu ia Tuagane Bird, ma ta'u vave atu ia te ia le tulaga faaletonu. I totonu o le lima minute, i le 11:00 p.m., ua i le faitotoa i luma o'u faiaoga o aiga—i o la sutu ma fusiuia.

E oo atu i le taimi lea ua mumu alafau ma mata o le ma pepe, ma ua piipii lona lauulu i le afu. Na tagi o ia i le tiga, ae na to'a lava ia Tuagane

Bird ma Halverson a o la siiina o ia. Ona, faaee lea o o la lima i luga o lona ulu, ma tuuina atu ia te ia se faamanuiaga ma ta'u atu ia te ia i le suafa o le Faaola ia malolo.

Ina ua pupula o'u mata ina ua mae'a le faamanuiaga, na ou tau le talitonu i le mea na ou vaaia. Na atata ma feminoia'i solo la'u tama e fia alu i lalo e taalo. Ua leai sona fiva!

"Na mafai ona ou lagonaina lona malu a o ma faamanuiaina o ia," o le tala lea a Tuagane Bird ia te au a o matou vaavaai uma atu ma le ofo

i la'u tama. E lei umi a e o ese atu i laua, a e ou ala ai pea mo se taimi umi ma se pepe sa manao e ala ma taalo. E le'i afaina lea ia te au.

Na mavae ni tausaga se tele talu mai lena po na faamanuiaina ai la'u tama e ni agelu se toalua, na tino mai i faiaoga o aiga. E le'i umi ae matou siitia atu i Idaho ma ua le toe maua ai se fesootaiga ma i laua, ae ou te faafetaia pea faiaoga o aiga agalelei se toalua o e na o mai i le tuneva o le po i le feau a le Alii. ■

Diana Loski, Penisilevania, ISA



Na tupu ae
lo'u popole
ina ua ou fuaina
le fiva o la ma
tama teine. Na
vave ona ou
tootuli ifo i
le tatalo ma
aioi atu ma le
malosi mo se
fesoasoani.

PE NA FAASESEINA EA LO'U EPIKOPO?

Ele'i leva ona vaeluaina la matou uarota, o lea la ina ua talosaga mai le epikopo e fia vaai ia te au, na ou mautinoa lava o le a maua so'u vala-auga i le uarota fou. Sa ou galue lava i tamaitai talavou ma e ou te alofa ia i latou. Latou te matua fiafia lava i le talalelei ma o se fiafiaga le aoaoina o i latou. Ou te mautinoa lava o le a faatagaina au e le Alii e faaauau ona aoaoina i latou.


Nai lo lena, na ou te'i, i le faapea mai o le epikopo e finagalo le Alii ou te faiaoga i le Peraimeri. E mautinoa lava na sese o ia! A e ui i lea, na ia faamautinoa mai ia te au, na ia anapogi ma tatalo ma sa ia maua se lagona malosi e uiga i lo'u valaauga. Ou te alofa i tamaiti, ae o le a se mea ou te iloa e uiga i le aoaoina atu o i latou?

Mo le 15 tausaga o le ma faaipo-ipoga e pau lava lo ma faanoanoaga ma lo'u toalua o le le'i faamanuiaina lea o i maua e le Alii i se fanau. O a ma taumafaiga e vaetama na le faamanuiaina foi ona o ma luitau faale-soifua maloloina.

I le faatuatuaina o le epikopo, na ou taliaina ai le valaauga e faiaoga i le Peraimeri, ae na ou tauivi i lo'u loto. Sa ou ita i le Alii ona o le leai o sa'u tama, ma sa ou le fiafia i lenei valaauga fou.

"Aisea, le Alii e, ua e poloai mai ai ia te a'u i lenei mea?" Na ou mafaufau ai. "I Lou atamai, ua le faamanuiaina ai a'u i sa'u lava fanau. Ua poloaiina ea la i se a'a'u e faiaoga i fanau a isi tagata?"

Sa ou tatalo ma tauivi ma fagatua ma le Alii, ma aioi ma o'u loimata mo le malamalama. Na iu lava ina tonu ia te a'u, talu ai ona ua ou taliaina le valaauga, ua tatau loa ona tu'u lo'u



manatu faanoanoa mo au lava ia ae fai le mea sili ou te mafaia.

O iina na oo mai ai faamanuiaga. Na vave lava ona ou aoao e alofa i le fanau, ma na latou aoao foi e alolofa ia te a'u. Na ou iloaina ua lava le maoae o lo latou alofa ua fesoasoani ai ia te au e faatumuina le lagona gaogao i lo'u olaga. E lei umi, ae ua le mafai ona ou savali i le faapaologa o le falelotu e aunoa ma ni tamaiti, a ititi pe toalua e uuina o'u lima ma isi e taofia au mo se opo pe a ou pasi atu. Na uma lena, ae valaaufina lo'u toalua e avea ma taitai Sikauti. E lei umi ae ua faatumulia lo ma fale i tamaiti ma le tupulaga talavou.

Na maliu lo'u toalua i le 47 o ona tausaga i le masina o Novema 1986. I lea foi taimi, na toe silafia ai e le Alii le mea na sili atu ona ou manaomia nai lo a'u. I ni nai vaiaso talu ona maliu lo'u toalua, na valaaufina ai a'u

ou te auauna atu i se misiona faa-faiaoga i le Peraimeri i Fresno, Kalfonia, i le paranesi o tagata Laotia. O le lototetele o nei tagata uiga ese ma a latou fanau na aumaia ia te au le malosi e faaauau ai e aunoa ma lo'u toalua.

O se fiafiaga faapitoa le vaai atu i nei tagata talavou na ou faiaoga ai, ua matutua, faia ni misiona, faaipoipo i le malumalu, ma amatalia o latou lava aiga. O le toatele o nei fanau na "vaetamaina" o loo afe mai lava e faafeiloai a'u ma faamatagofie atili lo'u aso, ma e ou te fiafia pe a ou vaai ia i latou i le Malumalu o Fresno i Kalfonia, lea o loo ou galue ai nei.

O la'u auaunaga i le Peraimeri ua avea o se faamanuiaga moni lava o le olaga atoa. Ou te matua faafetai lava ona o o tatou valaauga e faatonuina mai e le Alii a e le o i tatou. ■

Jeannie L. Sorensen, Kalfonia, ISA

Na fai mai le epikopo e finagalo le Alii ou te faiaoga i le Peraimeri. Ou te alofa i tamaiti, ae o le a se mea ou te iloa e uiga i le aoaoina o i latou?

Faataitaiga Anamua, Folafolaga o Aso Nei

E le'i faigofie le tulaga o tafaoga faamasani ia te a'u, ae na ou maua le malosi mai faataitaiga o le faamaoni o loo i tusitusiga paia.

Taofia le igoa

Fui lava ou te fiafia i le tele o mafutaga faamasani, ae na ou tauivi ma vaaiga o tafaoga faamasani. Ou te le'i tafao faamasani lava ae ou te le'i alu i la'u misiona, ma ina ua ou toe foi mai ina ua mavae le lua tausaga, sa ou lagonaina faapitoa le leai o se poto masani.

I le sefulu tausaga talu mai lena taimi, sa ou taumafaia "mea uma na [ou] mafafia" (2 Nifae 25:23) ia faaipoipo—o se mea na folafola mai ia te a'u i lo'u faamanuiaga faapeteriaka—ae le'i manuia. O nisi taimi ou te lagona lava le tofotofoina i le leai o se faamoemoe atonu ou te mauaina lava se tasi, ae maise lava i taimi faanoanoa, sa ou tagi atu ai i le tatalo: "Faa-molemole fesoasoani mai ia te a'u. Ou te le iloa po o le a la'u mea o loo fai."

Talu ai nei lava, na ou maua ai se faamanafanaga tele i ni faataitaiga mai tusitusiga paia. O tala nei e tolu na matua mamana lava le fesoasoani ia te au ina ia ou talitonu i le Tama Faalelagi ma Lana fuafuaga.

Iosefa o Aikupito: Tumau i le Faatuatua ma le Faamoemoe i le Atua


Sa ave faamalosi Iosefa mai lona aiga i lona 17 tausaga ma tuuina atu faamalosi i se nuu e le masani ai ma e toalaiti i latou na tutusa

o latou talitonuga faalelotu ma ia. E ui lava i lenei tofotofoga tuga, ae sa ia tausia pea se uiga lelei ma tumau lona faamaoni i ona matai ma le Atua (tagai Kenese 37; 39–41). E ui lava i lea, na ia aafia i se tulaga le manaomia e tasi ma sosoo ai ma le isi ma faaauau ai pea mo tausaga e 13. O lona galue malosi na foliga mai na laitiit se aoga mo ia ae na faafalepupi-pupiina ai, lea na tumau ai seia oo i le 30 o ona tausaga.

Ou te mafaufau i nisi o taimi pe sa i ai ea se manatu o Iosefa ua galo ia i le Atua pe na fesiliglia e Iosefa po o le a le umi o le a i ai o ia i le falepuipui pe toe tatalaina foi o ia. Ou te mafaufau pe o miti na miti ai Iosefa i le vaega muamua o lona olaga (tagai i le Kenese 37:5–11) na tuuina atu ai ia te ia le faamoemoe mo se lumanaia manuia.

E moni, na manatua lava e le *Atua* ia Iosefa, faapei ona ia manatua Rasela, le tina o Iosefa (tagai i le Kenese 30:22). Na faamanuiaina Iosefa i le tamaoaina e oo lava i tulaga faaletonu. Nai lo le filifili e tetee, lē fiafia, pe ita i le Atua, na faatino lava e Iosefa le faatuatua maoae. O le taunuuga, sa matua faamanuiaina lava o ia.

Atonu e faaosoosoina i tatou e faitioina o tatou lava mafatiaga, ma ono faatauasoina





ai i tatou lava mai faamanuiaga ua uma ona tuuina mai e le Atua ia i tatou. Ae o le tumau ai i le faatuatua ma le faamoemoe e mafai ai ona aumaia ia faamanuiaga sili, e pei ona faia mo Iosefa. Ma e tusa lava pe le tauia lo tatou faatuatua i le ala tatou te mananao ai, ae o le faatumauina o lena faatuatua e mafai ai lava ona fesoasoani ia i tatou ia ola fiafia.

O aafiaga na oo ia Iosefa o se molimau foi lea o le tulaga maualuga o le mana ma le atamai o le Atua. Na foliga mai o taumafaiga a Iosefa mo le tele o tausaga, e le'i aoga mo ia, ae o le aao o le Atua, na tatala ai Iosefa mai le falepuipui ma faamamaluina i aao lava o Farao (tagai i le Kenese 41:41–43). Faamata na mafai ona mua'i vaaia pe na faamoemoeina e Iosefa nei ituaiga o avanoa matagofie?

O nisi taimi tatou te taumafai malosi ai e ausia se mea, ae o a tatou lava taumafaiga,

*O le faatumauina
o le faatuatua
ma le faamoemoe
e mafai ai
ona aumaia ia
faamanuiaga sili,
e pei ona faia mo
Iosefa. Ma e tusa
lava pe le tauia lo
tatou faatuatua
i le ala tatou te
mananao ai, ae o
le faatumauina o
lena faatuatua e
mafai ai lava ona
fesoasoani ia i
tatou ia ola fiafia.*

po o le a lava le tele, e le lava lea mo le galuega. Ou te iloa e mafai ona faamanuiaina i tatou e le Tama Faalelagi i faamanuiaga silisili nai lo faamanuiaga ia na tatou faamoemoe i ai muamua ona o lo tatou faatuatua ma le usiusitai. Ou te talitonu afai e lelei o'u uiga ma faia le mea sili i tulaga faigata, e pei ona faia e Iosefa, o le a oo mai le taimi —o le taimi o le Alii—O le a Ia “[to ese] le ofu i lona aoao paia” (Isaia 52:10). O le a le faia fua la'u galuega. O *le a Ia* manatuaina i tatou; o le mea moni lava, Na te silafia pea lava ma o loo i ai mea lelei mo i tatou tai-toatasip e a tatou tumau ai faamaoni.

Aperaamo: Alofa i le Atua nai lo Se Isi Lava Mea

I se taimi ua tuanai na faamutaina ai se mafutaga o tafaoga faamasani ma se tasi na sili ona ou alofa i ai. I lo'u popole ai i lo'u le faaipoipo, sa ou le iloa pe ou te toe mauaina se isi tagata e tali tutusa o ma uiga.

E le'i umi talu mai lena taimi, ae faamutina mai ia te a'u le tala ia Aperaamo lea sa poloaiina e osi le taulaga ia Isaako (tagai i le Kenese 22:1–14). Na ou iloa ai sa talosagaina uma i maua e faamatuu atu se tasi na ma alolofa i ai. Ioe, e le taitai ona faatusalia lo'u aafiaga ia Aperaamo, ae na ou iloaina o lona aafiaga na aoao mai ai ni mamanu e mafai ona ou mulimuli ai.

Sa umi lava se taimi na faatalitali ai Aperaamo mo se atalii e fanau mai ia te ia ma Sarai. O le fanau mai o Isaako sa avea o se vavega, ma sa tauina atu ia Aperaamo, “E valaaunia lau fanau ia Isaako” (Eperu 11:18). Peitai na poloai le Alii ia Aperaamo e osi le taulaga ia Isaako. E faapefea la ona “valaaunia” fanau a Aperaamo ia Isaako pe afai e osi ia Isaako le taulaga?

O le iloaina o lena mea—ae le o le auala moni *lea*—o le a tausia ai e le Atua Ana folafolaga, na usitai lava Aperaamo. Na maoae lona alofa mo lona atalii, ae o lana tali atu na faafalia ai le sili atu o lona alofa i le Alii nai lo se isi lava mea. Ua talosagaina lo tatou faatinoina



o lea lava tulaga e tasi (tagai i le MFF 101:4–5), ma e tatou te maua foi le folafolaga o le taui sili pe a tatou tumau ai faamaoni (tagai i le Mataio 24:13). Ina ua faamutaina le ma mafutaga, sa faigata ona agai i luma. O le mauaina o le folafolaga faapea o le a ou faaipoipo, sa foliga mai o le agai pea i luma ua le ogatusa ma le faataunuina o lena folafolaga. Ae na aumaia ia te a'u e le folafolaga le faamoemoe, lea sa fesoasoani ia te a'u e toe taumafai ma faaali atu ai i le Tama Faalelagi lo'u alofa ia te Ia e silisili nai lo se isi lava mea.

O le faatuatua o Aperaamo na tauia e le gata i le ola o lona atalii ae faapena foi i fanau e le mafaitaulia i le lumanai ma isi faamanuiaga (tagai i le Kenese 22:15–18). O le a tauia foi i tatou i le faia o osigataulaga e poloaiina ai i tatou e le Atua ma le faatinoina o lo tatou alofa mo Ia. O le uiga tonu lena o le tofotofina o lo tatou faatuatua.

*O le iloaina o
le a tausia lava
e le Atua Ana
folafolaga, o lea
na usiusitai ai
Aperaamo. Na
maoae lona alofa
mo lona atalii, ae
o lana tali atu na
faaalia ai le sili
atu o lona alofa i
le Alii nai lo se isi
lava mea.*

Sakaria: Talitonu e Moni Folafolaga a le Atua

O nisi o taimi tatou te le iloa pe faapefea ae pe mafai foi ona faataunuina ia folafolaga e tuuina mai e le Alii ia i tatou—e pei o le folafolaga lea afai tatou te mananao i ai ma tumau faamaoni, o le a faamanuiaina i tatou i se faaipoipoga e faavavau. Na aoao mai Peresitene Dieter F. Uchtdorf, le Fesoasoani Lua i le Au Peresitene Sili e uiga i lenei faaupuga feteenai, “E ono i ai ni taimi e tatau ona tatou faia ai se faaiuga lototele ia faamoemoe e ui lava o mea uma o loo siomia ai i tatou e feteenai ma lo [tatou] faamoemoe.”¹

Na faatalitali ma tatalo ma le faatuatua Sakaria ma lana ava o Elisapeta mo se tamaititi i lo laua olaga atoa. Mulimuli ane, na folafola ia Sakaria e se agelu o le a fanau mai e lona toalua ua matua se tamaititi o lē o le a saunia le ala mo le Faaola. Oka le maoae o le faamanuiaga na faigata ai ona malamalama ia Sakaria. E ui ina sa folafola mai e se agelu, ae na fesili Sakaria faapea, “Pe faapefea ona ou iloa le mea nei?” (Luka 1:18).

Faapei foi o Sakaria, atonu ua tatou masani i lagona o le le faamalieina i o tatou manaoga —pe ona o le maoae o faamanuiaga ua folafola mai—ua tatou le manatua ai “e mafaia mea uma e le Atua” (Mataio 19:26). Ua faamanatu mai ia te a'u e le aafiaga na oo ia Sakaria o folafolaga silisili a le Tama Faalelagi, e moni ma e Na te tausia lava.

E le na o tala e uiga ia Iosefa, Aperaamo ma Sakaria lea ua faamalosia ai lo'u faatuatua ma aumaia le faamoemoe ia te a'u. E tele le aofai o tala faatusipaia e uiga i le faatuatua o tagata ua faamanatu mai ai ia te au ia i ai le faatuatua i mea ua folafola mai e le Alii *ia te a'u*. E tau leai se mataupu o tusitusiga paia ou te faitauina i nei aso e aunoa ma se faamanatu mai e tausia lava e le Alii Ana folafolaga. E aumaia ia te a'u e lenei malamalamaaga le faamoemoega sili mo le lumanai. ■

FAAMATALAGA

1. Dieter F. Uchtdorf, “O Le Mana e Le I'u o le Faamoemoe,” *Liahona*, Nov. 2008, 21.

Mai le Talitonu i le ILOA

Saunia e Chiao-yi Lin

Sa ou feiloai muamua i faifeautalai o le Au Paia o Aso e Gata Ai i se fale faatali nofoaafi i le 19 o o'u tausaga. Sa ou iloa lava sa i ai se mea faapitoa e uiga i nei tamaitai talavou, ma sa ou lagonaina se uunaiga e talanoa ia i laua. O lea na ou alu atu ai ma fesili po o a la mea sa fai i Taiuani. Sa la fai mai o i laua o faifeautalai ma amata loa ona talanoa mai e uiga i le talalelei. A o faagaso nisi o a matou feiloaiga, sa ou aoao ai a Iesu Keriso, Lana talalelei toe-fuataiina, ma le Tusi a Mamona. O le autu mulimuli o nei ao-aoga—o le Tusi a Mamona—na mafua ai ona ou auai i le Ekalesia.

E mafai ona ou manatua pea le mea na ou oo i ai ina ua ou tatalo e uiga i le tusi. Ina ua uma sa'u faitauga o le tusi i se tasi po, sa ou tapunia le tusi, tootuli, ma ole atu i lo'u Tama Faalelagi pe moni. Sa ou lagonaina le siomia o a'u e se palanikeke mafanafana, o se mea ou te le'i lagonaina i malumalu a le lotu Puta lea sa ou auai atu i ai i lo'u olaga atoa. Sa ese lava lenei lagona. Sa ou iloa sa i ai se tagata sa faafogoa mai. O lena taimi sa suia ai a'u mai le talitonu e moni



*O le
talitonu
e moni
le Tusi a
Mamona
ua na o le
amataga
lea.*

le Ekalesia i le iloaina e moni, ma filifili ai loa ou te papatiso.

O loo faaaauau pea ona faamanuiaina e le Tusi a Mamona lo'u olaga talu mai lena taimi. Sa faamanuiaina ai au a o avea o se faifeautalai.

O loo faamanuiaina ai foi au i o'u valaauga. A o ou fai-aoga i le inisitituti, sa ou iloa ai o le Tusi a Mamona sa tusia mo o tatou vaitaimi.¹ Ae a o sauni-uni a'u lesona, sa ou iloa ai, o lena faamatalaga e le gata ina moni i lona tulaga faalauaitele, ae e moni foi mo tagata faapitoa i tulaga faapitoa i taimi faapitoa. Mo se faataitaiga, o nisi taimi a o ou sauni e aoao atu, e oo mai i lo'u mafaufau foliga o se tasi o tamaiti sa ou faiaoga ai, ma ou iloa ai se mea e faapitoa e tatau ona ou aoao atu mo le manuia o lena tagata. E masani ona oo mai ia te au ituiga uunaiga faapena ma e faamautuina pe a talanoa mai se tamaitiiti aoga ia te au pe a uma le vasega e faailoa mai o le lesona o le mea tonu lava lea sa ia manaomia.

Ma le mea mulimuli, ma atonu foi o le vaega aupito taua lea, o le Tusi a Mamona ua taialaina lo'u olaga patino.

Ou te manatua lou liliu atu i tusitusiga paia a o ou sauni e faamuta se mafutaga o se tafoga faamasani. Sa matuoi ou lagonaina le ita. Ae o se fuaiunu sa ou faitau ai i le, 2 Nifae 10:20, sa tautala sao mai lava i lo'u loto ma na aumai ai ia te au se lagona toamalie: “O lenei foi, ou uso pele e, ina ua foaiina mai e lo tatou Atua finagalo alofa, le malamalamā e faapea ona tele e uiga i nei mea, ia tatou manatua o ia ma tuu ese a tatou agasala, ae le punonou o tatou ulu, aua ua le tuulafoaiina i tatou; a e ui i lea, ua tulia i tatou nai le nuu o tatou tofi; a e peitai, ua taitaiina i tatou i le isi nuu e sili, aua ua faia e le Atua le sami mo tatou ala, ma ua i ai i tatou i le motu i le moana.”

O le manatua o le Alii, e pei ona fautuaina mai e lena fuaiunu, na aumai ai ia te au le lototeli ma le faamoemoe. E mafai ona ou faalagolago i le “malamalamā e faapea ona tele” o le talalelei ua tuuina mai e le Atua ia te a'u, ma e mafai ona ou mautinoa sa le “tuulafoaiina” au. Sa i ai mea lelei i luma atu.

Sa avea o se faamanuiaga maoae le talitonu i upu a faifeautalai a o ou sailiili i le Ekalesia. Ae e sili atu le maoae o le iloaina o le moni o le talalelei, ae maise lava o le mana o le Tusi a Mamona, ia te au lava ia. Ua ou iloa o loo soifua le Atua ma e aoao tuusa'o mai ma patino o Ia ia i tatou e ala i tusitusiga paia. ■

FAAMATALAGA

1. Tagai Ezra Taft Benson, “O Le Tusi a Mamona o le Afioaga a le Atua,” *Liahona*, Me 1988, 2.

Tuusao i le Mataupu

Aisea e tatau ai ona **Ou tatalo na o a'u lava ae ua uma ona matou tatalo ma lo'u aiga?**

Mafaufau e faapea o loo me tauivi ma se faafitauli e patino ia te oe lava. Pe le afaina ia te oe le faasoa atu o lou faafitauli i se vaega o tagata, pe e te manao e faailoa atu i se tagata se toatasi ma le lē faalauaiteleina?

Na aoao mai Peresitene Spencer W. Kimball (1895–1985): “O lenei o mea e sili atu ona tatou tatalo ai na o i tatou lava, pe a tatou le manatu i le taimi, po o le le faalauaiteleina e sili ona ttau ma aoga.



“Ia e tatalo ma le leo, faapea foi i lou loto; ioe, i luma o le lalolagi, faapea foi i le mea lilo, i luma o tagata faapea foi i le na o oe” (MFF 19:28).

O lo tatou tatalo taitoatasi e fesoasoani lena ia i tatou e aveese ai lo tatou maasiasi po o a tatou faaiuga sese, po o a tatou togafiti; o le a fesoasoani foi lea i le tatalaina o o tatou loto ma faaatoatoaina ai lo tatou faamaoni ma le faaaloalo e faaali atu ai o tatou faamoemoega ma o tatou manaoga.”¹ O mea tatou te matamumuli e ta'u ia tatou tatalo faaleaiga e mafai—ma e tele lava ina tatau ona—ta'u atu i tatalo lilo.

O a tatou tatalo faaletagata lava ia e mafai ai ona tatou matuui faamaoni i lo tatou Tama Faalelagi agalelei ma talanoaina o tatou atuatuvalega ma faanau-nauga loloto o o tatou loto. Sa maua e Iosefa Samita le faaaliga

E matamata lo matou aiga i ata tifaga e fautuaina mo tagata ua lava le matutua. E taua le faaaluina faatasi o le taimi ma i latou, e faapefea la ona ou faamalamalama atu i ai le mafuaaga ou te le matamata ai i na ata tifaga?

Ole filifili o le mea sao ma lou aiga e talitutusa lava le faigata ma au uo—o nisi taimi foi e faigata atu ai. O le mea e lelei ai e te le o manao e fetuunai ou tulaga faatonuina. E ui lava atonu e le i oo i ai i le taimi nei, ae o le faamuamua o le Atua i lou olaga o le a faamanuiaina ai lou aiga ma mafai ai ona fai oe ma faataitaiga ia i latou. Ae o loo

avea lava i latou ma ou aiga, ma e taua foi le faaalu faatasi o le taimi ma i latou. E mafai ona e fautuaina atu isi ata tifaga e te iloa e faagaeetia loto po o isi gaoioiga e pei o ni taaloga po o ni savaliga sopo.

E taua le faailoa atu i lou aiga o ou tulaga faatonuina i se auala faamaoni ma le lotomaulalo. Ia talanoa sao ma i latou i le pogiaua e filifili ai e te le matamata i nisi ituaiga ata tifaga. Tatalo ina

lea na amataina ai le Toefuataiga o le talalelei a Iesu Keriso ina ua tatalo faalilolilo o ia. O le talanoa atu i le Tama Faalelagi na o oe lava ma ia e mafai ai atili ai e i tatou ona gauai atu i musumusuga a le Agaga ua faamoemoe mo lo tatou lelei.

E ui i lea, e matuai taua lava foi tatalo faaleaiga—e mafai ai ona tatou faalatalata atu i lo tatou Tama oi le Lagi ma maua ni aa-fiaga faaleagaga ma o tatou aiga. E pei ona aoao mai Peresitene Kimball, “Ua uunaia e le Ekalesia ia faia ni tatalo faaleaiga i po uma ma taeao uma.”² ■

FAAMATALAGA

1. Spencer W. Kimball, “Tatalo E Le Aunoa,” *Liahona*, Mat. 1982, 2.
2. Spencer W. Kimball, “Tatalo,” *New Era*, Mat. 1978, 15.

ia e maua le malosi e talanoa atu ai ia i latou e uiga i lenei mea, ma ia i ai se agaga o le loto malamalamala. E faamoemoe lava, o le a faaaloalo lou aiga ia te oe i lenei mea, ma o le a e fesoasoani e faatumauina le Agaga i lou loto a’o e taumamao mai ata ma faasalalauga leaga. ■



O loo faigata lava i lo’u uso ona filifili pe moni le Ekalesia. E faapefea ona ou fesoasoani atu ia te ia? ↗

Ia e lagolago atu ia te ia; e manaomia ona ia lagonaina le alofa—ae le o le faamalosi—e lona aiga. Mafaufau e fesili atu ia te ia po o a ona popolega ma masalosaloga. Tuu atu ia te ia e ta’u uma atu ia te oe ona popolega ae e te lei tali atu i ai. Atonu o ona popolega o ni popolega i le va ma isi pe patino foi, ae le faatatau i le faatuatuaga. Atonu e le mafai ona e tuuina atu ni tali uma o loo ia sailia, ae e mafai ona e faamautinoa atu ia te ia e mafai ona maua ni tali.

Fai atu i ai e te lua tatalo faatasi e uiga i ona popolega ma faamalosiau atu i ai e tatalo foi ia lava e uiga i ai. Ia nofouta i le mea moni e faapea, o nisi tagata e umi atu ona faatoa maua lea o tali o a latou tatalo nai lo isi, ae maise lava pe afai e moomia ona faatulaga nisi o vaega o o latou lava olaga. E mafai ona oulua faitau faatasi e uiga i le tatalo ma le mauaina o se molimau mai le Alema 32, 3 Nifae 17, po o le Moronae 10. Ma le isi foi, e mafai ona e fautuaina o ia e talanoa i ona matua, ma lou epikopo po o le peresitene o le paranesi, pe ma isi tagata faamoni o le Ekalesia o e sa galulue foi i ni popolega faapena.

A uunaia ai, ia e molimau atu ia te ia. Faailoa atu i ai ou



lagona e uiga i le talalelei.

Ma le vaega mulimuli, ia manatua o le Agaga e molimau mai i le mea moni. Ina ia maua se molimau pe ia iloa foi ua i ai sana molimau, e ao lava i lou uso ona aoao ia iloa le Agaga Paia. O lenei mea e ono tele se taimi e moomia ai, ma e le mafai ona fai faamalosia. E mafai ona e ta’u atu ia te ia ni mea moni i le aso atoa, ae ua na o se fesootaiga anoa lava ma le Agaga e mafai ai ona ia maua se molimau.

Tatalo mo ia ma faamalosiau atu ia te ia, lagolago o ia ma faalogo atu ia te ia, ae ia manatua ua saoloto o ia e filifili. O le a sili atu ona poto lana filifiliga pe a mulimuli i le taitaiga a le Agaga. ■

**la fesoasoani
atu i e pele ia te
oe ia maua se
molimau e ala
i le faitau mai
tusitusiga paia
ma aoao i latou
i le ala e iloa ai
le molimau a le
Agaga Paia.**

I-meli mai au fesili i le liahona@ldschurch.org, ma le "Tuusao i le Mataupu" i le laina o le autu.

I LE FAATASI AI O AGELU

Ina ua vaetofia au e avea ma se faifeautalai, sa tuuina mai e lo'u peresitene o le siteki se folafolaga ia te au e faapea, e i ai taimi o le a ou lagonaina ai le faatasi mai o agelu ma o le a latou puipuia au.

Saunia e Samuel Gould

Le 2003 sa valaauna ai au ou te auauna atu faamisiona i Ivory Coast, i Aferika i sisifo. A o ou sailiili i ai, sa ou iloa ai sa foliga mai na aafia le atunu i se taua faifai pea faaleatunu, ae sa faamafanafanaina au i le iloa sa i ai se maliega sa faia e taofi le fevataua'i. Sa oo mai se isi faamafanafanaga atili ina ua vaetofia au. Sa tuuina mai e le peresitene o le siteki ia te au se folafolaga e faapea, a o ou auauna atu, o le a i ai taimi ou te lagonaina ai le faatasi mai o agelu ma o le a latou puipuia au. Sa folafola mai foi ia te au afai ou te usiusitai, o le a ou toe foi saogalemu mai i lo'u aiga.

I uluui masina o la'u misiona, sa fautuaina ai i matou e le peresitene o le misiona ina ia matou nofo saunia. I lo ma fale mautotogi i le laumua o Abidjan, sa ma teuina ai se sapalai o meaai ma vaiinu e faaaoga i ni aso se tolu, ma o fonotaga matou te maua mai ai ni aoaoga i mea matou te faia pe afai e alia'e mai se taua.

Ae, sa matou popole lava ina ua soli e tagata tetee le maliega i le aso 4 o Novema, 2004. Sa faataatia mai e o matou taitai se taimi faatulagaina o le 6:00 i le afiafi e faagata ai ona toe feoai. I le ma asiasiga faatulagaina mulimuli mo le ma lesona i le aso na sosoo ai, sa ma faalogoina ai se pa

faafuasei. Sa faauma ai lava i le tatalo i le taimi lena le lesona, tuu atu i le aiga se mataupu mai le Tusi a Mamona e faitau ai, ae ma faataalise atu i le fale. E lei leva foi ae taunu mai le isi soa matou te nonofo faatasi. Sa telefoni mai fesoasoani o le peresitene ma fai mai ia aua nei o matou toe o ese mai o matou fale e tusa lava po o le a se tulaga e i ai—ia aua nei o matou o ese atu mo le lotu po o le aumaia foi o ni meaai. Sa matou iloa sa fasiotia ni tagata Farani faatupu filemu i ni osofaiga a vaalele, o lea sa osofaia ai e Farani le malaevaalele a le militeli, ma matuai faaleagaina ai le ea fosi laitiiti a Ivory. I le tali atu i ai, sa tulai mai ai ni fetauiga tetele i totonus o le laumua.

E faitau afe ma afe tagata tetee sa lolofi atu i magaala, ma faalala atu sapelu, ma osofaia faleoloa o tagata Farani, ma o atu faamalosi i totonus o fale sa latou masalomia sa nonofo ai tagata Farani. Sa matou iloa atu i lo matou faamalamana le faateteleina o fetauiga. Sa matou iloa sa lamatia o matou ola ona o le papae o o matou pa'u.

I le aoauli o le Aso Sa, aso 7 o Novema, e ui lava i leo o le feei, papa o fana, ma pomu, sa matou faia lava se sauniga faamanatuga i lo matou falemautotogi, ma sa na o le toafa lava i matou sa auai. Ina ua uma ona faamanuia ma tufa le falaoa ma le vai

mai la matou sapalai o meaai mo aso e tolu, sa taitoatasi loa i matou ma faasoa atu se mau ma tuuina atu se molimau. Sa ou faitauina le Mataupu Faavae ma Feagaiga 84:88: "Ai foi se talia outou, ou te i ai foi, aua ou te muamua atu i o outou luma. Ou te i ai foi i lo outou itu taumatau ma lo outou itu tauagavale, a o lo'u Agaga o le a i o outou loto, e siomia foi outou e a'u agelu, e lagolagoina outou." A o ou faitauina, sa ou toe mafaufau i le faamanuiaga na tuuina mai e lo'u peresitene o le siteki ia te au, ma sa ou iloaina o le a ou saogalemu.

Sa atoa le vайaso o matou nonofo i le fale. Sa asiasi mai taitai ma tagata o le uarota ma aumai a matou meaai. Sa i ai se tasi tagata o le au paia sa ia aveina a matou feau ma imeli atu i o matou aiga, e faailoa ai lo matou saogalemu i lena taimi. Sa maoae lava le fesoasoani a nei tagata o le au paia! O le taimi lea, sa tau fai tatalo ai o matou aiga ma tagata o le Ekalesia i le lalolagi atoa mo lo matou saogalemu. A o tatalo lo'u aiga, sa latou lagonaina se faamautinoaga toafimalie o le a ou le afaina.

O le Aso Faraile, 12 o Novema sa amata ai ona la'u ese i matou. Sa taitai mai matou e tagata o le Ekalesia i Ivory i auala o Abidjan, ma e ui ina sa matou faalogo i lipoti e uiga i le faamanualia o nisi o tagata



sulufai, ae sa matou taunu saogalemu lava i totonu o papuipui o le maota o le amepasa o Peretania. Sa aveese mai i matou e le vaegaau a Peretania mai le atunuu, ma sa taliina talosaga a lo'u aiga ina ua latou vaaia i tala fou le aveesea mai o ni alii faifeautalai se toalua faapea ai ma au. I le pogisa o le po, sa avatu ai e tagata o le Ekalesia ia isi faifeautalai e le o ni Aferika i le ofisa o le misiona. O iina sa aveina atu ai i latou e le ea fosi a Italia i Kana, lea sa matou toe feiloai ai.

E ui lava i le tele o osofaiga na faasaga i tagata ese i le atunuu atoa, ae sa leai se faifeautalai sa afaina ai i le taimi o fetauiga, ma sa leai foi se falemautotogi o faifeautalai sa talepeina ma osofaia faamalosi. Ona sa matou faalogo i le fautuaga a le peresitene o le misiona, sa matou saogalemu ai i le fale ina ua aliae fetauiga ma sa lava a matou sapalai sa mommia mo lo matou tausiga. Ae o le mea sa sili atu ona faamafanafanaina nai lo le puipuiga a le militeli o le iloa lea sa i ai le puipuiga a le Alii ia i matou.

Ao la'ueseina mai i matou, sa ou iloa ai o le aoauli o le Aso Sa ina ua uma le matou lotu faamanatuga, sa sauni ai ni tagata tetee e osofai lo matou falemautotogi. Sa alaga atu i ai se tasi o o matou tuaoi, "E le o i latou o ni tagata Farani!" ae sa le o ese lava. Sa iu ina alaga atu i ai se tasi tuaoi, "O i latou o faifeautalai!" ma sa taape ai loa le au faatupu vevesi. Sa ou toe manatuaina ai foi upu, "O lo'u Agaga o le a i o outou loto, e siomia foi outou e a'u agelu," ma ou iloaina ai sa ou ola i le folafolaga mai le faamaniuga a lo'u peresitene o le siteki. Sa ou vaai i le faataunuina o valoaga. ■

Faamatalaga: Ua faasolosolo manuia lava tulaga i Ivory Coast talu mai le 2004. Ua toe galulue ai nei iina ia faifeautalai e le o ni tagatanuu moni o Ivory Coast.

Autu o le Mutuale 2011

"Matou te talitonu ia faamaoni, amiotonu, nofo mama, agalelei, amio mama, ma le faia o mea lelei i tagata uma; e moni, matou te faapea atu, matou te tausisi i le apoapoaiga a Paulo—Matou te talitonu i mea uma, matou te faamoemoe i mea uma, ua uma ona matou onosai i mea e tele, ma matou te faamoemoe o le a mafai ona matou onosai i mea uma. Afai o i ai nisi mea mama, matagofie, logoleleia, ma tauleleia, matou te saili ia mea uma" (Mataupu Faavae o le Faatuatua 1:13).



O Elaine S. Dalton (ogatotonu), peresitene; Mary N. Cook (tauagavale), fesoasoani muamua; ma Ann M. Dibb (taumatau), fesoasoani lua.



O David L. Beck (ogatotonu), peresitene; Larry M. Gibson (tauagavale), fesoasoani muamua; ma Adrián Ochoa (taumatau), fesoasoani lua.

MATOU TE TALITONU!

Saunia e le Au Peresitene Aoao
o Tamaitai Talavou

Matou te talitonu o se tamaitai talavou amio mama e toatasi, e taitaiina e le Agaga, e mafai ona sua le lalolagi. I le avea ai ma se au peresitene aoao o Tamaitai Talavou, ua matou matauina ai tamaitai talavou o loo faia mea ua latou talitonu e sa'o, tu atu e fai ma molimau, ola i tulaga faatonuina o le talalelei, ma fai moni se suiga. E maofa lava i mea e mafai e se tamaitai talavou se toatasi ona ausia pe a amio mama o ia, ma faalogo i le leo itiiti ma le filemu o le Agaga Paia, ona faatino loa lea!

Ina ua tusia e Iosefa Samita le mataupu faavae o le faatuatua lona sefulutolu, sa ia faaalia mai mea uma e mafai ma e ao ona tatou sailia ma avea ai ma ni tagata talitonu. Sa silafia e Iosefa Samita e ao lava ona tatou talitonu i tulaga faatonuina ma tulaga faatauaina ma saili mo nei mea ina ia mafai ona tatou maua le mana ma le malosiaga o le Agaga Paia. Sa ia silafia e tatau ona tatou mulimuli i le Faaola i le upu ma le amio. Sa ia silafia o le faia o lenei mea o le a saunia ai i tatou ina ia agavaa mo faamanuiaga o le malumalu.

Talitonu ia te Oe Lava ia

E faapefea ona e faia lenei mea? E faapefea ona e taitaia isi e mulimili i faataitaiga a le Faaola, ola i se olaga mama, ma saunia mo le malumalu? Muamua, talitonu ia te oe lava ia! O lou lototele ma lou malosi ua fesoasoani e avea ai oe ma se taitai, ma o lau tautinoga o le a faia ai se eseeseaga atoa i le tausaga lenei. O ou manatu, taulagalaga, ma amioga e mafai ona mamanuina ai le lalolagi i le taimi nei ma le lumanai.

Ona ua e ola nei i le lalolagi o tekinolosi, ua ia te oe le tulaga e

gafatia ai ona faalilofia le lalolagi i mea e mama, matagofie, ma tauleleia. Ua i ou tumutumulima le gafatia e molimau atu ai e uiga i le talalelei a Iesu Keriso i le lalolagi atoa. E le'i i ai lava i se tupulaga muamua sea gafatia, faamanuiaga ma le avanoa.

O Mea e Tolu Faaopoopo i ai ma le Tasi—Aso Uma!

Matou te talitonu ia te outou. O le taimi lenei e tutu faatasi ai ma amata se suiga lea o le a faamamanaina ai oe ma faamanuiaina ai isi. Matou te valaaulia oe e faaauau pea ona e faia mea e tolu i aso uma taitasi—faaopoopo i ai ma le tasi.

1. Tatalo i po uma ma taeao uma.
2. Faithau i le Tusi a Mamona ia le itiiti ifo ma le lima minute i aso uma lava.
3. Ataata!
4. E le gata i lea, matou te valaaulia oe e usitai ma ola i tulaga faatonuina o loo i le Mo Le Malosi o le Autalavou. Ia faamasani i nei tulaga faatonuina. Faasoaa atu ia mea i isi. Ma ia fai ma se faaaoao o e talitonu.

Mo le tausaga lenei, ia talitonu. Talitonu o oe o se afafine o le Tama Faalelagi, o lē e alofa ia te oe ma o le a fesoasoani ia te oe. Talitonu i le Faaola o Iesu Keriso. O Ia o lou sulu. O Ia o lou faamoemoe. O Ia o lou faataitaiga ma le Togiola. Talitonu ia te oe lava ia! Talitonu i le mana o tamaitai talavou uma e ola i tulaga faatonuina. I lo tatou galulue faatasi ai e mafai ona tatou saili i na mea uma e mama, matagofie, ma tauleleia. I lo tatou galulue faatasi ai e mafai ona tatou faia se eseeseaga i lo tatou lalolagi.

Matou te talitonu o outou o le tupulaga o lo outou talitonuga ma amioga o le a suaia ai le lalolagi. Matou te talitonu ia te outou! ■

AVEA MA SE ALII FAAMAO NI O LE PERISITUA

Saunia e le Au Peresitene Aoao
o Alii Talavou

Ae e te lei faauu mai le Peraimeri, o le toatele o outou sa taulotoina le mataupu faavae o le faatuatua lona sefulutolu ma e faamoemoe lava o loo mafai pea ona outou taulotoina. O le tausaga lenei, i le avea ai ma se au peresitene matou te tuuina atu ia te oe se lu'i ia la'a i luga atu o le na o le taulotoina ae ia aoao moni i le uiga o le saunoaga a le Perofeta o Iosefa Samita ina ua ia saunoa tatou te mulimuli i le apoapoaiga a Paulo. Matou te talosagaina oe e te suesue ma le totoa i uiga taitasi o loo taua i le mataupu faavae o le faatuatua lona sefulutolu, le autu o le Mutualie o le tausaga lenei. Matou te valaaulia oe e galue i mea ua e aoaoina. Ma matou te valaaulia oe e faasoat atu i isi le olioli ua aumaia i lou olaga i le ola ai i nei tulaga faatonuina.

O lenei mamanu o le amio e tutusa lava ma le mamanu o loo e faaaogaina i le polokalama fou o le Tiute i le Atua: aoao, galue, faasoat atu. O le mulimuli ai i laasaga faigofie nei e tolu o le a fesoasoani e avea ai oe ma se alii faamaoni o le perisitua.

Fai mai se vaega o le mataupu faavae o le faatuatua lona sefulutolu,
“Matou te talitonu i le [avea] ma e faamaoni,

amiontonu, nofo mama, agalelei, [ma le] amio mama” (faamamafa faaopoopo). O le *avea* e sili atu i le na o le auala e te galue ai—o le ituaiga tagata e i ai oe. O le *avea* ma se tagata faamaoni, amiontonu, nofo mama, ma isi mea faapena, e ese ai oe mai le tele o isi alii talavou o lau tupulaga. A vaai isi tagata i uiga lelei o ia te oe, o le a latou mananao foi i na lava uiga. A o e aoao i ou tiute o le perisitua ma galue i ai, o le a suia oe. A o e alu atu e “fai mea lelei i tagata uma,” o le a e faamanuiaina ma suia olaga o tagata.

Faataitaiga Lelei

O Peni o se faataitaiga lelei lea o le fesoasoani atu i isi ma le avea ma se faamanuiaiga i o latou olaga. E vavaai o ia mo tagata e leai ni uo pe ua manatu e le taulia i latou. E sili atu ona mafaufau o ia i isi tagata nai lo o ia lava. Ina ua siitia mai Keloni i le uarota a Peni, sa faamatatalaina e Keloni lona olaga o se “mea noa ae na o le pati lava” lea sa sese le itu sa agai i ai. Sa ia lagona le gaogao ii o lona olaga. Ae ona o faataitaiga a ana uo o le Au Paia o Aso e Gata Ai ae maise lava o lana uo mamae o Peni, sa ia iloa ai sa i ai se auala e sili atu le lelei. Sa valaaulia

e Peni ia Keloni e auai atu i gaoioiga a le Ekalesia. I na gaoioiga sa matauina ai e Keloni sa i ai se mea sa ese ai alii talavou sa i ai iina. Sa manao o ia e faapei o i latou. Sa ia le mautinoa po o le a, a e sa ia iloaina sa manao i ai. Sa manao o ia e fiafia e pei o i latou.

Sa tatalo o ia i le Atua ma iloa ai e tatau ona auai o ia i le Ekalesia. Sa papatisoina e Peni lana uo mamae ina ua tai 16 o la tausaga. Fai mai Keloni e uiga i lona papatisoga, “Lea faatoa ou maua le toofilemu, ma sa ou lagonaina aao agalelei o le Faaola a o ou alu ese mai le vai. Ou te faafetai mo uo lelei o e sa ola i o latou talitonuga.

Mana o le Perisitua Arona

Fai mai le Mataupu Faavae ma Feagaiga 58:27–28 “e tatau i tagata ona galulue ma le naunautai i mea lelei,” i le faia o “mea e tele i lo latou lava lotomalie” ina ia mafai ona “faataunuina le amiontonu tele; aua o i totonu ia i latou le mana.” O loo i totonu ia te oe le mana. Ua tuuina atu ia te oe le mana o le Perisitua Arona. Matou te alolofa ia te oe, ma matou te iloa e mafai ona e faia mea e tele a o avea oe ma se alii faamaoni o le perisitua. ■

A o outou o atu ma “fai mea lelei uma,” o le a outou faamanuiaina ma suia olaga o tagata.



Mataupu Faavae o le Faatuatua 1:13

O Mataupu Faavae o le Faatuatua sa aumai i se tusi sa tusia e le Perofeta o Iosefa Samita i le 1842 i se faatonu e igoa ia John Wentworth. Sa lomia muamua i le nusipepa a le Ekalesia o le Times and Seasons i Navu ma talu mai lena taimi ua avea ai ma se vaega o tusitusiga paia a le au paia o aso e gata ai.



Matou te Talitonu

[O lenei] mataupu faavae o le faatuatua o se tasi o tautinoga faavae o lo tatou talitonuga. E tatau ona tatou saga tepea i ai. Aua, soo se taimi atonu e tofotofoina ai i tatou e faia se mea leaga, pe le faamaoni pe le mama, ona oo mai ai lea i o tatou mafaufau ma le malosi, o lenei fuaitau taiala o mataupu faavae o la tatou amio.”

Peresitene Gordon B. Hinckley (1910–2008), “Aua le Fefefe e Fai Mea Lelei” *Liahona*, Feb. 2000, 5.

Nofo Mama

“O feusuaiga faaletagata ola e le na o se mataupu faaletino. Ae o le mea moni, o le ola mama ma le faamaoni e amata i totolu o le agaga, ae le o totolu o le tino. O ni faatinoga ia o le tulaga o o tatou agaga. Afai e ogatasi o tatou agaga ma upumoni o le talalelei, tatou te mananao foi tatou te ola i ni faatulagaga maulaluga, ma o a tatou mea e fai e atagia mai ai lena naunautaiga. O lea la, o le ola mama ma le faamaoni e sili atu nai lo le lē faia o ni fesootaiga faalefeusuaiga ao lei faaipoipo, atoa ai ma le faamaoni faalefeusuai pe a mae’ ona faaipoipo. E faamatalaina ai uiga ’au’au mama o lo tatou ola faaleagaga.”

Terrance D. Olson, “Upu Moni o le Taumamaina Ataoa” *Liahona*, Oct. 1999, 31

Agalelei

O le amio mama o le ia agalelei ma lima foai, i se faaupuga—o le faia o mea lelei. I le misiona a Iesu Keriso, sa Ia “femaliuai ma agalelei, . . . aua sa ia te ia le Atua” (Galuega 10:38). A e ola i se olaga e agalelei, o le a faamlosia ma siitia oe e le Atua.

Apoapoiga a Paulo

Tagai Filipi 4:8, o se vaega o se tusi mai le Apostolo o Paulo i le Ekalesia i Filipi.



faavae o le faatuatua e sefulutolu? Ia mafaufau e tusi i lau api o talaaga ia auala ua faamanuiaina ai oe i le filifilia o ala o faasalalauga lelei.



Amiomama

“O le amiomama ‘o se mamanu o mafaufau ma amioga e faavae i tulaga faatonuina lelei ma mauluga.

(*Tala’i La’u Talalelei*, 127). E aofia ai le amio mama ma le amioatua. O le amiomama e amata atu i le loto ma le mafaufau. E faafaileleina i le aiga. O le faaopoopoga o le faitau afe o filifilia ma amioga laiti. . . . O tamaitai ma alii amio lelei ua i ai se mitamitaga faatamalii ma se malosi i totolu. E toa i latou aua ua agavaa i latou e maua ma taialaina e le Agaga Paia.”

Elaine S. Dalton, peresitene aoao o Tamaitai Talavou, “O Se Toe Foi i le Amio Lelei,” *Liahona*, Nov. 2008, 78–80.

Saili i la Mea Uma

Faitau le vaega “Faafiafiaga ma Ala o Faasalalauga” i le *Mo Le Malosi o le Autalavou* (itulau 17). Pe o ogatasi faafiafiaga o loo e filifilia ma nei tulaga faatonuina ma le mataupu

E Tatau Ona E Aveina le Vasega Seminare

O se fautuaga sa le'i mafaufauna a se uo sa fesoasoani e suaia ai lo'u olaga.

Saunia e Lisa Pace

“**L**isa, e tatau ona e aveina le vasega seminare,” o le soona fai atu lea o Ashley. Sa i o ma luma ni faavaa sa faaalia ai ni lisi o vasega e filifili ai mo le tausaga aoga o le a sosoo ai, ina ua ma amata i le aoga maualuga.

Sa ou tilotilo atu i la'u uo ma le leai o so'u mafaufau i ai, ma sa iu ina ou ataata. Sa ou le fia ta'uina ia te ia, ae o le seminare o le mea lea sa aupito mamaao ese mai lo'u mafaufau. O le taimi lena sa ou le toaga ai i le Lotu, e pei ona sa ou i ai i le tele o lo'u olaga. I le aluga o tausaga, sa itiiti so'u iloa i le talalelei ma sa leai sa'u molimau malosi i lona moni.

Ina ua tuua le aoga i lena aso ma ou alu i le fale, sa amata ona faagaeetia au i le manatu e uiga i le seminare. O Ashley ma isi au uo, sa foliga mai sa fiafia uma lava e avea ma se vaega o le seminare. Sa ou manao e fai e pei ona sa faia e au uo, e tusa pe ou te lei malamalama i le mea na latou faia pe aisea foi sa latou faia ai. Ina ua uma ona matou talanoa ma o'u matua i la'u fuafuaga ma maua mai le la faatagaga, sa ou filifili loa e ave le seminare i lo'u tausaga muamua i le aoga maualuga.

Ou te le'i iloa se aafiaga loloto o le a faia e lena gaoioiga faatauvaa i lo'u olaga. O lo'u tausaga muamua o le seminare na suaia ai lo'u olaga a o amata ona ou vaaia au lava ma isi o ni fanau a le Atua, e alofaina ma talisapaia. Sa amata ona ou alu i le



lotu i Aso Sa, e ui lava ina le malolosi lo'u aiga.

Ua uma nei la'u aoga maualuga, ae o le a ou faafetai pea lava pea mo le seminare. O lena itula i aso taitasi, sa taliina ai au tatalo ma faamalosia ai la'u molimau. O le seminare sa fesoasoani ou te sauniuni ai mo se faaipoipoga i le malumalu ma

faamalosiauina ai au e taumafai ia avea ma se tagata lelelai atu.

Ua ou iloa e popole le Atua mo i tatou uma taitoatasi. Ua ou iloa o le seminare o se faamanuiaga sa fesoasoani e fausia ai lo'u olaga i se faavae mausali ia Iesu Keriso. Ou te fautuina outou e lesitala i le seminare. O le a suaia ai foi lou olaga. ■

O Lo Tatou Avanoa

FEFE I SUIGA

Saunia e Olivia Ghakoerkhan

Sa ou ola ae o se tagata Kerisiano. E ui e le o ni tagata lolotu lo'u aiga, ae na aoao pea lava a'u e o lo'u tama e fai le mea ou te iloa e moni.

I le amataga o lou olaga talavou sa ou oo ai i le tele o tofotofoga. O le taotoga i lo'u tua, teteaga o o'u matua, ma'i o lo'u tina, ma le tausiga o lo'u uso laitiiti lea na oo ai ia te au le le fiafia ma le ulagia. I ni nai masina a o lei atoa lo'u 15 tausaga, sa ou feiloai ai i faifeautalai. Na aoao au e Elder Johnson ma Elder Chadwick e uiga i le talalelei.

Na ou faitauina le Tusi a Mamona, ae ou te le'i fia faia ni suiga ia na talosaga mai faifeautalai ou te faia. Na ou fai atu ia i laua ua tele naua nei suiga ma e toeitiiti lava ou fai i ai e tui ia au. Sa ou tilotilo i luga a o ou faia na upu ma fetaui lelei ai lava ma mata o Elder Chadwick. Na tafe ifo i lalo o lona alafau se loimata se tasi, ma sa ou matua maasiasi lava. Sa ou ta'u atu ia i laua o le a ou valaa atu i le aso e sosoo ai.

Sa ou alu i le fale mai le lotu ma faitauina faauma le



Tusi a Mamona mo le taimi muamua. Ona ou tootuli ifo lea i lalo, o se mea ou te lei faia lava muamua, ma fesili atu i le Atua pe moni. Ou te le'i fesili muamua lava i le Atua. Ina ua uma ona ou fai atu "amene", na uftia a'u i se lagona o le to'a ma le filemu. Na ou iloa sa i ai so'u Tama Faalelagi e alofa ia te au, na ou iloa e moni le Tusi a Mamona, ma na ou iloa e mafai ona ou sui.

Na ou papatiso i le sefulu aso mulimuli ane. Na o mai uma o'u matua i lo'u papatisoga. E ui ua na o au lava i lo'u aiga e auai i le ekalesia, ae ou te faatuatua o le a i ai se aso o le a latou tootutuli ai ma fesili atu i le Atua. Ua faavalu nei ona ou faitauina le Tusi a Mamona, ma e matagofie lava e pei o le taimi muamua. Ou te iloa e moni le Tusi a Mamona. E i ai le mana e sua ai tagata. ■

O LA'U MOLIMAU I LE TATALO


Otatalo e le o taimi uma e tali mai ai i le auala e te faamoemoe i ai pe faatalitali foi i ai. Mafaufau i le mea o loo e tatalo i ai ma ia e faalogologo lelei i lagona e te maua. Ia e manatua i taimi uma e alofa le Alii ia te oe ma o le a tali mai i au tatalo. Atonu ua la tali mai, ae pau le mea o lou iloaina lea o le tali.

Mary M., 17 tausaga,
Egelani



INA ia fai sou sao i lo Tatou Avanoa, i-meli mai lau tala, ata mananaia, po o se manatu faaalia i le liahona@ldschurch.org, ma ta le "Our Space" i le laina o le mataupu. Faamolemole ia aofia mai ai lou igoa, aso fanau, uarota po o le paranesi, siteki po o le itu, ma le faatagaga a matua (e talia le i-meli). E ono faapupuuina tala mo le uumi po o le manino.

E LELEI LE
TAUA



AE E SILI ATU ONA TAUA LE
LELEI

Ou te Faamoemoe Latou te Valaauna Au? i se Misiona



Saunia e Loran Cook

Atonu ua outou faalogo i le pese a le Peraimeri “Ou Te Faamoemoe Latou te Valaauna Au i se Misiona.” O loo i ai se isi pese taua a tamaiti e uiga i le faia o se misiona. Fai mai: “Ou te fia faifeautalai nei. Ou te le fia faatali sei matua.”¹ E ioe foi i ai Elder M. Russell Ballard o le Korama a Apostolo e Toasefululua. Fai mai o ia, “E tatau i tagata talavou ona vave ta’utino atu i latou lava a o laiti i le manatu o le faia o se misiona.”²

Ae peitai, o le iloaina e tatau ona e faia se misiona ma le lagonaina ua e saunia e auauna atu o ni mea eseese se lua. O fea e te amata ai? O le faamalosia o lau molimau ma le iloa o le talalelei o nisi ia o mea e lua e sili ona lelei e mafai ona e faia. O loo ta’ua i lalo ni nai auala e mafai ona e sauniuni ai e fai se misiona.

1. Faatuatua

E manaomia le faatupuina i aso taitasi o lo tatou faatuatua. Na aoao mai Iesu Keriso, “Afaí tou te faatuatua ia te au, e ia te outou le mana e fai ai mea uma e tatau ia te au” (Moronae 7:33).


- Suesue i tusitusiga paia. Latou te aoao ma molimau ia Iesu Keriso.
- Faaaoga le faatuatua e faafetaia’i ai faafitauli faaletagata lava ia. O le faatuatua ia Iesu Keriso o le a faamafanafanaina ai oe i taimi faigata ma o le a fesoasoani ia te oe i le foaina o faafitauli uma.

- Ia e matuai pulea lou tino ma lou mafafau e ala i le aoaoina o le taua o le a’oga, malosi, ma le ola maloloina.
- Ia tumau i le salamo, usitai i poloaiga, anapogi, ma tatalo e faamama lou olaga.
- Mo alii talavou, faaaoga le faatuatua ia Iesu Keriso e ala i le aoao e uiga i le perisitua ma le faataunuui o ou tiute faaleperisitua.

2. Agaga

Na aoao mai foi Elder Ballard, “E tatau i faifeautalai ona ola mama ma saunia faaleagaga.”³

- Suesue ma mulimuli i taiala o loo i le *Mo Le Malosi o le Autalavou*.
- Saili le taitaiga a le Agaga Paia e ala i le anapogi, duesue i tusitusiga paia, ma tatalo mo le taitaiga.
- Faitau e uiga i meaalofa a le Agaga i le Mataupu Faavae ma Feagaiga 46:11–26. Ia e saili ma le agaga tatalo ia iloa au meaalofa faaleagaga. Saili le fautuaga a ou matua ma taitai e fesoasoani ai ia te oe e atiina a’e au meaalofa faaleagaga.
- Fesili ifo ia te oe lava, “Pe o faagaeetia ea tusi ou te faitauina ma polokalama ma ata tifaga o le televisé ou te matamata ai?” Afaí e leai, mafafau pe mafai faapefea ona e faia ni filifiliga lelei mo faafiafiaga.
- Aoao e faalogo mo uunaiga faaleagaga.





ATA NA TUSIA E SAL VELUTO
MA TRAVIS WALTON

3. Alofa

E te manaomia le alofa, le alofa mama o Keriso, e te auauna lelei ai o se faifeautalai. O le alofa i isi e le faigofie i taimi uma. E manaomia ai le auauna atu, faatutua, le Agaga Paia, ma le lototele. Fai mai Mamona e tatau ona e tatalo ma lou malosi atoa ina ia faatumulia oe i le alofa mama o Keriso (tagai Moronae 7:48).

- Tatalo ma le lotomaualalo ma le faamaoni ia mafai ona e alofa i isi e pei o le alofa o Keriso.
- Faaali atu le alofa mo lou aiga e ala i le faia o se galuega alofa mo tagata taitoatasi o le aiga. Filifili se tagata o le aiga o loo manaomia se alofa faaopoopo po o se gauai atu i ai ma faaalu se taimi faatasi ma ia.
- Faaali atu lou alofa mo se tasi o manaomia se fesoasoani e ala i le faia o se mea lelei mo ia.

4. Auauna Atu

Sa aoao e le Tupu o Peniamina lona nuu i le taua o le auauna atu. Fai mai o ia a tatou auauna atu i isi, o lo tatou auauna atu lava lea i le Atua (tagai i le Mosaea 2:17).

- Ia fai le auauna atu ma se amio masani. E mafai ona e ofo atu e faamama ipu pe a mae'a le mea'ai o le afiafi, fesoasoani i sou tei i ana meaaoga, talanoa i se tasi o manaomia se uo, pe fesoasoani e faatumau le mama o le tou pitonuu.
- Tatalo mo le malosi ma le taitaiga e mulimuli ai i le faataitaiga a le Faaola o le auauna atu.

- Fesoasoani i lau vaega o Alii po o Tamaitai Talavou e fuafua se gaoioiga auauna atu.

5. Valaaulia

O Alema, o se tasi o faifeautalai maoae o le Tusi a Mamona, sa valaaau atu ia i latou sa le auai i le Ekalesia e “o mai ma ia papatisoina i le salamo” (Alema 5:62). E mafai ona e mulimuli i lana faataitaiga.

- Ia avea ma se uo ma se faataitaiga lelei i uo ma tagata o lou aiga e le auai i le Ekalesia.
- Saili ni avanoa e aoao ai au uo ma tuaoi e uiga i le talalelei.
- Aoao i le talalelei ma faataitai ona aoao atu i le taimi nei. Fai i le taitai misiona o lau uarota po o le paranesi mo se taitaiga pe faapefea ona aoao atu le talalelei. Afai e mafai, ia e i ai i lesona pe a aoao atu e faifeautalai faamisiona ni tagata sailili.
- Suesue faatasi ma lou aiga le *Tala'i La'u Talalelei* i le afiafi faaleiga. E mafai ona outou auauai e talanoa e uiga i lesona, aoao atu ni vaega [o lesona], ma valaaulia le tasi ma le isi e tuuina mai ni molimau i mea ua e aoaoina.

O le faia o se misiona o se sini taua e fai i le taimi nei, ma o le sauniuni i le taimi nei o le a manuia ai lou olaga i aso uma e tau atu i se misiona. E le faapea e te laitiiti mo le amataina o au sauniuniga—e te le tau faatali seia e matua. ■

FAAMATALAGA

1. “Ou Te Fia Avea Nei ma Faifeautalai,” *Tusipese a Tamaiti*, 90.
2. M. Russell Ballard, “Auala e Saunia ai e Avea ma se Faifeautalai Lelei,” *Liahona*, Mati 2007, 10.
3. M. Russell Ballard, *Liahona*, Mati 2007, 12.

Saunia e Karen A. Kimball

E faavae i se tala moni

“O Polika Iaga [sa] tuu e sau i le atoaga o taimi e galulue i le faataatiaina o faavae o le galugea tele i aso e gata ai”
(MFF 138:53).

Sa faalogologo Kathy a o faa-matalaina e le alii o Sotipela le malaga atu o tagata i le Iunaite Setete. Sa fiafia o ia i lana vasega fou o le talafaasolopito. O le suesueina o itulau o lana tusi fou o talafaasolopito, sa tau ai Kathy i se ata o Polika Iaga. Na te lei iloaina muamua le taua o Polika Iaga i le talafaasolopito o le Iunaite Setete.

Sa faauma e le alii o Sotipela lana lesona. “O le a i ai ni meaaoga e fai i le fale i aso uma lava,” o lana tala lea. “O lau meaaoga muamua e tatau ona aumai taeao.”

I le fale, sa mapuea ai Kathy a o vaavaai atu i fesili uma sa tuu mai e le alii o Sotipela.

“Sa faigata lenei aso i le aoga?” o le fesili lea a tina.

“E fai meaaoga i aso uma,” o le tala lea a Kathy. Sa ia manatua le ata o loo i lana tusi o talafaasolopito. “Tina, o loo i ai le ata o Polika Iaga i la’u tusi aoga. Aisea ua taua ai o ia i le talafaasolopito o le I.S?”

“Sa ia taitaia le malaga a le faitau afe o le Au Paia o Aso e Gata Ai i le Vanu o Sate Leki. Ona ia faatulagaina lea o i latou i nuu,” o le tala lea a Tina.



O Le Polika Iaga e Aupito Sili



"Sa tele se fuafuaga sa faia ai. O se vaega taua o le malaga a le atunuui sisifo."

O le aso na sosoo ai sa faasila-sila mai ai e le alii o Sotipela, "O le vайасо a sau o le a tatou faatinoina ai se faaaliga a le au faiat. O le a tofu outou ma se tagata o le malaga i sisifo e faatino. O le a valaaulia ai o outou matua ma isi tamaiti aoga e auai i le faaaliga."

Sa amata ona tofi mai e le alii o Sotipela ia tagata e faatinoina ma tufa mai pepa o tala. Ina ua fesili mai po o ai e manao i le vaega a Polika Iaga, sa vave le sii i luga o le lima o Kathy.

"O lau galuega e fai nanei o le amata lea ona tauloto o lau vaega," na fai mai ai Sotipela. "E tatau ona sa'o atoatoa lou taulotoina. E faa-golago i ai ou tog'i."

Sa faiat e Kathy lana vaega a o lau tuua ma lana uo o Lora le vasega. Sa oo atu se lagona le lelei ia te ia. "Ua matuai sese tele lenei mea," sa ia fai atu ai ia Lora. "Ua pei ai e le faamaoni ia Polika Iaga."

"E ese lau vaai i na mea ona o lau lotu," o le tala lea a Lora.

"E le mafai ona ou tautala i nei mea," o le tala lea a Kathy.

"E tatau ona e taulotoina ia sa'o atoatoa," o le faamanatu atu lea a Lora.

Sa tafe ifo loimata o Kathy i ona alafau a o tamoe ma oso atu i le faiatotaia i luma.

"O nisi foi meaaoga?" o le fesili lea a tina.

"E sili atu le leaga," o le tala lea a Kathy, ma tuu atu i ai le pepa o le tala. "Faitau i ai."

Sa faiat e Tina le faamatalaga ma lulu lona ulu. "Sa le tele se mea na iloa e lenei tusitala e uiga ia Polika Iaga."

"O le a se mea e tatau ona ou faia?" o le tala lea a Kathy.

"Ta o muamua e sue sou ofu faa-Polika Iaga," o le tala lea a Tina.

Sa faataitai e Kathy le ofutete uliuli umi o Tamamatua ma afe i luga lima o le ofutino paepae o lona tuagane. Sa faataitai e lo latou tuaoi o Kalani ia Kathy le savali i le isi ona tootoo laau.

Sa maua e Tina se pulou umi lanuuliuli i se kapoti ma tuu i le ulu o Kathy. "O le a mitamita Polika Iaga ia te oe," o le tala lea a Tina. "E te manaomia se pepa fou o le tala."

Sa sue e Kathy faamatalaga e uiga ia Polika Iaga i tusi o talafaasolopito o le Ekalesia ma luga o le Uepi saite a le Ekalesia. E lei umi ae toe tusia uma loa le faamatalaga.

"O le tala moni ia Polika Iaga," na fai mai ai Kathy.

I le aso o le faaaliga, sa faapotopo ai le vasega a Kathy i le fale tele o le aoga. Sa faatalitali matua

ma isi tamaiti aoga i o latou nofoa. Sa faalauiloa mai e le alii o Sotipela le polokalama; ona aluese mai lea mai le tulaga a o tauloto e tamaiti a latou vaega.

Sa lelei atoatoa le taulotina o faamatalaga a Aleki, ae o Randall sa fesasisasia'i ana upu. Sa toe faatonuina o ia e le alii o Sotipela e toe amata. Sa oomi e Kathy lona tootoo. Ina ua oo i lona taimi, sa tauloto e Kathy le tala moni e uiga ia Polika Iaga.

"Na e toe sua lau pepa?" o le fesili lea a Lora ina ua uma le faaaliga.

"Ioe. Sa ou faamatalaina le mea moni," o le tala lea a Kathy.

"Lele ua sau Sotipela," o le tala lea a Lora.

"Malo lava tamaitai," sa fai mai ai le alii o Sotipela. "Kathy, sa ia faaauau ai, "o oe lava le Polika Iaga e aupito sili ua ou vaai i ai." ■



O Polika laga . . . na galue e tua ai ma matapu faavae tonu, ma sa avea o ia ma se tufugaaao maoae i aao o le Alii."

Elder David A. Bednar o le Korama a Aposetolo e Toasefululua, "E Leai Foi se Mea e Tausuai ai i Latou" *Liahona*, Nov. 2006, 90.

E faapefea ona ou fausia se faavae faaleagaga?



Ua faasoa mai e Elder Neil L. Andersen o le Korama a Apostolo e Toasefululua nisi o ona manatu e uiga i lenei mataupu.



1. E tatau ona tatou suesue i tusitusiga paia. Ua tuuina mai e le Alii ia i tatou nei tusi matagofie e simā ai lo tatou faavae.

2. E tatau ona tatou tatalo.
Aua le taavale atu i lou moega i le po ae le tootuli muamua i luma o lou Tama, e faailoa atu lou agaga faafetai mo mea ua e maua, ma talosagaina o la e faamalosia ou faavae faaleagaga.

3. E tatau ona tatou tapuai.
O loo i ai le mana i sauniga o le talalelei, i le fetagofi atu i le faamanatuga i vaiaso uma lava. E i ai le mana i le feiloai faatasi i a tatou sauniga Lotu ma le mea pito i sili ona taua o le tapuai lea i o tatou aiga.

4. E tatau ona tatou nau-nau e mulimuli ia lesu Keriso e ala i le feau-aunaai le tasi i le isi. E le tatau ona tatou manatu faapito ae faaaoga i o tatou olaga ia uiga sa aoao mai e Keriso ia i tatou.

O La Tatou Itulau



O u te faafetai lava ona sa ou fanau mai i se aiga ua iloa le talalelei moni a lesu Keriso. O lo'u aso fanau e valu i ai ou tausaga, sa pau i le Aso Sa o le Eseta, ma sa ou lagonaina le fiafia tele e papatiso i le aso tatou te faamanatuina ai le Toetu o le Faaola. Sa fai si o'u fefe, ae sa i ai iina lo'u tama, ma sa ou iloaina e mafai ona ou talitonuina o ia. I le taimi o le papatisoga sa ou maua se lagona mafanafana, ma le fiafia i lo'u loto, ma sa ou iloa ai e mafai ona ou talitonuina le Tama Faalelagi e pei lava ona ou talitonuina lo'u tama.

O lenei la ua 11 o'u tausaga, ma ua ou sauniuni ou te alu i le malumalu e papatiso mo e ua maliliu. Ua ou iloa e na o le papatisoga lava e mafai ai ona tatou toe foi atu i lo tatou Tama Faalelagi.

Mirjam S., 11 tausaga, Suitiselani



Jerry L., 9 tausaga, Filipaina



"Afiafi Faale-aiga," na saunia e Nicolas M., 6 tausaga, Pasila



O Sakura O., e 8 tau-saga, maiapani, sa papatiso talu ai nei lava. Na te faiataina le Tusi a Mamona i aso uma. E fiafia o ia e alu i le lotu, fiafia e taalo, ma fiafia e vaai i le malumalu. E manao o ia e mulimuli ia lesu Keriso ma e taumafai malosi e fai filifiliga lelei.



O tamaiti o le Paranesi a Primero de Mayo, Itu o Bermejo Polivia, ina ua uma ona latou faatinoina la latou polokalama o le sauniga faamanatuga.

○ Tusitusiga Paia ○ Afioga ia a le Atua

**Saunia e JoAnn Child ma
Cristina Franco**

“Fiafia i le afioga a Keriso; aua faauia, e faaalia mai ia te outou i le afioga a Keriso mea uma tou te faia” (2 Nifae 32:3).


Ile Tusi a Mamona, o loo faamatala atu ai e Liae i lona aiga lana miti, i le laau o le ola. I le miti, sa manao Liae e aai lona aiga i le fua o le laau, lea sa “manao-mia ua sili i fua uma” (1 Nifae 8:15). Sa ia vaia ni tagata e toatele o ui atu i le ala e tau atu i le laau o le ola, ae peitai, sa leiloloa nisi i le ao pogisa ma se ese ai mai le ala. O isi sa pipiimau pea i le ai uamea lea sa i ai i le ala e tau atu i le laau. Sa latou savavali i luma, ma pipiimau i le ai uamea seia oo ina latou taunu atu i le laau ma aai i ona fua, lea sa aumaia ai ia i latou le olioli. (Tagai 1 Nifae 8.)

Sa tatalo Nifae le atalii o Liae ia iloa le uiga o mea

sa vaiai e lona tama. Sa faaali mai ia Nifae lea lava faaaliga e tasi e pei ona sa faaalia i lona tama. Sa aoaoina e le Agaga ia Nifae e faapea, o le laau o le ola ua faatusa i le alofa o le Atua. Sa faaalia foi ia Nifae ia Iesu Keriso, le Alo o le Atua, o aoao atu ma faamanuia i tagata i luga o le

fogaeleele. Sa aoaoina foi Nifae o le ai uamea ua faatusa i le afioga a le Atua. (Tagai i le 1 Nifae 11.)

O tusitusiga paia o afioga ia a le Atua. O le faitauina o tusitusiga paia e pei lava o le pipiimau i le ai uamea. O le a tatou iloa le mea e finagalo Iesu tatou te faia ma tau-tatala atu ai. O le a tatou maua le mana e tetee ai i faaosoosoga ma tatou savavali atu ai i le laau o le ola ma lagona ai le alofa o le Atua. ■




GAOIOIGA

Sue le mau o loo i le itulau e 65 Se iloa ai le uiga o mea na vaia e Liae ma Nifae i a laua faaaliga i le laau o le ola. Ooti ese ma faaaoga ia ata e faasoa atu ai i isi mea ua e aoaoina. E mafai foi ona e fesili i ou matua pe mafai ona e faamatala atu le tala i le afiafi faaleaiga.



Sarai, Sama, ma Nifae
1 Nifae 8:13-14



Fale Tele ma le Vateatea
1 Nifae 11:35-36




Laau o le Ola
1 Nifae 11:21-22



Puao o le Pogisa
1 Nifae 12:17



Fanua Tele ma le Lautele
1 Nifae 8:20



Ai Uamea
(1 Nifae 11:25)



IESU a o avea ma se Tamaitiiti

Saunia e Diane L. Mangum

Sa sii e Maria le pepe o Iesu a o savali atu o ia i totonu o le **malumalu** pisi i Ierusalem. Sa o mai i laua ma Iosefa mai Peteleema e tuuina atu se **taulaga** o lupe e lua i le malumalu. Sa toeitiiti ono vайaso le matua o Iesu.

Sa i ai i le malumalu se toeaina e igoa ia Simeona. Sa folafola atu ia te ia o le a i ai se aso e vaai ai i le Faaola. “Ua iloa e ia i le Agaga Paia, e le oo ia te ia le oti seia muai iloa atu le Keriso o le Alii” (Luka 2:26). Ina ua ia vaai i le pepe o Iesu, sa olioli Simeona aua sa ia iloa ua faataunuina le folafolaga. Ona molimau fiafia atu lea o se fafine e igoa ia Ana sa auauna atu i le malumalu e faapea o Iesu o le Faaola.

Ae e le o tagata uma sa fiafia i le fanau mai o le Faaola. Sa faalogo le Tupu o Herota ua fanau se tamaitiiti o le a fai ma tupu o tagata Iutaia. Sa le manao Herota i nisi lava tupu i lona nuu. O lea sa ia poloai ai ina ia fasiotia uma pepe sa fananau



latalata atu i Peteleema i le lua tausaga talu ai.

Sa oo mai se agelu i se miti ia Iosefa e lapatai o ia e uiga i le fuafuaga a Herota. Sa sosola Iosefa ma Maria i le po. Sa la o ma ave Iesu e nofo i le nuu o Aikupito, lea o le a saogalemu ai o Ia.

Ina ua oti le Tupu o Herota, sa malaga atu le aiga o Iesu i le aai o Nasareta. Sa galue ai Iosefa o se kamuta. Sa vaai e Maria le aiga.

Sa aoao Iesu e galue i tafatafa o Iosefa. E pei foi o tamaiti uma o sa Iuta, sa Ia aoaoina tusitusiga paia ma tulafono a sa Iuta. Sa usiusitai Iosefa ma Maria i poloaiga, ma sa aoao mai Iesu i Ona matua faalelolagi. Ua “tupu [Iesu], ma ua malosi lona loto, ua tumu i le poto: ua ia te ia foi le alofa o le Atua” (Luka 2:40).

Ina ua 12 tausaga o Iesu, sa ave o Ia e Maria ma Iosefa i Ierusalem e faamanatu ai le **Paseka**. Sa latou malaga faatasi ma le toatele o isi tagata. Sa savavali

O lenei tala
e maula i le
Mataio 2;
Mareko 6:3;
Luka 2:21–52.

Malumalu i Ierusalem—O le malumalu lenei sa ese mai i malumalu i aso nei. Sa matuai tele lava, ma o ona fanua ma faapaologa sa faatumulia i tagata. Sa aumai e tagata ia manu vaefa i le malumalu e osi ai e ositaulaga ia taulaga.

Taulaga—A o tau-lagaina e ositaulaga ia manu vaefa i luga o se fatafafaitaulaga, sa aoaoina ai tagata e faapea, e i ai se aso e taulagaina ai e le Tama Faalelagi ia Lona Alo, o Iesu Keriso, o lē o le a maliu mo a tatou agasala.



ia tamaitai ma alii i ni vaega eseese, ma sa faatasiasi aiga i afiafi taitasi e aai faatasi a o latou tolauapi i le ala.

Ina ua uma le sauniga faamanatu sa amata loa ona toe foi atu Iosefa ma Maria i lo latou aiga. O le po lena sa la iloaina ai sa lei sau Iesu i se vaega sa latou malaga faatasi mai. Sa la toe faanatinati atu i Ierusalem e sue mai o Ia. Ina ua mavae aso e tolu, sa la maua atu Iesu i totonu o le malumalu. Sa talanoa

o Ia i faiaoga ma tali a latou fesili. Sa matuai ofo tagata na i ai i le malumalu.

Sa ta'u atu e Maria ia Iesu, sa matuai popole i laua ma Iosefa. Sa faamanatu atu e Iesu ia te ia sa tatau ona Ia faia le galuega a Lona Tama Faalelagi. E ui lava ina sa laitiiti o Ia, ae sa silafia e Iesu sa i ai se galuega taua e tatau ona fai o se vaega o le fuafuaga a Lona Tama Faalelagi. ■

Paseka—O lenei aso malolo faapitao faamanatuita ai le taimi sa fesoasoani ai leova ia lutaia e sosola ese mai le nofopologa i Aikupito, e tusa ma le 1,400 tausaga a o lei fanau mai lesu.



O Fea Isapela?

Saunia e Susan Denney

E faavae i se tala moni

"Sa mananao ia papatisoina i latou e fai ma faailoga ma molimau ua latou loto ina auauna atu i le Atua ma o latou loto atoa"
(Mosaea 21:35).

O le fiafia tele o Isapela na toetoe ai ina osooso a o la savavali atu ma lona tamā i le faapaologa o le falelotu. Faatoa maea ona seluina e lona tina lona lauulu uliuli ma toso i luga le sipi o le ofu paepae umi o le a ofuina e Isapela mo lona papatisoga. Sa tu o ia i fafo o le potu o loo faatalitali ai tagata uma.

"E mafai ona ave e soo se tagata se kopi o tusi la?" o lana fesili lea i lona tamā ma tusi atu i kopi o le Tusi a Mamona sa i luga o se tama'i laulau.

"Ioe. O tusi la e mo tagata e fia iloa atili e uiga i le tatou ekalesia," o le tala lea a Tama.

Sa tilotilo faamatatasi atu Isapela i totonu o le potu. Sa tumu i tagata e alofa i ai. Sa nonofo latalata i le pito i luma ia lona tinamatua, uso ma tuagane o ona matua, ma ona tau-soga. Sa nonofo faatasi lana uo lelei lava o Grace ma lona aiga i le pito i tua. Ae sa le'i iloa atu e Isapela lona

faiaoga o le aoga o Misi Pekina.

"Ta o i totonu," sa fai atu ai Tama. "Ua tatau ona amata le sauniga."

"E mafai ona ta faatalitali mo se minute se tasi mo Misi Pekina?"

O Misi Pekina o le faiaoga lea e sili ona fiafia i ai Isapela. E fiafia o ia i tusi, ma e faapena foi Isapela.

"Lelei tele oe mo le valaauliaina o ia, Isapela, ae ailoga a sau," o le tala lemu lea lea a Tama.

Sa mapuea Isapela ma huelue lona ulu. Sa la savavali atu loa ma Tama i totonu o le potu ma nonofo i le laina pito i luma. O le taimi tonu lava o le a amata ai le pese amata, ae faliu loa Isapela e toe vaai tasi lava pe ua sau lona faiaoga. A lale ua saofafai mai ma le aiga o Isapela! Sa ataata Isapela. Sa ataata mai foi i ai Misi Pekina.

Ina ua uma le papatisoga o Isapela, sa fai atu loa le epikopo i tagata uma e soso mai i totonu mo le pueina o se ata.

"O fea Isapela?" o lana fesili lea.

Sa tau fai tilotilo solo tagata. E leai se Isapela!

Sa alu Grace e sue mai lana uo. Sa ia sueina muamua i le faapaologa, ae sa le'i i ai Isapela iina. Ona alu atu lea i le pito i luma, ae sa lei i ai foi iina. Ona su'e ai lea i fafo ma iloa atu ai Isapela o tutu i le faasitepu o le falelotu ma talanoa ai ma Misi Pekina.

"Faafetai lava mo lou sau i lo'u papatisoga," sa fai atu ai Isapela.

"E le afaina," sa fai mai ai Misi Pekina. "E faamalie atu ona e tatau ona ou vave alu. E i ai se isi au fuafuaga e fai nei."

"E le afaina. Ae e i ai se mea ou te fia tuuina atu ia te oe." Sa tuu atu e Isapela i lona faiaoga se Tusi a Mamona lea sa ia aumaia mai le laulau i le faapaologa. "Ou te iloa e te fiafia e fatau, ma o se tusi e *sili* ona manaia lenei."

"Faafetai lava," o le tala lea a Misi Pekina.

"E mafai ona e fatauina?" sa fesili atu ai Isapela.

"Ioe, o le a ou fatauina," na fai mai ai Misi Pekina. "O la'u tala moi lava."

Sa matuai lagona e Isapela le fiafia. Sa ataata o ia a o faliu ma vaai mai ia Grace o loo faatalitali atu mo ia.

"O le a lau mea sa fai i fafo i o?" o le fesili lea a Grace. "O loo manao lou tina i so tatou ata toatele."

"Sa ou alu e ave le Tusi a Mamona ia Misi Pekina," o le tala lea a Isapela.

Sa matuai faaatoatoa le pupula a Grace. "Sa e fefe?"

"Sa ou fefe laitiiti. Ae sa sili atu lo'u fefe ina nei alu tuu i se isi mea. O lea na ou fesili ai ia te ia pe mata o le a ia fatauina."



Etatau ona 'faamaoni naunautai' (MFF 123:14) lo tatou aumaiga o le malamalamo o le talalelei ia i latou o e o loo saili mo tali ua ofoina mai e le ata o le faaolataga."

Elder L. Tom Perry o le Korama a Apostolo e Toasefululuia, "Aumai Agaga ia te Au," *Liahona*, Me 2009, 109.

"Na fai mai la e a?" sa fesili atu ai Grace.

"Sa ia folafola mai o le a ia faitauina!"

"Matuai manaia tele!" o le tala lea a Grace.

Sa faatasi atu nei teineiti e toalua i uo ma tagata o le aiga.

"Ua ou fiafia ua maua oe e Grace, Isapela!" sa fai atu ai le epikopo. Ona toe fai atu ai lea i tagata uma e faapotopoto mai i totonu mo le pueina o le ata. Sa tu Isapela i le ogatotonu o le laina pito i luma.

Mulimuli ane, sa punou ane le tina o Isapela ma fusi o ia. "Ua

mafai nei ona e manatuaina e faava-vau le aso o lou papatisoga!" na ia fai mai ai.

Sa ataata Isapela. Sa ia iloaina e tusa pe i ai pe le i ai se ata, o le a le galo lava ia te ia le aso o lona papatisoga ma le lagona fiafia i le avea ai ma se faifeautalai. ■

Pe Le Mafai Ona Avea i Tatou ma ni Uo?

Saunia e Patricia Graham

E faavae i se tala moni

*“A ia outou feagaleleiai, ia
femutimutivaleai lo outou alofa, ia
fefaamagaloai outou” (Efeso 4:32).*



1. Sa popolevale Makerita ona sa ia le iloaina se tasi i lana a'oga fou.

2. Sa taufaalili ia te ia nisi o teineiti. Sa oo lava foi ina toso e se tasi o teineitiiti le lipine o le lauulu o Makerita. E le'i manatu Makerita o le a fafia o ia i lana a'oga fou.



3. Ina ua tuua le a'oga, sa telefoni atu Makerita i lona tinamatua ma faamatala i ai e uiga i teineiti leaga.



4.

Makerita, e tatau ona e tatalo ma fesili i le Tama Faalelagi po o le a le mea e fai. O le a la fesoasoani ia te oe.



5. O le po lena, sa tatalo ai Makerita i le Tama Faalelagi. Sa ia ta'u atu ia te la lona faafitauli. Ona oso ae lea o sona manatu.



6. O le aso na sosoo ai i le a'oga, sa ula atu foi teineiti ia te ia.




Pe le mafai ona avea i tatou ma ni uo?

7. O le isi foi aso na sosoo ai, sa tatoso foi e teineiti ana lipine.




8. E tasi le vaiaso mulimuli ane, sa fiafia Makerita e faamatala atu i lona tinamatua le mea sa tupu.




Sa tuuina mai e le Tama Faalelagi ia te au le manatu ia ou agalelei i teineiti. Latou te le o toe taufaalili mai ia te a'u, ma ua avea nei i latou o ni au uo.

FAIA O NI UO I LE LALOLAGI



Tusa lava po o fea tou te nonofo ai, e mafai lava ona outou faauo atu e ala i le agalelei atu i isi. Vaai i ata o Makerita (tauagavale) ma Antoine (taumatau). E eseese atunuu e nonofo ai i laua. Taumafai e sue ma li'o mea e lima e tutusa ai ia ata e lua.



Faia o se Aso Maode

Saunia e Lindsay Stevens




Sa fesoasoani Manueli i lona tina i le faiga o le meaai i le taeao.

Sa suesue Manueli i le aoga.



Sa faalu e Manueli lona aso i le faia o mea lelei. Sa faatulaga lona aso i le tusia o se numera i pusa e iloa ai le mea sa ia faia muamua, lona lua, lona tolu, ma le lona fa.

O a ni mea lelei e mafai ona e faia i le asō?



Sa faalogologo Manueli ao faitau atu e lona tama ia tusitusiga paia i le aiga.

E tatalo Manueli a o lei moe.

Tala Fou o le Ekalesia

Na Folasia Mai Tusitaulima Fou i le Taimi o le Aoaoga i le Lalolagi Atoa

Saunia e Adam C. Olson, Mekasini a le Ekalesia

Na folasia mai e Peresitene Thomas S. Monson ma uso o le Korama a Aposetolo e Toasefulu ia tusitaulima fou a le Ekalesia, ma nisi o suiga tautau o loo i ai, i le taimi o le faasalalauga o le Aoaoga a Taitai i le Lalolagi Atoa i le aso 13 o Novema, 2010.

O le aoaoga a le au taitai lea na folasia mai ai tusitaulima fou—*Tusitaulima 1: Peresitene o Siteki ma Epikopo* ma le *Tusitaulima 2: Taitaiina o le Ekalesia*—na faasalalauna i gagana e 22 i taitai perisitua ma ausilali i atunu e 95.

O loo maua lea faasalalauga i le LDS.org at www.lds.org/leadership-training.

O Le Taua o Tusitaulima

“O loo i ai le saogalemu i tusitaulima,” na saunoa ai Peresitene Monson, e lapata’ia ai mai ni faiga e le masani ai e mafai ona faaoifiofi mai i polokalama a le Ekalesia, pe a le masani ia taitai ma aiaiga ma faiga faavae a le Ekalesia. “O le a avea ma se faamanuiga ia te outou ma i latou o loo outou tautuaina pe a outou faitauina [tusitaulima], malamalamai i ai, ma mulimuli ai.”

E maua i tusitaulima le tulaga sili atu ona faigofie ma maufetuuna’ia, e le oo ai i ni tulaga e sili ona matautia se lua, e tusa ai ma le saunoaga a Peresitene Boyd K. Packer, Peresitene o le Korama a Aposetolo e Toasefululua.

Muamua o le matautia o le pulepuletutu i le uunaiga a le Agaga Paia ma aveesea ai mai polokalama a le Ekalesia. “O se galuega e faaleagaga o loo tatou punoua’i ai,” na ia saunoa ai, “ma o se galuega e faaleagaga e tatau ona tomatauina e le Agaga.”

Lona lua o le tulaga matautia o le “faatuina o le Ekalesia e aunoa ma le faatuina o le talalelei,” na ia saunoa ai. “Tatou te manaomia le i ai o le Ekalesia

i olaga o le au paia, ma faatuina le talalelei i loto o tagata o le au paia.”

O Suiga Tausi

O le tele lava o le anotusi o le *Tusitaulima 1: Peresitene o Siteki ma Epikopo* o loo tumau e le o suia mai le faafouga na i ai i le 2006 o le *Tusitaulima o Faatonuga a le Ekalesia, Tusi 1*. Ua maea ona tuu i ai faatonuga na aumai i tusi aupito lata mai a le

Au Peresitene Sili, o mataupu e uiga i tiute o le peresitene o le siteki ma le epikopo ua faapuu-puu ma faamanino, ma ua toe faatulagaina nisi o punaoa ina ia faigofie ona tagatagai i ai.

O suiga i le *Tusitaulima 2: Taitaiina o le Ekalesia* e sili atu ona tetele. O se faiga e faavae i mataupu faavae, ua faia ina ia faaitiitia ai le lavelave o polokalama a le Ekalesia ma faatagaina ai ni fetuunaiga i le lotoifale, i mea e tatau ai e aunoa ma le ositaulagaina o le laugatasia o aiaiga, faiga faavae, ma polokalama.

O isi suiga o faamatalaga e aofia ai le tuuitiitia o le avega a le epikopo e ala i le faalauteleina o le matafaioi a le aufono a le uarota ma ona sui auai, o le faaopoopoga talafeagai i le tele o taimi e fai ai fonotaga a le aufono a le uarota, o se faamaninoga o le misiona a le Ekalesia, tuu-faataasi o le galuega a le komiti o le uelefea a le uarota i talanoaga a le komiti a le au taitai perisitua (lea e ono valaaulia ia peresitene o Aualofa e auai pe a tatau ai) ma aufono a uarota, le toe faia o se komiti tumau o gaoioiga a uarota ma le taulimaina o gaoioiga e ala i le aufono a le uarota, ma isi suiga.

O Le Misiona a le Ekalesia

O tusitaulima fou ua faamanino mai ai le fenu-miai e tusa ai ma le mea sa ta’ua e le Au Peresitene Sili i le 1981, o le misiona tafatolu a le Ekalesia—

O le a faia le faasalalauga lona lua Faaleao-aoga a Taitai i le Lalolagi Atoa ia Fepuari 2011 e taulai auiliili ai i tiutetau-ave o peresitene o siteki ma epikopo, o le galuega a korama ma ausilali, ma luitau faapitoa a iunite e le lava ia tagata o le au paia ma taitai e tauaveina ai ia polokalama uma a le Ekalesia.



folafola, faaatoatoa, ma le faaolaina.

O le *Tusitalima* 2, vaega 2.2, ua toe faamautu mai ai le faamoemoega o le Au Peresitene Sili i le 1981, o nei faatatauga e tolu o se vaega o le galuega tele e tasi, e faapea: "O Le Ekalesia a Iesu Keriso o le Au Paia o Aso e Gata Ai, na faatulagaina e le Atua e fesoasoani i Lana galuega e faataunuina le faaolataga ma le faaeaga o Lana fanau" (tagai Mose 1:39).

Na lapata'ia ai e Elder Dallin H. Oaks o le Korama a Aposetolo e Toasefululua le "soona gauai atu i le faauigaga ma tuaoi o nei faatatauga e tolu o le galuega a le Alii" po o le "lē amanaiaina ai o isi elemene ttau a tatau ona i ai, e pei o le tausiga o e matitiva."

Na ia saunoa, "O le mataupu faavae masani, o loo ta'uā i le vaega 2.2, e faapea 'o polokalama ma gaoioiga a le Ekalesia [ua faamoemoe] e lagolago ai ma faamalolosia tagata taitoatasi ma aiga."

Ogatasi ma Fetuunaiga

O mataupu ma aoaoga faavae o loo maua i mataupu muamua e tolu o le *Tusitalima* 2 o "faavae ia o le taitaiga o le Ekalesia ma e tatau ona faavae ai mea uma e faia [e taitai]," na saunoa i ai Elder Quentin L. Cook o le Korama a Aposetolo e Toasefululua. Peitai, o mataupu o le tusi o loo sosoo mai ai, aemaise se mataupu fou ua faaigoaina o le "Ogatasi ma Fetuunaiga," e fesoasoani e faamatala ai le mea e mafai ai ona fetuunai aiaiga ma polokalama a le Ekalesia.

E fesoasoani lenei mataupu "ua faatulaga manino mai ai mataupu e tatau ona laugatasia ai iunite uma

lava o le Ekalesia" po o fea lava e i ai, "o loo i ai foi mataupu faavae e matuai taua o loo faatulaga mai ai tulaga e mafai ai ona faatagaina . . . se fetuunaiga i le lotoifale," na saunoa ai Elder Cook.

O faataitaiga o mea e mafai ona faia ai ni fetuunaiga talafeagai e aofia ai tagata e galulue ma polokalama a ausilali, ma le faatulagaga ma pe faa-fia ona faia ia fonotaga faaleautaitai ma gaoioiga. O tulaga e tatau ona mafaufau i ai, e aofia ai tulaga faaleaiga, feoa'iga ma fesootaiga, vaega toaititi o le au paia, ma le saogalemu.

"A mafaufau po o a fetuunaiga e ono talafeagai, e tatau i taitai ona sailia pea lava pea le taitaiga a le Agaga ma talanoa fefautuui ma lo latou pulefaamalumalu o loo vaaia," o le saunoaga lea a Elder Cook.

Aga'i i Luma

I le taitaiina ai o se felafolafoaiga, sa fautuaina ai e Elder M. Russell Ballard o le Korama a Aposetolo e Toasefululua e faapea, o le suesueina o faatonuga i mataupu taitasi i le taimi, ma talanoaina ia mataupu faavae i fonotaga a aufono, e mafai ai ona maua ni aoaoga e sili atu ona 'anoa.

Afai e i ai ni fesili a taitai e uiga i aiaiga ma polokalama e le o mafai ona taliina e tusitalima, e tatau ona latou talanoaina ma lo latou taitai perisitua pulefaamalumalu, na fautua mai ai Elder Oaks. Afai e i ai ni fesili e le o maua ni tali, na ia saunoa, "e na o taitai perisitua aupito sinia e tatau ona siakiina i le Ofisa o le Au Peresitene Sili." ■

O Elders

M. Russell Ballard,
Jeffrey R. Holland,
ma David A.
Bednar o le
Korama a Aposetolo e Toasefululua;
Julie B. Beck,
Peresitene Aoao
o le Aualofa; ma
Walter F. González
o le Au Peresitene
o Fitugafulu na
soalaupuleina
mataupu faavae o
i tusitalima fou
a le Ekalesia, i se
Aoaoga a Taitai i
le Lalolagi Atoa,
i le masina o
Novema 2010.

Ua Faamanatu e le Seminare o le Vaveao Le 60 Tausaga

O seminare i le vaveao, e mafai ona faigata, ae i le silia ma le 60 tausaga ua mavae, ua silia ma le miliona tupulaga o le Ekalesia ua iloa, o le alafa'i mai a o le'i oso le la ma taumafai e tulimatai atu e le gata i o latou mata a o o latou mafaufau i tusitusiga paia, o se taumafaiga aoga tele.

“O le faaluina o ni nai minute i tusitusiga paia i aso taitasi, tuuina atu molimau, ma lagonaina le Agaga ua le gata ina i ai se aafiaga faamalosiau mo tamaiti aoga e o i le a'oga, ae e i ai foi sona aafiaga faamalolo pe a galue le Togiola a Iesu Keriso i o latou olaga,” o le tala lea a Kelly Haws, o le taitai fesoasoani mo seminare ma inisitituti o aoaoga faalelotu. “O se avanoa sili mo tupulaga talavou.”



O Le Fotuai mai o le Seminare o le Vaveao

O uluai vasega o le seminare na faia i le taimi masani o a'oga i le 1912 i se seminare e sosoo ma le Aoga Maualuga a Granite i le Aai o Sate Leki, Iuta, ISA. Peitai, a o gasolo tausaga, sa faateleina tupulaga talavou a le Ekalesia na lesitala i aoga ua faatupulaia a le malo, ae sa le mafai ona maua vasega seminare e pei o tamaiti a'oga i le Aoga Maualuga a le Granite.

Ina ua televave le faatupulaia o le faitau aofai o le

Ekalesia i Kalefonia i Saute i le taufaauiuga o le 1940, o le tulaga manaomia e aotauina ia tupulaga talavou i le talalelei, na musuia ai se vaega o peresitene o siteki ina ia talosagaina le faavaeina o le polokalama o le seminare i le itulagi o Kalefonia i Saute.

I le tausaga faaleaoaoga e 1948–49, na faamanuina Marion D. Hanks, l ī na avea mulimuli ane ma se tasi o le Au Peresitene o Fitugafulu, o se faiaoga i le vasega seminare o le vaveao i le Aoga Maualuga a West i le Aai o Sate Leki. O le faia o vasega faapea, sa foliga mai o se tali talafeagai lelei lea mo le Au Paia i Kalefonia, ma sa faamaonia ia siteki e 11 e fai ni vasega se 13 i le vaveao.

Faafetaia'ia o Manaoga Eseese

Mai le amataga aloaia o le polokalama i le 1950–51, ua salalau atu i le Iunaite Setete ma le lalolagi atoa, e fesoasoani ai i le autalavou i soo se tulimanu, e aaoai ai tusitusiga paia ma faaaoga ia mataupu faavae o le talalelei. O lona igoa aloaia sa suia talu ai nei i le “seminare i aso taitasi,” aua e l ī o vasega uma e fai i le vaveao.

O se itu ua matua faamanuina iai le seminare i aso taitasi, o lona maufetuuna'ia. Ua faatulagaina polokalama i le tulaga faatesiteki ma itu, e mafai foi ona faatulaga i se uarota po o se paranesi e tasi, pe tuufaatasi foi ni uarota po o paranesi e tusa ai ma tulaga manaomia ma tulaga o le autalavou, matua, ma taitai perisitua.

E ui toeitiiti atoa le 115,000 tamaiti a'oga o loo faamanuina pea i tausaga taitasi mai seminare e faia i le taimi o a'oga i eria e toatele ai le faitau aofai o tagata o le Ekalesia, pe tusa ma le 217,000 tamaiti aoga seminare i le lalolagi atoa e auai i le seminare i aso taitasi.

Talu ai o nisi talavou o le Ekalesia e mamao le mea e nonofo ai mai isi tagata o le Ekalesia ina ia alu ai i le vasega seminare e faia i le taimi o a'oga po o aso taitasi, o lea na faavaeina ai le polokalama e suesue

ai le seminare i le aiga. O tamaiti e duesue i le fale, latou te faaluina aso e fa i vaiaso taitasi e duesue ai e i latou lava ia lesona e atofa atu i ai, ona faapotopoto lea ma isi tamaiti o loo duesue i aiga ia taitasi i le vaiaso, e talanoaina ai mea sa latou aoaoina.

O Se Maa e lei Tofaina i ni Lima

O le aso, o loo faia ai vasega seminare i setete uma i le Iunaite Setete ma faapea i atunu 140 i le lalolagi. I le 1948 na avea ai Kanata ma atunu muamua lava i fafo atu o le Iunaite Setete e faia le seminare. Faatasi ai ma le salalau atu o le seminare i vaveao, na sosoo ai ma Mekisiko i le 1958, o Finelani ma Siamani i le 1962, o Iapani i le 1963, Panama i le 1964, ma faapea ma isi atunu i le gasologa o tausaga. Talu ai nei lava, na faavaeina ai vasega seminare i le 2008 i le atunu o Benin, Georgia, ma Moroko.

A o salalau atu le seminare i le lalolagi, ua atina ae ai foi ma se faalapototoga o tamaiti o le seminare i le lalolagi atoa. E le afaina po o fea lava o nonofo ai tamaiti seminare, latou te tauhotoina ia mautauloto lava e tasi, duesueina ia itulau lava e tasi o tusitusiga paia, lagonaina le Agaga lava e tasi a o faapena ona tuputupu ae a latou molimau, ma galulu e fausia le malo lava e tasi.

Faamanuiaga mai le Ositaaulaga

O tamaiti o le seminare, pe latou te auai i vasega e faia i le taimi o a'oga, seminare i aso taitasi, po o seminare e duesue i le fale, latou te faia lava ni osigataaulaga e aumai ai i latou e latalata i le Tama Faalelagi.

"Pe a filifili se tamaiti 15 tausaga, 'O le a ou ala i luga i le 5:00 i le vaveao mo le seminare,' e le gata o se taulaga lena mea, ae o le faaaogaina foi o le filifili saoloto o se faamatalaga lea i le Tama Faalelagi lea e toe foi mai ma se faamanuiaga," na saunoa ai Uso Haws.

O na faamanuiaga e tusa lava le moni i le aso e pei ona sa i ai i le 60 tausaga talu ai, ma o le seminare i soo sona faatulagaga lava e faaaauau pea ona faamanuiaina ai olaga o le autalavou o le salafa o le lalolagi. ■

Auauna Atu le Au Paia i le Atu Aferika

O tagata o le Ekalesia i le atu konetineta o Aferika sa faaluina le Aso Toonai, 21 o Aokuso, 2010, e faaleleia ai o latou nuu o se vaega o le Aso o Lima Fesoasoani o Aferika Atoa 2010.

O le tausaga lenei, sa valaauia ai e le siteki o Aba Nigeria ni nai vaega o autalavou o nonofo ai i nuu latou te faipaaga, ma aumaia faatasi ai le silia ma le



1,000 tagata. I le Itu o Umuahia Nigeria, e silia ma le 100 tagata o le Ekalesia mai paranesi e ono na sasaina le vao, teuina togalaau, ma faamamaina alavai ma lotoa o le Matagaluega o Faasalalauga o le Setete o Abia.

I Accra, Ghana, na tofaina ai paranesi e faamamaina ia nofoga eseeese, e aofia ai falemai, faleaoga o tamaiti, ma ofisa o leoleo. Sa tofaina nisi o tagata o le Ekalesia e faatumuina ni lua pe faamamaina foi alavai ua amata ona poloka.

I soo se mea lava e o atu i ai tagata o le ekalesia ma o latou tauofu o Lima Fesoasoani o loo ofuina, e faafeiloaia i latou e tagata o nuu, ma le lotofafetai mo la latou fesoasoani. Sa tau atu e se taiulu

o le Aoga a Matata eseeese o le Setete o Abia i tagata volenitia, "I se vaitaimi o loo tuufesili ai pea tagata uma po o le a se mea a le malo o le a faia mo i latou, o se atina ae e talisapaia le i ai o se faalapototoga o loo tuuina mai pea lava pea le auaunaga i tagata lautele." ■

Ua maua nei le Fusi Tolu i Indonesia

Ua maua nei se lomiga faa-Initonesia o tusitusiga paia fusi-tolu, ma ua faigofie ai mo failauga Initonesia ona maua le Tusi a Mamona, Mataupu Faavae ma Feagaiga, ma le Penina Tau Tele ua fusia faatasi i la latou lava gagana. Ua maua foi se lomiga fou o le Tusi a Mamona i le gagana Initonesia.

Ua maua foi i luga o le initonetia tusitusiga paia fusi-tolu faa-Initonesia. O le ituaiga lea i luga o le initonetia o loo aofia ai ma faafanua, ma atapue ma e mafai e le au faitau ona faailoga ia mau ma faatinoina ia sailiga i upu autu. E mafai ona maua i le scriptures.lds.org/ind.

E silia ma le 6,000 tagata o le Ekalesia i le lalolagi atoa e tautatala i le gagana Initonesia o le toatele o i latou o loo i Initonesia, Meleisia, ma le Iunaite Setete. O Initonesia o le atunu lona fa lea e aupito i toatele le faitau aofai o ona tagata i le lalolagi.

Ua faamalosiau mai le Au Perek-sitene Sili i tagata o le Ekalesia ia faaaogaina a latou lava tusitusiga paia ma faaaogaina i duesuega

faifai pea, i sauniga ma fonotaga a le Ekalesia, ma mo tofiga faale-Ekalesia. ■

Ua Ulufale Atu le Polokalama i le Hall of Fame

Ua ulufale atu nei i le Radio Hall of Fame i le Iunaite Setete le polokalama *O Musika ma le Afioga Tulei*, le faasalalauga faale-vaiaso a le Aufaipese a le Tape-neko. Sa filifilia le faasalalauga ina ua uma ona filifilia e le fono a le aufaatonu ia polokalama mo le faaulufalega, ma sa palota tagata

lautele mo a latou polokalama e fiafia i ai ma uiga tausaafia.

O Musika ma Afioga Tulei na manumalo i le vaega o le National Pioneer, lea na faamamaluina ai le au faasalalau o e na faia se tautua e le itiiti ifo ma le 10 tausaga i le atiina ae o leitio ma na avea ma e na taitaia ma atiina ae pe faaleleia polokalama o leitio i le tulaga faaleatunuu.

O Musika ma Afioga Tulei o se faasalalauga i leitio aupito umi i le Iunaite Setete. O le uluai faasalalauga na faia i le aso 15 o Iulai, 1929.



© BUSATH PHOTOGRAPHY

O loo faasalalauina le polokalama i le silia ma le 2,000 alaleo leitio, alaleo televisé, ma isi faiga e ala i uea malolosi. O loo maua foi i luga o le initonet i le musicandthespokenword.org. Mai le itulau autu, kiliki i le **Listen Live** ma mulimuli i le fesootaiga mo alaata e maua ai. ■

O le faasalauga faalevaiaso o Musika ma Afioga Tulei ua ulufale atu nei i le Radio Hall of Fame.

NAI OTOOTOGA O LE LALOLAGI

Ua tatalaina e le Eklesia ia Polokalama mo Telefoni Feaveai

Ua tatalaina e le Eklesia ia polokalama mo telefoni feaveai e fesoasoani ai i tagata e suesue i le talalelei e oo lava pe a o alu malaga. O le polokalama o le Gospel Library ua mafai ai e i latou o loo faaaogaina, ona maka ai tusi, failogia ai, ma tusi ni faamatatalaga a o latou fatauina mai tusitusiga paia, o saunoaga o konafesi aoao, ma tusi lesona o le Aso Sa. O le polokalama o le Mormon Channel ua faasalalau atu ai le alaleo aloaia a le Eklesia ma o loo aofia ai ma tusitusiga paia, saunoaga o konafesi aoao, ma mekasini a le Eklesia. Asiasi i le mobile.lds.org mo nisi faamatatalaga e uiga i le faaaogaina pea o ia mea.



Ua Toe Tatalaina Le Nofoga Autu mo Tagata Asiasi Mai i le Malumalu o Los Angeles

Na toe tatalaina le Nofoga Autu mo Tagata Asiasi Mai i le Malumalu o Los Angeles i le aso 17 o Aokuso 2010, ina ua mae'a le lua tausaga o le toe faafouga. O loo faalauiloa e le nofoaga autu le talafaasolopito o le Eklesia i Kalefonia i Saute a'o taulai atu i le aoaoga faavae autu o le talalelei. O le maota 12,000-futu-faatafafa (1,100 mita faatafafa) e aofia ai le tele o vaega o faaliga ma potu mo ata tifaga e lua. O lona totonugalemu ua i ai se faatusa e 11 futu (3.4 mita) o le Keriso, lea e iloa mai fafo o le nofoaga autu o tagata asiasi mai.

E 200 Miliona Isi Faamaumauga Faaopoopo ua Maua nei i Luga o le Initonet

Ua faalauiloa mai nei e le FamilySearch.org le silia ma le 200 miliona o faamaumauga e mafai ona sailili ai ia Aokuso 2010, ua oo atu ai nei le aofaiga o faamaumauga ua maua i le saite o le Record Search (saite mo Siliiliga o Faamaumauga) i le 700 miliona. Ina ia maua lea punaoa e faaaoga fua, asiasi i le Pilot.FamilySearch.org po o le beta.familysearch.org. Ua mafai ona maua i ni vaega tetele ia faamaumauga ua faatupulaia, ona o le au faigaluega e ofo fua mai o latou taimi e 350,000 i le lalolagi atoa i le Family Search Indexing, o e o loo faaliliuina ata o faamaumauga iloga ina ia faigofie ai ona sailia faafuainumera. ■

FAAMATALAGA

O Le Tapasa o Lo'u Olaga

OU te fiafia i le *Liahona*. O le tapasa o lo'u olaga; e na te taialaina au i le ala sa'o ma agai atu i mea sili. Ua fesoasoani ou te tuputupu ae malosi ai ma aloese mai faaososoga e masani ona matou fetaiai. E na te faafaleleina lo'u olaga i aso uma. Faafetai atu mo le faia ina ia mafai ai e tagata o le lalolagi atoa ona maua lenei tapasa ma le taiala, lea e tuu ai i tatou i luga o le ala o le faatuatua.

Anastasia N., 17 tausaga, Ukraine

Liahona O Se Faufautua

E tele taimi ou te lesitalaina ai le *Liahona* mo au uo ma tagata faigaluega mo meaalofa o le Kerisimasi o se auala e aoaoina atu ai le talalelei ia i latou. E masani lava ona o mai i latou i le falefaigaluega ma faamatala mai tusiga na latou faiatau i ai. Ua latou faaaogaina le *Liahona* o se faufautua, ma latou fai mai pe a i ai ni faafitauli i o latou aiga latou te faiatauina faatasi le *Liahona*. Ou te tuuina foi se kopi o le mekasini i le potu faatalitali o le matou ofisa. O se meafaigaluega matagofie faafaifeatalai.

Prycila Villar, Brazil

O Se Punavai o le Malosi Faaleagaga

O i matou o tagata Columbia e nonofo i Logan, Iuta, ISA, ma ua matou faafetai lava i le mauaina o le *Liahona* i le gagana Sipaniolo. I le avea ai ma matua, ma te taumafai lava e aoaoina o ma afafine e toatolu ia ola i le talalelei ma atiina ae se alofa mo le malumalu. Faafetai mo le lomiaina o le *Liahona* i masina uma, aua o totonu o ana savali ua maua ai e lo matou aiga se punavai o le malosi faaleagaga.

Rincon Family, Iuta, ISA

Faamolemole auina mai sou finagalo faaalia po o ni fautuaga i le liahona@ldschurch.org. E ono faapupuuina tala mo le uumi po o le manino. ■

MANATU MO AFIAFI FAALEAIGA

O lenei lomiga e aofia ai tusiga ma gaoioiga e mafai ona faaaoga mo afiafi faaleaiga. O nai faataitaiga nei.

"Ia Punouai i Galuega o Talafaasolopito o Aiga," i. 8: E mafai ona e saunia se tamai atigi pusa mo tagata taitoatas i le aiga e teuteuina ma faaaogaina e teu ai ata, tusi talaaga, ma isi faamaumauga.

O Le a Se Mea Fou o i le Polokalama o le Alualu i Luma o le Tagata Lava la?, i. 34, ma le **"O Le Perisitua Arona—E Sili Atu Nai Lo Le Mea E Te Manatu I Ai,"** i. 37: O polokalama

fou o le Alualu i Luma o le Tagata Lava la ma le Tiute i le Atua ua faamalosia ai le autalavou e mafaufau i ai ma faasoa atu mea ua latou aoaoina. Afai e i ai ni talavou i lou aiga, e mafai ona e talosagaina i latou e fuafua se lesona o le afiafi faaleaiga e faatatau i se gaoioiga o le Tiute i le Atua po o le Alualu i Luma o le Tagata Lava la e lei leva ona latou faamaeaina.



E Faapefea ona Ou Fausia se Faavae Faaleagaga?, i. 62: la tuu nai maa laiti e fepiitai ma le isi i totonu o se apa e le sao mai ai se vai. I totonu o se isi apa faapena, ia sasaa i ai se faaputuga oneone. Ia sue mai ni meafaitino e suitulaga i fale. Ia tuu le tasi "fale" i luga o maa ma le tasi i luga o le oneone. Ona faatumu lea o apa taitasi i le vai. O le "fale" i luga o le oneone o le a goto a o le "fale" i luga o maa o le a tu pea. Ia talanoaina le auala e mafai ai e se faavae faaleagaga malosi ona faatumauina i tatou i taimi o matagi o le olaga (tagai Helamana 5:12).

O Le Lesona na aoao mai e se Tamai Taifau

A o laiti le ma fanau, sa ou ave i latou i se faleoloa o fagafao e maulai ai se fasi pepa mo se ia auro e maua fua. E lua itula mulimuli ane ae matou o ese mai ma se tamai taifau, na faatauina i le tipe a le fanau lava ia. O le po lena na matou tuu ai le tamai taifau i le potu ta lavalava e moe ai. I le taeao na gasu uma le potu. Na faamoemoe o le fanau e tapenaina le potu, ae sa latou manatu ua mamafa tele. "E le mafai ona matou faia!" sa latou fetagisi tautala ai.

O lena po na talanoaina ai i le matou afiafi faaleaiga le mataupu o le taunuuga o filifiliga. "Ina ua outou faatauina mai le taifau," na fai atu ai lo latou tama, "tou te lei mafaufau lava e uiga i le taunuuga. O lea ua avea nei le taifau ma se vaega o lo tatou aiga, ma e tatau ona faia lo outou tiutetauave mo ia." Sa matou talanoaina le auala e mulimuli mai ai pea taunuuga i soo se filifiliga matou te faia, ma sa ma faamalosia i latou ina ia latou faia e le aunoa ia filifiliga amiotonu.

E lei leva atu nei ona mate le taifau i le 14 ai o tausaga talu ona avea o se vaega o lo matou aiga, ae o lesona o le olaga na ia fesoasoani e aoao mai ia i matou, o le a tumau pea.

Jill Grant, Victoria, Ausetalia

E Le Tuulafoaiina Lava

Saunia e Adam C. Olson

Mekasini a le Ekalesia

Tle taimi o Lana galuega sa masani ona ta'ua e le Alii ia mau. O lea la, e le tatou ai ona tatou tetei i le vaia o fuaitau o loo i le Feagaiga Tuai ua ta'ua e le Faaola i le Feagaiga Fou. Ae sa ou tei i se tasi o aso ina ua ou fatauina le fuaiupu muamua o le Salamo 22: “Lo'u Atua e, lo'u Atua e, se a ea le mea ua e tuulafoai mai ai ia te au?”

Ou te lei mafaufauina lava sa sii mai e le Faaola ia tusitusiga paia ina ua Ia ta'ua na upu i Lona mafatiaga i luga o le satauro (tagai i le Mataio 27:46). O lena manatu sa taitaiina atu ai i se mautinoa loloto faaleagaga.

Atonu na i ai se taimi sa tatou manatunatu uma ai faapea, “Le Atua e, o i fea ea oe?” (MFF 121:1). E masani ona oo mai i lou mafaufau lena fesili i taimi ou te le mautonu ai pe mafatia faaleagaga.

O le mafuaaga lena e pei ai fetalaiga a le Faaola o augani mai i le fesili: Pe o Lana alaga ea sa tulai mai i le le mautonu—po o le masalosalo foi? Pe o le uiga ea sa i ai se fesili sa lei i ai i lo'u Faaola e i ai le mana uma, ma silafia mea uma, se tali i le taimi tonu lea sa faalagolago ai lo'u faaolataga i Lona mana e tuuina mai tali uma ma faatoilaloina mea uma?

O le fatauina o le salamo lenei ua aoaoina ai au, e ui lava e moni o nei upu e aumaia ai lagona tiga o le agaga ona o le “atuavale matautia ua le mafuta mai le lagi,” lea atonu sa Ia faanaunau i ai, ae sa lei malamalama atoatoa i ai, sa lē o se faailoga o le masalosalo.¹

O lea lava faatinoga o le valaau atu i Lona Tama i le taimi sa sili ona mafatia ai o Ia e faaaoga ai upu mai tusitusiga paia, sa le gata o se faamaoniga o le faatuatua ae o se avanoa loloto foi o aoaoga. E ui ina amata le Salamo 22 i se fesili, ae o se faaalia lea o le faatuataga loloto e le tuulafoaiina i tatou e le Atua:



*O le fetalaiga
a le Faaola
e uiga i
tusitusiga
paia sa ou
mautinoa ai e
le tuulafoaiina
lava i tatou.*

“Na faatuatua ia te oe o matou tama: na latou faatuatua, ua e laveai foi ia te i latou.

“Na latou alalaga atu ia te oe, ona laveaiina ai lea o i latou: na latou faatuatua ia te oe, ona le faamaina lea o i latou” (fuaiupu e 4–5).

O le faaaogaina o aafiaga a le faisalamo se muai faaataataga o mafatiaga o le Faaola, na muai ta'ua ai e le faisalamo ia tauemuga (fuaiupu 7–8), o le faamasinoga sese ma sauaga faatautala na sosoo ai (fuaiupu 11–13), o Ona tiga ma puapuaga (fuaiupu 14), o Lona fia taumafa i se vai (fuaiupu 15), o le tutu'iina o Ona lima ma vae (fuaiupu 16), ma le faiga o vili ma le tufatufaina o Ona ofu (fuaiupu 18).

E ui ina sa sii mai e le Faaola na o le fuaiupu muamua, ae o le vaega o totoe o le salamo ua avea ma se tasi o molimau o Ia o le Mesia folafolaina, o Lona puapuagatia ua faataunuina ai le valoaga, ma sa Ia faatuatua ina atoa Lona Tama.

O lenei malamalama na aumaia ai i lo'u agaga se faamaoniga tele e faapea o lo'u faatuatua sa le'i sese se vaega na tuu ai. Ae e sili atu foi le mamana nai lo le iloaina sa lei masalosalo Iesu ma sa laveaiina, o le molimau lea o loo i lena salamo mo taimi pe a ou mafaufau ai pe ua tuulafoai *au* e le Atua po o taimi foi ou te popole ai e faapea e lei faafogofa mai o Ia i *la'u* tagi.

“O outou o e matatau i [le Atua], ina vivii atu ia ia te ia; o outou o le fanauga uma a Iakopo, ina vivii atu ia ia te ia; o outou o le fanauga uma a Israel, ia outou fefefe ia te ia.

“Aua e le ta'ufaatauvaa o ia, e le inoino foi o ia i le puapuaga o le ua puapuagaina [o Iesu]; e le liliu ese foi e ia [o le Tama] ona fofoga ia te ia; na tagi atu o ia [Iesu] ia te ia, ona *faafogofa mai ai lea o ia*” (fuaiupu 23–24; ua faaopoopo le faamamafa). ■

FAAMATALAGA

1. Tagai Jeffrey R. Holland, “Sa Leai se Tasi na i ai Faatasi ma Ia” *Liahona*, Me 2009, 87.



© 1983 IRI


O Iesu o loo Tu i le Faitotoa, saunia e Del Parson

*"Faauta, ou te tu atu i le puipui ma tuitui
atu: ai se tasi e faalogo mai i lo'u leo, ma tatala
mai le puipui, ou te ulufale atu ia te ia, ma te
tali sua foi ma ia, o ia foi ma a'u.*

*"O lē manumalo ou te avatua ia te ia ma te
nonofo faatasi ma a'u i lo'u nofoalii, e pei o a'u*

*foi ona ou manumalo, ua ma nonofo foi faatasi
ma lo'u Tama i lona nofoalii.*

*"O le ua i ai taliga, ina faalogo mai ia o ia
i le mea ua fetalai mai ai le Agaga" (Faaaliga
3:20-22).*



*E ui e le mafai ona tatou
saofafai moni i aao o le Matai
e pei ona faia e Maria, ae e
mafai ona tatou aoao
e uiga ia te Ia ma
faalogo i Ana
afioga ao
tatou suesue
i le Feagaiga Fou i le Aoga Sa i lenei
tausaga. Na faamalamalama mai e
Elder Jay E. Jensen o le Au Peresitene
o Fitugafulu: “O
tusitusiga paia e
molimau ma aoao mai
e uiga ia Iesu Keriso. Pe
a faatofu i tatou lava i
[le faitauina o tusitusiga
paia], o le a tatou iloa
o Ia ma Lona siufofoga.”
Tagai “O Le Faaola—o le
Faiaoga Sili,” itulau 14.*